





ԶԱՄԱՐ

1977

Դ



ԼՂ
ՏԱՐԻ



ԷԶՄԻԱԾԻՆ



ՊԱՇՏՈՆԱԿԱՆ
ԱՄՍԱԳԻՐ
ՀԱՅՐԱՊԵՏԱԿԱՆ
ԱԹՈՌՈՒՅ
Ս. ԷԶՄԻԱԾՆԻ

Կապի



1977



ՀՐԱՄԱՆԱԻ

Տ. Տ. ՎԱԶԳԵՆԻ ԱՌԱՋՆՈՅ

ՎԵՀԱՓԱՌ ԵՒ ՍՐԲԱԶՆԱԳՈՅՆ ԿԱԹՈՂԻԿՈՍԻ
ԱՄԵՆԱՅՆ ՀԱՅՈՑ



ՎԵՀԱՓԱՌ ՀԱՅՐԱՊԵՏԻ ԲԱՐՈՋԸ ՓՐԿՉԻ
ՀՐԱՇԱՓԱՌ ԵՎ ՍՈՒՐԲ ՀԱՐՈՒԹՅԱՆ ՏՈՆԻ ԱՌԹԻՎ
ՄԱՅՐ ՏԱԾԱՐՈՒՄ

(1977 թ. ապրիլի 10)

Յանուն Հօր եւ Որդոյ եւ Հոգւոյն սրբոյ. ամէն:

«Զի՞ խնդրէք գկեմդանիս ընդ մեռեալս: Չէ աստ՝ այլ յարեալ» (Ղուկ. ԻԴ. 6):

«Ինչո՞ւ եք փնտրում նրան մեռյալների մեջ, որը կեանքի է: Նա այստեղ չէ, այլ հարություն առավ»:

Միրելի հավատացյալներ,

Ղուկաս ավետարանչի վկայությունն է այս Հիսուսի մասին: Վկայություն, որ դարեր ու սերունդներ բազում իրար փոխանցեցին մինչև մեր օրերը որպես մեծագույն ավետիս: Անցնող երկու հազար տարիների մարդկային ոգեկանության ու ողջ պատմության առանցքը՝ անիմանալի հրաշքն է Հիսուսի հարության:

Գողգոթայի բարձունքում, չարչարանաց խաչի վրա, Հիսուս ավանդել էր իր վերջին շունչը, ապա՝ Նրա մեռյալ մարմինը հանձնվել էր հողին, գերեզմանը թաղելով ծանր մի քարի տակ և հոռմեացի գինձորներին թողել այնտեղ որպես պահակներ: Կատարվել էր մի մեծ ողբերգություն: Բոլոր արդար սրտերը ողբում էին Հիսուսի մահը և դրանում տեսնում շիջումը իրենց երազանքների իրականացման, որովհետև դարերով սպասված ու գտնված Մեսիան խորտակվել էր ու գերեզմանվել: Խոնարհ մարդկանց հոգիների երկնքում հանգել էին աստղերը հույսի: Խավարն ու հուսահատությունն էր տիրում արդարության ծարավի խոնարհ բազմությունների սրտերում: Այս հոգեմաշ ապրումներով սգեկոծ՝ բարեպաշտ կանաչ եղան առաջինները, որ միաշաբաթի վաղ առավոտյան եկան Հիսուսի գերեզմանին խունկ և յուղ բերելու: Բայց հագիվ մոտեցած, զարհուրանքով տեսան, թե գերեզմանի մեծ քարը թավալված է մի կողմ, և ինքը գերեզմանը դատարկ է մնացել: Այդ պահին է, որ երևացին նրանց, ինչպես երանելի մի երագի մեջ, լուսավոր կերպարանքներով երկու մարդիկ, որոնք մեղմիկ, սակայն

պաշտոն ձայնով ասացին նրանց. «Ձի՞ խնդրեք զկենդանիս ընդ մեռեալս. չէ աստ՝ քանզի յարեաւ. յիշեցէք որպէս խօսեցաւ ընդ ձեզ մինչ էրն ի Գալիլիայ և սուէր թէ պարտ է Որդոյ մարդոյ մատենի ի ձեռս մարդոց մեղաւորաց և ի խաչ ելանել և յերրորդ ամօր յառնել»:

Հիսուս մեռելներից հարություն էր առել: Մահը պարտվել էր հաղթությամբ, ինչպես պիտի ասեր հետո Պողոս առաքյալը: Հաղթություն՝ ընդդեմ մեղքի, ընդդեմ չարի, ընդդեմ անարդարության: Հաղթություն՝ որ մարդկային հոգու ազատ աշխարհում բացեց մի նոր ճանապարհ, ճանապարհը՝ նյութի կապանքներից ազատվելու, ճանապարհը մահը հեզանելու, ճանապարհը փրկություն, ճանապարհը հավերժ ապրելու:

Հիշեցին այն ժամանակ երուսաղեմացիք, և հիշում ենք մենք էլ այսօր, մարգարեական խոսքը Հիսուսի, թե՛ «Ես կենդանի եմ և դուք կենդանի լինելոց էք»:

Հոգու աշխարհի բարձունքներում, Հիսուսի հարությունը դարձավ սովելի իրական, քան ինքը նյութական իրականությունը: Անհմանակն դարձավ ստուգություն, դարձավ հավատք, դարձավ ստեղծարար ուժականություն, դարձավ մարդու կյանքը իմաստավորող փարոս, դարձավ առաջնորդող լույս: Դարձավ անկարելիի ու կարելիի սահմանների վրա բարձրացած նյութեղեն պարիսպը տապալող փոթորիկ: Դարձավ կերտիչ մարդկային պատմության:

Եվ չմոռանաք, որ մարդը իր մարդկային էությանը ամեն բանից վեր՝ ոգեկան մի իրականություն է, բնության նյութականության ծոցում: Իր բոլոր նյութական պայմանավորումներով հանդերձ, մարդը բարձրանում է իր հոգեկանով նոր մակարդակի վրա, ստեղծում է նոր որակ նյութի տիեզերքում: Այդ նոր որակով է, որ բնորոշվում է մարդու մարդկայնությունը:

Հիսուս Իր գերբնական հարությամբ մահավաճ, հավիտենական երաշխիքն է հանդիսանում ոգեկանի, այսինքն՝ մարդկային իրականության:

Մարդիկ և սերունդներ բազում հավատացին և պիտի հավատան միշտ, որ Հիսուսի գերեզմանի քարը տապալող անտեսանելի և անհմանակ ուժը, կտապալի և միշտ պիտի տապալի բոլոր՝ արդար հույսերի և երազանքների վրա ծանրացած գերեզմանաքարերը, ինչքան էլ անհնար թվա այդ, գերեզմանող անհրավ ձեռքերին:

Մեր հիմնավորյց ժողովուրդը, հայ ազգը, շատ դարեր առաջ, քրիստոնեության արշալույսի առաջին իսկ շողարձակումների օրերին, հավատաց հարության հրաշքին, հավատաց Քրիստոսի հարության շնորհներով մարդկային կյանքը հեղաշրջելու և պաշտոնակերպելու աշխարհաստան ստեղծարար գաղափարին:

Նոր կազմավորվող ու իր լինելության ուղին փնտրող հայ հոգին, հարուցյալ Քրիստոսի Ավետարանով գտավ իմաստը իր գոյության և ձևերը իր ոգեկանության: Ավետարանի՝ լույսով շաղախվեց ու արգասավորվեց իր հոգին: Մշակույթը և պատմությունը հայոց՝ արգասիքներն են այդ լույսի, ազգային ինքնատիպ ձևերի ու կադապարների մեջ: Լեզուն և գրականությունը, գիտությունը և դպրությունը, ճարտարապետությունն ու քանդակագործությունը, երաժշտությունն ու նկարչությունը, աղև գիտակցությունը բարոյականի, ծարավը ճշմարիտի ու արդարի, տեհչող ազատ ապրելու, զգացումը ընտանեկան արքայան, հերոսական ըմբռնումը հայրենիքի սիրտ, — ահա անկորնչելի արժեքներ, որոնք Քրիստոսի շնորհներով անեցին ու ծաղկեցին հայոց ողջ պատմության ընթացքում: Ինչքան խոր ճշմարտություն կա՝

Ավարայրի ճակատամարտի նախօրյակին և Վարդան զորավարի արտասանած ճառի մեջ, թե՛

«Հազկերտը կարծում է, թե մենք քրիստոնեությունը իբրև զգեստ ենք կրում. բայց այն մենք չենք կարող փոխել, ինչպես գույնը մեր մարմնին»:

Եվ ահավասիկ մենք ևս, այսօրվա հայերս, կանգնած ենք մեր քրիստոնեական ազգային ոգեկանության նույն պատվանդանի վրա, նույն լինելության ու արգասավորման ճանապարհին, նույն հավատքով, նույն ստեղծարար կամեցողությամբ, նույն բարոյական ու հայրենասիրական իդեալներով ոգեշնչված: Մենք նույն հայերն ենք, ինչպես Տիգրան Մեծի, ինչպես և Մեսրոպ Մաշտոցի և Վարդան Մամիկոնյանի օրերին: Մեզանից ամեն մեկը հայ է երեք հազար տարիներից ի վեր:

Այս զգացումներով, այս մտորումներով ու տենչանքներով մենք՝ հայ քրիստոնյաներս, ողջունում ենք մի անգամ ևս հրաշքը Քրիստոսի հարության և վերանորոգում մեր սրբազան ուխտը հավատարիմ մնալու մեր լուսաբնակ նախնաց հրաշագործ հավատքին, միշտ բարձր պահելու աշխարհի և պատմության առջև ջանք հայկական ոգեկանության, միշտ կենդանի ու պայծառ պահելու մեր մայրենի հարազատ լեզուն, մեր հոգիները միշտ սնելու և ազնվացնելու հայ հոգևոր մշակույթի արժեքներով, միշտ ամեն բանից թանկ դավանելու վերածնված արդի մայր երկիրը մեր՝ հավիտենական Հայաստանը ամենայն հաջոց, որ իր նոր կյանքով, իր նոր լույսերով, իր նոր սխրանքներով ու իդեալներով, ուղիղ գծով համալրումն է հայ ազգային ոգեկանության և շարունակությունը հայոց պատմության հերոսական երթի: Դուք բոլորդ, բոլորդ անխտիր, սիրեցյալ զավակներ Մեր, Հայաստանից թե սփյուռքի ճամփաներից, սուրբ Զատիկի ավետաբեր այս պահին լայն բացեք դռները ձեր սրտերի և ընդունեցեք Աստուծո օրհնությունը սուրբ Էջմիածնի նվիրական սեղաններից և կարոտալի ողջույնը մայր հայրենիքի, ձեր հավատակից եղբայրների և քույրերի:

Զատիկ է այսօր, սիրելիներ, ցնծացեք և ուրախ եղեք, զի դատարկ է գերեզմանը խաչյալ Քրիստոսի: Ցնծացեք և ուրախ եղեք նաև, զի դատարկ է նույնպես գերեզմանը մեր նահատակված ժողովրդի:

Փա՛ռք Քրիստոսի հրաշափառ Հարության:

Փա՛ռք հայոց ազգի ու հայրենիքի լուսաշող վերածնունդին:

Եվ արդ, «Գնացեք սիրով որպես և Քրիստոս սիրեաց մեզ և մատնեաց զանձն իր վասն մեր պատարագ», «զի թեպետ և երբեմն էիք խառար, արդ լոյս էք ի Տէր, իբրև զորդիս լուսոյ գնացեք» (Եփես. Ե 2, 8):

«Զի յարեաւ Քրիստոս ի մեռելոց, մահուամբ զմահ կոխեաց և յարութեամբն իրով մեզ զկեանս պարգեաց». ամեն:



Քույր Եկեղեցիներ



Փրկչի ՀՐԱՇԱՓԱՌ ԵՎ ՍՈՒՐԲ ՀԱՐՈՒԹՅԱՆ
ՏՈՆԻ ԱՌԹԻՎ ԱՄԵՆԱՅՆ ՀԱՅՈՑ ԾԱՅՐԱԳՈՒՅՆ
ՊԱՏՐԻԱՐԷ ԵՎ ԿԱԹՈՂԻԿՈՍ, ՆՈՐԻՆ ՍՈՒՐԲ ԾՈՌԻԹՅՈՒՆ
Տ. Տ. ՎԱԶԳԵՆ Ա ՀԱՅՐԱՊԵՏԻ ԵՎ ԲՈՒՅՐ ԵԿԵՂԵՑԻՆԵՐԻ
ՀՈԳԵՎՈՐ ՊԵՏԵՐԻ ՄԻՋԵՎ ՓՈԽԱՆԱԿՎԱԾ ՈՂՋՈՒՅՆԻ
ՀԵՌԱԳՐԵՐՆ ՈՒ ԳՐՈՒԹՅՈՒՆՆԵՐԸ

Հոռմական կաթոլիկ եկեղեցու Քահանայապետ, Նորին Սրբություն
ՊՈՂՈՍ Զ ՊԱՊԻՆ (Հոռմ),
Կոստանդնուպոլսի հունաց տիեզերական Պատրիարք, Նորին Սրբություն
ԴԵՄԵՏՐԻՈՍԻՆ (Ստամբուլ),
Մոսկվայի և համայն Ռուսաստանի Պատրիարք, Նորին Սրբություն
ՊԻՄԵՆԻՆ (Մոսկվա),
Ալեքսանդրիայի և համայն Աֆրիկայի հունաց ուղղափառ եկեղեցու
Պատրիարք, Նորին Սրբություն ՆԻԿՈՂԱՅՈՍ Զ-ԻՆ
(Ալեքսանդրիա),
Երուսաղեմի հունաց ուղղափառ եկեղեցու Պատրիարք, Նորին Սրբություն
ԲԵՆԵԴԻԿՏՈՍ Ա-ԻՆ (Երուսաղեմ),
Ղաթի ուղղափառ եկեղեցու Պատրիարք, Նորին Սրբություն
ԱՄԲԱ ՇԵՆՈՒԴԱ Գ-ԻՆ (Ալեքսանդրիա),
Անտիոքի և համայն Արևելքի հունաց ուղղափառ եկեղեցու Պատրիարք,
Նորին Սրբություն ԷԼԻԱՍ Դ-ԻՆ (Դամասկոս),
Համայն Եթովպիայի Պատրիարք, Նորին Սրբություն
ԱԲՈՒՆԱ ՏԵԿԼԵ ՀԱՅՄԱՆՈՏԻՆ (Ադիս-Աբեբա),

Հնդկաստանի և Արևելքի մայաբար եկեղեցու կաթողիկոս, Նորին
Սրբություն **ԲԱՍԻԼԻՈՍ ՄԱՐԹՈՄԱ ՄԱՏԹԵՈՍ Ա. - ԻՆ**
(Քոթայամ),

Համայն Վրաց Պատրիարք-կաթողիկոս, Նորին Սրբություն
ԴԱՎԻԹ Ե - ԻՆ (Թբիլիսի),

Ռումին օրթոդոքս եկեղեցու Պատրիարք, Նորին Սրբություն
ԺՈՒՍՏԻՆԻԱՆԻՆ (Բուխարեստ),

Բուլղար օրթոդոքս եկեղեցու Պատրիարք, Նորին Սրբություն
ՄԱՔՍԻՄԻՆ (Սոֆիա),

Անտիոքի և համայն Արևելքի հույն կաթոլիկ եկեղեցու Պատրիարք, Նորին
Սրբություն **ՄԱՔՍԻՄՈՍ Ե ՀԱՔԻՄԻՆ** (Դամասկոս),

Անտիոքի ասորի կաթոլիկ եկեղեցու Պատրիարք, Նորին Սրբություն
ԻԳՆԱՏԻՈՍ ԱՆՏՈՒԱՆ ՀԱՆԵԿ ԲՆԻՆ (Բեյրութ),

Քենթրբերիի արքեպիսկոպոս, համայն Անգլիայի եպիսկոպոսապետ և
միտրոպոլիտ, Նորին Գերաշնորհություն
ՅՐԵԴԵՐԻԿ ԴՈՆԱԼԴ ԿՈԳԱՆԻՆ (Լոնդոն),

Աթենքի և համայն Հելլադայի միտրոպոլիտ, Նորին Գերաշնորհություն
ՍԵՐԱՖԻՄԻՆ (Աթենք),

Սերբիայի և համայն Հարավսլավիայի Պատրիարք, Նորին Սրբություն
ՀԵՐՄԱՆԻՆ (Բելգրադ),

Վարշավայի և համայն Լեհաստանի միտրոպոլիտ, Նորին Գերաշնորհություն
ՎԱՍԻԼԻՆ (Վարշավա),

Պրագայի և համայն Չեխոսլովակիայի միտրոպոլիտ, Նորին
Գերաշնորհություն **ԴՈՐՈՅԵՆ** (Պրագա),

Հայ կաթողիկե եկեղեցու Պատրիարք, Նորին Ամենապատվություն
ՀՄԱՅԱԿ - ՊԵՏՐՈՍ ԿԵՏԻԿՅԱՆԻՆ (Բեյրութ),

Կիպրոսի արքեպիսկոպոս, Նորին Գերաշնորհություն
ՄԱԿԱՐԻՈՍԻՆ (Նիկոզիա),

Եկեղեցիների համաշխարհային խորհրդի ընդհանուր քարտուղար
դոկտ. **ՅԻԼԻՊ ՓՈԹԸՐԻՆ** (Ժնև),

Վատիկանի պետական քարտուղար, Նորին Ամենապատվություն
կարդինալ **ԺԱՆ ՎԻԼԼՈՅԻՆ** (Վատիկան),

Վիեննայի արքեպիսկոպոս, Նորին Ամենապատվություն
կարդինալ **ՅՐԱՆՅ ԿՅՈՆԻԳԻՆ** (Վիեննա),

Փարիզի արքեպիսկոպոս, Նորին Ամենապատվություն
կարդինալ **ՅՐԱՆՍՈՒԱ ՄԱՐՏԻՆ** (Փարիզ),

Լիոնի արքեպիսկոպոս, Նորին Ամենապատվություն կարդինալ
ԱԼԵՔՍԱՆԴՐ ՌԸՆԱՐԻՆ (Լիոն),

Քրիստոնեական միության քարտուղարության նախագահ, Նորին
Ամենապատվություն կարդինալ **ժԱՆ ՎԻԼԼԲՐԱՆԴՍԻՆ** (Վատիկան),

Մարսելի արքեպիսկոպոս, Գերաշնորհ
ՌՈԺԵ ԷԶԵՔՐԱՐԱՅԻՆ (Մարսել),

Լատվիական ՍՍՀ ավետարանական-լուսերական եկեղեցու արքեպիսկոպոս,
Նորին Գերազանցություն **Յ. Պ. ՄԱՏՈՒԼԻՍԻՆ** (Ռիգա),

Էստոնական ՍՍՀ ավետարանական-լուսերական եկեղեցու արքեպիսկոպոս,
Նորին Գերազանցություն **ԱԼՅՐԵԴ ՏՈՈՄԻՆԳԻՆ** (Տալլին),

Միջին Արևելքի հայ ավետարանական եկեղեցիների միության նախագահ,
 Վերապատվելի ՀՈՎՀԱՆՆԵՍ ԱՀԱՐՈՆՅԱՆԻՆ (Բեյրութ),
 Ֆրանչիսկյան միաբանության կուստոդ
 ՄԱՌԻՐԻԼԻՈ ՍԱԿԿԻՆԻ (Երուսաղեմ),
 Խաղաղության համաքրիստոնեական կոնֆերանսի գլխավոր քարտուղար
 դոկտ. ԿԱՐՈԼԻ ՏՈԹԻՆ (Պրագա),
 Իրաքի պապական նվիրակ, Գերաշնորհ
 ԺԱՆ ՌՅՈՒՊԻՆ (Բաղդադ),

Մխիթարյան ուխտի արքանայր, Գերապայծառ Հայր
 ՊՈՂՈՍ վարդապետ ԱՆԱՆՅԱՆԻՆ (Վեներկ),
 Մխիթարյան ուխտի արքանայր, Գերապայծառ Հայր
 ԳՐԻԳՈՐԻՍ վարդապետ ՄԱՆՅԱՆԻՆ (Վիեննա),
 Վերապատվելի ՀԱՐՈՒԹՅՈՒՆ ՀԵԼՎԱԾՅԱՆԻՆ (Մարսել),
 Վերապատվելի ՎԱՀԱՆ Հ. ԹՈՒԹԻԿՅԱՆԻՆ (Նյու Յորք),

«Քրիստոս յարեալ ի մեռելոց»:

Երջանիկ ենք հույժ, Մեր այս սիրո գիրը հղելու Ձերդ Սրբության Քրիստոսի լուսավաղ Հարության ավետիսով և բարի մաղթանքներով, որ Տերը Ձեզ շնորհի քաջառողջ ու իսաղաղ կյանք, երկար արևոտ տարիներ, որպեսզի շարունակեք Ձեր հովվապետական սրբազան առաքելությունը, հառաջնորդություն ձեր հոգիների և ձեր փառավոր ու պատմական եկեղեցու սպասավորների և հավատավոր ժողովրդի:

Աղոթում ենք նաև անձամձրույթ, որ մեր օրերի մարդիկ ու ժողովուրդները բոլոր, լուսավորված ամենահաղթ շնորհներովը աշխարհի Փրկչի հարության, միասիրտ ու միակամ գործակցությամբ որոնեն ու գտնեն ճշմարիտ ուղին իրենց կյանքի խաղաղության, անվտանգության ու երջանկության:

Եղբայրական սիրո ողջագործանքով՝

ՎԱԶԳԵՆ Ա


ԾԱՅՐԱԳՈՒՅՆ ՊԱՏՐԻԱՐԿ ԵՎ ԿԱԹՈՂԻԿՈՍ
 ԱՄԵՆԱՅՆ ՀԱՅՈՑ

Ս. ԷԶՄԻԱԾԻՆ

Ամենայն Հայոց Վեհափառ Հայրապետի՝ Փրկչի հրաշափառ և սուրբ Հարության շնորհավորական գրություններին ի պատասխան ստացվել են բույր եկեղեցիների հոգևոր պետերի և կրոնական այլ համայնքների ու կազմակերպությունների ղեկավարների՝ այդ առթիվ ուղարկված ջերմագին շնորհավորական հեռագրեր ու գրություններ, որոնցում մի անգամ ևս պայծառորեն արտահայտվում է քրիստոնեական եղբայրության ու համագործակցության սրտագին ոգին բույր եկեղեցիների ու կրոնական այլ համայնքների և կազմակերպությունների միջև:

Հանուն Հայոց Հայրապետի ջերմ շնորհակալություն ենք հայտնում ստացված պատասխան շնորհավորականների համար:





ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ
ԾՆՈՐՀԱՎՈՐԱԿԱՆ ԳԻՐԸ ՓՐԿՉԻ ՀՐԱԾԱՓԱՌ ԵՎ ՍՈՒՐԲ
ՀԱՐՈՒԹՅԱՆ ՏՈՆԻ ԱՌԹԻՎ՝ ՈՒՂՂՎԱԾ ՀԱՅԱՍՏԱՆՅԱՅՑ
ԵԿԵՂԵՑՈՒ ՆՎԻՐԱՊԵՏԱԿԱՆ ԵՐԵՔ ԱԹՈՌՆԵՐԻՆ,
ԹԵՄԱԿԱԼ ԲՈԼՈՐ ԱՌԱՋՆՈՐԴՆԵՐԻՆ ԵՎ ԵԿԵՂԵՑԱԿԱՆ
ՀԱՄԱՅՆՔՆԵՐԻՆ

«Քրիստոս յարեալ ի մեռելոց»:

Աստվածակառույց սուրբ Էջմիածնի բարձունքից երջանիկ ենք Ձեզ վերստին բերելու մեծ ավետիսը ամենահաղթ Հարության Փրկչին մեր Հիսուսի Քրիստոսի: Լուսաշող շնորհները հրաշալի Հարության, թող առատապես բաշխվեն տիրախնամ սուրբ Աթոռիդ բոլոր եկեղեցական համայնքներին հառափել շինություն մեր հավատավոր և հավատացյալ ժողովրդի հոգեվոր ու ազգային մշակութային կյանքի:

Ձեզ, սիրելի Սրբազան Եղբայր, ձեր եկեղեցիների ուխտապահ սպասավորներին ու ձեր եկեղեցյաց վարչական մարմինների բոլոր անձնվեր անդամներին, մաղթում ենք մշտանորոգ հոգևոր ներշնչանքներ ու անսպառ եռանդ, շարունակելու ձեր կրոնական ու ազգապահպան սրբազան առաքելությունը:

Աղոթում ենք նաև անձամբույթ, որ լուսավորված աշխարհի Փրկչի Հարության շնորհներով, մեր օրերի մարդիկ ու ժողովուրդները համայն գտնեն ճշմարիտ ուղին իրենց կյանքի խաղաղության, համերաշխ գործակցության ու բարօրության:

«Արդ, Քրիստոս յարուցեալ է ի մեռելոց՝ առաջին պտուղ ննջեցելոց, քանզի մարդով եղև մահ, և մարդով յարութիւն մեռելոց: Որպէս Ադաման ամենեքին մեռանին, նոյնպէս և Քրիստոսի ամենեքեան կենդանացեն» (Ա. Կորնթ. 20—22):

Եղբայրական սիրով ի Քրիստոս՝

ՎԱԶԳԵՆ Ա.


ԾԱՅՐԱԳՈՒՅՆ ՊԱՏՐԻԱՐԺ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Ս. ԷԶՄԻԱՇԻՆ

*
* *

Փրկչի հրաշափառ և սուրբ Հարության տոնի սոթիվ Ամենայն Հայոց Վեհափառ Հայրապետի անունով ստացվեցին ամենաջերմ և հարգալից զգացմունքներով զեղուն բազմաթիվ շնորհավորական հեռագրեր և նամակներ մեր նվիրապետական երեք Աթոռների գահակալներից, արտասահմանի և ներքին բոլոր թեմերի առաջնորդներից, ազգային-եկեղեցական, մշակութային, հայրենակցական, տիկնակց, օրիորդաց և երիտասարդաց զանազան կազմակերպություններից, հայ և օտար պաշտոնական անձնավորություններից:





ՓՐԿԶԻ ՀՐԱԾԱՓԱՌ ՀԱՐՈՒԹՅԱՆ ՏՈՆԻ ԱՌԹԻՎ
ՀԱՆԴԻՍԱՎՈՐ ՍՈՒՐԲ ՊԱՏԱՐԱԳ ԵՎ ՀԱՅՐԱՊԵՏԱԿԱՆ
ՔԱՐՈՋ ՄԱՅՐ ՏԱՃԱՐՈՒՄ

Ապրիլի 10-ին, կիրակի. Ջատիկ. Յարութիւն Տեառն մերոյ Յիսուսի Քրիստոսի.

Դարձյալ Ջատիկ է. քրիստոնեական եկեղեցու ցնծության և բերկրանքի տունը:

Գարուն է. բնության մեջ և մարդկանց հոգիներում:

Վաղ առավոտյան մայրավանքի շրջապատում տիրում է աշխույժ տրամադրություն: Հազարավոր հավատացյալներ Մայր Աթոռ են փութացել՝ ներկա լինելու զատկական մեծ տոնակատարությանը՝ և սուրբ պատարագին:

Ժիշտ ժամը 11-ին ուրախ դողանքներով հնչում են Մայր տաճարի զանգակները:

Ժամը 11.30-ին Վեհափառ Հայրապետը, տոնական հանդիսավորությամբ, շրջապատված Մայր Աթոռի միաբանությամբ, եկեղեցական թափորով առաջնորդվում է Մայր տաճար՝ մատուցելու զատկական ս. պատարագ:

Վեհ ու խորխոս հնչում են «Գովեա Երուսաղէմ զՏէր» և «Յարեաւ Քրիստոս» հոգեգմայլ տաղերը Մայր տաճարի երգչախմբի կատարմամբ՝ ղեկավարությամբ Խորեն Մեյխանեջյանի:

Ս. պատարագին ներկա են ուխտավորաբար Մայր Աթոռում գտնվող լիբանանահայ ծանոթ հասարակական գործիչներ՝ Ավետիս Դեմիրճյանը, «Արարատ» օրաթերթի խմբագիր Ժիրայր Նաիրին:

Ս. պատարագին և հայրապետական քարոզին ներկա են նաև ՀՍՍՀ Միմիստրների սովետին առընթեր հայ եկեղեցու գործերի խորհրդի նախագահ Սարգիս Գասպարյանը և տեղակալ Անդրանիկ Հասրաթյանը:

«Հայր մեր»-ից առաջ Վեհափառ Հայրապետը, շնորհավորելով բովանդակ հայության Ջատիկը, քարոզում է ս. Հարության տոնի հոգևոր և պատմական նշանակության մասին: Հայրապետական սույն քարոզը տպագրվել է «Էջմիածին» ամսագրի սույն համարում (էջ 3): Ջատկական սույն քարոզը նաև ձայնասփռվում է երեկոյան ժամը 24-ին Երևանի ռադիոյից:

Հավարտ ս. պատարագի Վեհափառ Հայրապետն առաջնորդվում է Վեհարան, ուր ընդունում է շնորհավորանքներ զատկական տոնի առիթով:

Այստեղ Վեհափառ Հայրապետը ողջունում և բարի գալուստ է մաղթում Ջատկվա տոների առիթով ուխտավորաբար ս. Էջմիածին ժամանած ֆրանսահայերի մի մեծ խմբի՝ գլխավորությամբ Փարիզի կրոնական ընկերակցության ներկայացուցչական ժողովի անդամ Արմենակ Գույումճյանի: Վեհարանում Հայոց Հայրապետի Ջատիկը աջահամբույրով շնորհավորում են և՛ ֆրանսահայ ուխտավորները, և՛ մայր հայրենիքում սովորող սփյուռքահայ երիտասարդաց խումբը:

Ժամը 15-ին Վեհարանի սեղանատանը

տրվում է զատկական ճաշ, որին ներկա են լինում տ. Կոմիտաս, տ. Վահան, տ. Արսեն սրբազանները, տ. Անանիա, տ. Եզնիկ, տ. Մովսիս և տ. Թորգոմ վարդապետները և սարկավազաց դասը:

Հրավիրյալների թվում էին պրն. Սարգիս Գասպարյանը, պրն. Անդրանիկ Հասարայանը, պրն. Ավետիս Դեմիրճյանը, պրն. Ժիրայր Նաիրին, պրն. Արմենակ Գույումջյանը, Գերագույն հոգևոր խորհրդի անդամներ, Մայր Աթոռի ղեկավար անձինք և ուրիշներ:

Օրվա տոնի առթիվ Վեհափառ Հայրապետն իր բարձր գնահատությանն է արժանացնում Մայր Աթոռի վերոհիշյալ չորս երիտասարդ ու խոստումնալից վարդապետների ծառայությունը՝ զարդարելով նրանց կործքը վարդապետական լանջախաչերով:


Հանուն իր քնկերների, որդիական երախտագիտության և շնորհակալության ջերմ խոսք է ասում տ. Թորգոմ վրդ. Մուշեղյանը:

Զատկական ճաշն ավարտվում է Վեհափառ Հոր օրհնությամբ:





ՌՈՒՄԻՆԻԱՅԻ ԵՐԶԱՆԿԱԴԻՇԱՆԱԿ Տ. ԺՈՒՍԵԻՆԻԱՆ ՊԱՏՐԻԱՐԿ



ՀԱՆԳԻՍՏ ՌՈՒՄԻՆ ՕՐԹՈԴՈՔՍ ԵԿԵՂԵՑՈՒ ՊԱՏՐԻԱՐԷ ՆՈՐԻՆ ՍՐԲՈՒԹՅՈՒՆ ԺՈՒՍՏԻՆԻԱՆԻՆ

Սույն թվականի մարտի 27-ին Բուխարեստում, 76 տարեկան հասակում, ի Տեր հանգչավ ուսմին օրթոդոքս եկեղեցու Պատրիարք Նորին Սրբություն ժուստինիանը: Ռուսին օրթոդոքս եկեղեցին մեծ ու ծանր կորուստ կրեց:

Հանգուցյալ Սրբազան Պատրիարք Հոր գահակալության 29 տարիներից ուսմին օրթոդոքս եկեղեցին ապրեց հոգևոր վերազարթոնքի, եկեղեցական-վանական շինության, հոգևոր կրթական գործունեության բեղմնավոր և արդյունաշատ մի շրջան: Նորին Սրբությունը եղավ նաև Ամենայն Հայոց Վեհափառ Հայրապետի անձնական քարեկամը, ինչպես նաև հայ եկեղեցու և Մայր Աթոռ ս. Էջմիածնի նկատմամբ ջերմ սիրով տոգորված մի Հովվապետ: Ամենայն Հայոց Հայրապետի և Տ. ժուստինիան Պատրիարքի գահակալության օրերին է՛լ ավելի սերտացան ու խորացան երկու քույր եկեղեցիների եղբայրական հարաբերությունները Էկումենիկ ոգով՝ փոխադարձ այցելություններով, ինչպես նաև ամրապնդվեցին ուսմին և հայ ժողովուրդների հոգևոր, մշակութային պատմական կապերը:

Այս մտածումներով առաջնորդված, Հայոց Հայրապետը որոշեց ներկա լինել հանգուցյալ ուսմին Պատրիարքի թաղման արարողությանը՝ անձամբ տանելու Մայր Աթոռ ս. Էջմիածնի, հայ եկեղեցու և հայ հավատացյալների ցավակցությունները և Իր եղբայրական սրտաբուխ խոնքերով սփոփելու ուսմին օրթոդոքս եկեղեցու կրած վիշտը:

Մարտի 29-ին, երեքշաբթի օրը, Վեհափառ Հայրապետը մեկնեց Մոսկվա: Հայոց Հայրապետին ընկերակցում էր Գերագույն հոգևոր խորհրդի անդամ և Արարատյան թեմի առաջնորդական փոխանորդ տ. Կոմիտաս արքեպիսկոպոս Տեր-Ստեփանյանը:

ՎԵՀԱՓԱՌ ՀԱՅՐԱՊԵՏԸ ԲՈՒՆԱՐԵՍՏՈՒՄ

Մարտի 30-ին, չորեքշաբթի օրը, Վեհափառ Հայրապետը ժամանեց Բուխարեստ: Օդանավակայանում Նորին Սուրբ Օծությանը դիմավորեցին առաջնորդ տ. Տիրայր եպիսկոպոսը, առաջնորդական փոխանորդ տ. Զարեհ ծ. վրդ. Պարոնյանը, քահանայից դասը և թեմական, թաղական խորհուրդների անդամներ:

Այստեղ Հայոց Հայրապետին, հանուն ռումին օրթոդոքս եկեղեցու սինոդի, դիմալորեցին Օղեմիայի միտրոպոլիտ Թեոկտիստը, ինչպես նաև ռումին դավանությանց խորհրդի նախագահի ներկայացուցիչը և Ռումինիայում Սովետական Միության դեսպանության առաջին քարտուղարը:

Ապրիլի 31-ին, հինգշաբթի օրը, կատարվեց հանգուցյալ ռումին Սրբազան Պատրիարք Հոր թաղման հանդիսավոր արարողությունը: Թաղման արարողությանը մասնակցելու համար ժամանել էին քույր եկեղեցիների պատվիրակությունները:

Առավոտյան ժամը 10-ին հուխարեստում, ռումին օրթոդոքս եկեղեցու պատրիարքարանի սինոդի դահլիճում, տեղի ունեցավ սգո հանդիսավոր նիստ՝ նախագահությամբ Մոլդավիայի տ. Ժուստին միտրոպոլիտի:

Սույն արարողությանը ներկա եղան պետական բարձր պաշտոնատարներ, այդ թվում՝ Պետական խորհրդի նախագահի տեղակալ Ծոնեֆան Վոյտեկը, դավանությանց խորհրդի նախագահ Ռոշիանուն և ուրիշներ:

Սգո հանդիսավոր նիստը բացեց պատրիարքական նորընտիր տեղապահ տ. Ժուստին միտրոպոլիտը՝ վեր հանելով հանգուցյալ Պատրիարքի կյանքի և պատրիարքական 29 տարիների գործունեության ընդհանուր պատկերը:

Այնուհետև նիստի դահլիճում ցավակցական սրտառույ ճառերով հանդես եկան հունաց Տիեզերական պատրիարքության, Հունաստանի օրթոդոքս եկեղեցու, Երուսաղեմի հունաց պատրիարքության, հոռմեական կաթոլիկ եկեղեցու, անգլիկան եկեղեցու, Եկեղեցիների համաշխարհային խորհրդի ներկայացուցիչները և ուրիշներ:

Սգո նիստում խոսք առան նաև Ռումինիայում կաթոլիկ, բողոքական և մոլսիսական համայնքների հոգևոր պետերը:

Սգո սույն հանդիսավոր նիստից հետո բոլոր ներկաները եկեղեցական թափոթով առաջնորդվեցին պատրիարքարանի Մայր տաճար, ուր դրված էր հանգուցյալ Սրբազան Պատրիարքի դագաղը: Այստեղ, տպավորիչ իրադրության մեջ, կատարվեց հոգեհանգստյան հանդիսավոր պաշտոն:

Արարողությունից հետո խոսք առան բուլղար օրթոդոքս եկեղեցու պետ Նորին Սրբություն Մաքսիմ Պատրիարքը, դավանությանց խորհրդի նախագահ Ռոշիանուն և ռուս պրավոսլավ եկեղեցու ներկայացուցիչ Տալլինի տ. Ալեքսեյ միտրոպոլիտը:

Մայր տաճարում խոսք առավ նաև Հայոց Հայրապետը:

ՀԱՅՈՑ ՀԱՅՐԱՊԵՏԻ ՑԱՎԱԿՑԱԿԱՆ ԽՈՍՔԸ ՀԱՆԴԻՍՈՒԹՅԱՆ ԸՆԹԱՑՔՈՒՄ

Խոր վշտով գալիս ենք ս. Էջմիածնի մեր Մայր Աթոռից, բերելով՝ հանուն Հայաստանյայց առաքելական եկեղեցու քրիստոնեական մի վերջին ողջույն Նորին Սրբություն Ժուստինիան Պատրիարքին, Մեր շատ սիրելի եղբորն ի Քրիստոս, որի հոգին բարձրանում է ալմմ դեպի հավիտենական օթևանները երկնային:

Տխրության և հուստ չլս պահին, Մենք սպստեղ ենք, ձեր կողքին, ջերմապես աղոթելու հոգվո հանգստյան և լուսավորության համար ռումին առավաճաւեր ժողովրդի մեծ Հովվապետի, որը Իր ողջ կյանքում եղավ սյուն սրբեկյան ուղղափառության և հումկու պաւքարող ի խնդիր աշխարհի խաղաղության սրբազան դասի:

Որպես Ռումինիայի հայոց թեմի նախկին եպիսկոպոս և ապա, որպես կաթողիկոս Հայաստանյայց եկեղեցու, տարիներ շարունակ, մոտ երեք տասնամյակներ Մենք էլ ակամատես եղանք Նրա հերոսական ջանքերին և հիշարժան պատմական իրադործումներին՝ նվիրված միայն ու միայն նախնյաց ս. եկեղեցու ծաղկմանը և ռումին անվեհեր ժողովրդի բարօրությանն ու հառաջդիմությանը, մի ժողովուրդ, որն այսօր համագգային կառուցման տարիներին և ընկերային արդարության հասարակարգի պայմաններում, սովառնում է դեպի այն ոսկյա ապագան, որ դեռ մի դար առաջ երազել էին ռումին ազգի հայրենասեր մեծ գավակները:




Հայոց Հայրապետը ընթերցում է Իր ցավակցական խոսքը

Ի Տեղ մեջեցյալ Ժուստինիան Պատրիարքը իրապես պատերազմեցավ բարվոք պատերազմը, և պաշտպանեց հավատքը, իսկ այժմ իր ընթացքի ավարտին հասած՝ արժանի է ընդունելու արդարության պսակը (Բ Տիմոթեոս Դ 6—8):

Սրտով՝ լի քրիստոնեական սուրբ և փրկարար հույսով, ծնրադիր աղոթում ենք, որպեսզի հոգնաշատ Հովվապետի հիշատակը միշտ պաշտոն մնա թե՛ երկնքում և թե՛ աշտոնը՝ ռումինացիների թանկագին հողի վրա:

Տարիներ պիտի անցնեն, սերունդներ իրար պիտի հաջորդեն, և Ժուստինիան Պատրիարքի անունը առավել պիտի փայլի փառքի մեջ: Նա չի մահանալու, որովհետև Իր մահկանացու մարմինը անմահություն զգեցավ, և մահը պարտվեց հաղթությանը, ըստ Բանին Պողոս առաքյալի (Ա Կորնթ. ԺԵ 54):

Թող Աստուծո սուրբ Հոգին հավետ իջնի ռումին օրթոդոքս սուրբ եկեղեցու վրա և հաջողությամբ պսակի նրա սպասավորների ձեռաց գործերը:



Թող հավիտյան օրհնյալ լինի ի Տեղ հանգուցյալ Ժուստինիան Պատրիարքի փառավոր հիշատակը: Ամեն:

Հոգեհանգստյան արարողությունից հետո կազմվեց թաղման թափոր, որն ուղղվեց Ռադու Վոդա եկեղեցի, որ վերջերս էր վերանորոգվել հանգուցյալ Պատրիարքի կողմից: Հենց այստեղ էլ ամփոփվեց նորոգ հանգուցյալ Տ. Ժուստինիան Պատրիարք Հոր աճյունը:



Թաղմանական թափորը դեպի եկեղեցի

Այնուհետև պատրիարքարանի սեղանատանը տրվեց հոգեհաշ:

Տ. Ժուստինիան Սրբազան Պատրիարքի սգո հանդեսի, հոգեհանգրստյան և թաղման արարողություններից Հայոց Հայրապետի հետ մասնակցեցին տ. Կոմիտաս, տ. Տիրայր սրբազանները և տ. Զարեհ ծ. վրդ. Պարոնյանը:

ԱՅՑ ՏԵՂԱՊԱՀ Տ. ԺՈՒՍՏԻՆ ՄԻՏՐՈՊՈԼԻՏԻՆ

Ապրիլի 1-ին, ուրբաթ օրը, Վեհափառ Հայրապետն իր մեկնումի առիթով այցելություն տվեց տեղապահ տ. Ժուստին միտրոպոլիտին: Հայոց Հայրապետին ողջեցում էին տ. Կոմիտաս և տ. Տիրայր սրբազանները:

Հայոց Հայրապետն այս առթիվ կրկին իր խորազգաց ցավակցությունը հայտնեց ռումին օրթոդոքս եկեղեցու և հավատացյալների կրած մեծ կորուստի համար: Տեղի ունեցավ ջերմ զրույց, որի ընթացքում Հայոց Հայրապետը հետաքրքրվեց մարտի 4-ին Ռումինիայում պատահած տարերային ա-

դետի՝ երկրաշարժի հետևանքով երկրում ստեղծված տխուր իրավիճակով: Շուրջ 500 ոռոմին եկեղեցիներ քանդված են: Միայն Բուխարեստում լուրջ վնասվածքներ են ստացել 10—15 ոռոմին եկեղեցիներ: Այս առթիվ Հայոց Հայրապետը ցանկություն հայտնեց Մայր Աթոռի միջոցներով վերանորոգելու և Պանթելիմոն եկեղեցին, որը գտնվում է այն թաղամասում, ուր անցել է Վեհափառ Հայրապետի մանկությունը: Այս նպատակի համար Վեհափառ Հայրապետը հանձն առավ, հանուն Մայր Աթոռ և Էջմիածնի, հոգալ տասնհինգ հազար դոլլարի սահմաններում, վերոհիշյալ եկեղեցու վերանորոգման ծախսերը: Հայոց Հայրապետի սույն եղբայրական վերաբերմունքը ջերմորեն ընդունվեց տեղապահ սրբազանի կողմից:

ՀՐԱԺԵՇԻ ԱՅՑԵԼՈՒԹՅՈՒՆՆԵՐ

Ապրիլի 1-ին, ուրբաթ օրը, Վեհափառ Հայրապետը, տ. Կոմիտաս և տ. Տիրայր սրբազանների ողեկությամբ, այցելեց Բուխարեստի հայոց գերեզմանատուն, ուր երկրաշարժի հետևանքով վնասվել էին 29 մարմարակերտ հուշարձաններ, և հոգվոց արտասանեց երկրաշարժի հետևանքով զոհվածների, ինչպես նաև նախապես այնտեղ թաղված բոլոր հայ ննջեցյալների հոգիների խաղաղության համար:

Ապրիլի 2-ին, շաբաթ օրը, Վեհափառ Հայրապետը հայոց առաջնորդարանում ընդունեց բազում ազգայինների այցելությունները և հանգամանորեն հետաքրքրվեց նրանց եկեղեցական, ազգային, մշակութային կյանքով:

ՀԱՆԴԻՍԱՎՈՐ Ս. ՊԱՏԱՐԱԳ ԵՎ ՀԱՅՐԱՊԵՏԱԿԱՆ ՔԱՐՈՋ

Ապրիլի 3-ին, կիրակի. Ծաղկազարդ:

Առավոտյան ժամը 10-ին առաջնորդարանում, Վեհափառ Հայրապետի նախագահությամբ, գումարվեց Բուխարեստի թեմական և թաղական խորհուրդների միացյալ նիստ, որին ներկա եղավ նաև առաջնորդարանի պաշտոնեությունը՝ ընդամենը շուրջ 20 հոգի:

Այս առթիվ Հայոց Հայրապետը բոլոր ներկաներին բաշխեց Իր օրհնությունները և հետաքրքրվեց երկրաշարժի հետևանքով հայ համայնքի ծոցում ստեղծված տխուր իրավիճակով: Հայկական եկեղեցիներից լրջորեն վնասվել են Յաշիի և Աստվածածինը՝ կառուցված 1395 թվականին, Ֆոկշանի և Աստվածածինը՝ կառուցված 1780 թ.: Վնասվել են նույնպես Կոստանցայի, Գալացի, Պիտեշտի, Թրկու-Օգնայի և Բրաիլայի հայկական եկեղեցիները: Որոշ վնասների է ենթարկվել նաև Բուխարեստի հայոց առաջնորդարանի շենքը: Երկրաշարժին զոհ են գնացել 7—8 հայեր, այդ թվում նաև թեմական խորհրդի փոխնախագահ, իրավաբան Պերմ Կարապետյանը:

Առաջնորդ սրբազանը, թեմական և թաղական խորհուրդները և ողջ հայկական համայնքը եռանդուն ճիգեր են ի գործ դնում՝ երկրաշարժից տուժած եկեղեցիների, շենքերի վերանորոգման գործը անհապաղ սկսելու համար:

Այնուհետև նիստում խոսք առավ Հայոց Հայրապետը և շեշտեց, որ Իր համար հոգեկան մխիթարություն եղավ ներկա լինել Տ. Ժուստինիան Պատրիարքի թաղման արարողությանը և միաժամանակ տեսակցել հայ համայնքի պաշտոնական անձնավորությունների հետ: Հայոց Հայրապետը, խորապես զգացված երկրաշարժի հետևանքով տուժած հայ եկեղեցիների վիճակով և առաջնորդարանի ու թեմական խորհրդի ծանր բեռը թեթևացնելու մտահոգությամբ, Մայր Աթոռի համեստ եկամուտներից հինգ հազար

դրվարի նվիրատվություն կատարեց վերանորոգման ծախսերի համար: Նորին Սրբության հայրական այս հոգածությունը ջերմորեն ողջունվեց երախտագիտական զգացմունքներով:

Ժամը 11-ին Բուխարեստի հայոց ս. Հրեշտակապետաց եկեղեցում, Ծաղկազարդի տոնի առթիվ, պատարագեց տ. Կոմիտաս արքեպիսկոպոսը: Տաճարը լիքն էր հայ և ռումին հավատացյալներով:

Ս. պատարագին ներկա էր նաև ռումին օրթոդոքս եկեղեցու սինոդի կողմից Օլդենիայի տ. Թեոկտիստ միտրոպոլիտը:

Հավարտ ս. պատարագի Հայոց Հայրապետի հանդիսադրությամբ կատարվեց հոգեհանգստյան պաշտոն հանգուցյալ Տ. Ժուստինիան Պատրիարքի հիշատակին:

Այս առթիվ Վեհափառ Հայրապետը նախ խոսեց հայերեն և ապա ռումին լեզվով՝ ծանրանալով հանգուցյալ Պատրիարքի 29-ամյա արդյունավետ հոգևոր, եկեղեցական, հայրենասիրական, միջեկեղեցական ու խաղաղասիրական քեղուն գործունեության վրա ու ներկայացնելով նրան որպես մեր ժամանակի եկեղեցական մեծ անձնավորություն:

Ապա խոսք առավ տ. Թեոկտիստ միտրոպոլիտը՝ հանուն ռումին եկեղեցու սինոդի, երախտագիտություն հայտնելու Հայոց Հայրապետին, որ սուրբ Էջմիածնից եկել էր Բուխարեստ՝ եղբայրաբար բաժանելու ռումին օրթոդոքս եկեղեցու, ռումին հավատացյալ ժողովրդի կրած մեծ վիշտը:

Արարողության ավարտին հուզիչ ճառով հանդես եկավ նաև առաջնորդ տ. Տիրայր եպիսկոպոսը, որը ռումինահայ թեմի հոգևորականության, ազգային իշխանության և հավատացյալ ժողովրդի անունից ցավակցություն հայտնեց ռումին Սրբազան Պատրիարքի մահվան առիթով, Պատրիարք, որ միշտ եղավ անկեղծ բարեկամը Հայոց Հայրապետի, հայ եկեղեցու և Ռումինիայում հովանավորողը հայ համայնքի և հայ եկեղեցիների: Իր խոսքի ավարտին տ. Տիրայր սրբազանը որդիական երախտագիտություն հայտնեց նաև Հայոց Հայրապետին՝ Նրա օրհնաբեր ներկայության համար, և խնդրեց օրհնել հայ և ռումին եկեղեցիների ու հավատացյալների անխախտ բարեկամությունն ու եղբայրությունը:

ՎԵՐԱԴԱՐՁ ՄԱՅՐ ԱԹՈՐ

Ապրիլի 4-ին, կիրակի օրը, Վեհափառ Հայրապետը վերադարձավ Մոսկվա: Առավոտյան Նորին Սրբությունը տ. Թեոկտիստ միտրոպոլիտի առաջնորդությամբ այցելեց Բուխարեստի մոտ մայրապետների Ցիզանեշտ պատմական վանք, ուր գտավ սրտաբաց ընդունելություն: Բարեպաշտ կույսերը Հայոց Հայրապետին և Նրան ընկերակցող անձանց պատվեցին ջերմ հյուրասիրությամբ: Հայոց Հայրապետն օրհնեց անձներ քույրերի այս միաբանությունը, դրվատեց նրանց քրիստոսանվեր կյանքն ու ծառայությունը և հրաժեշտ տվեց լավագույն տպավորություններով:


Երեկոյան Բուխարեստի օդանավակայանում Հայոց Հայրապետին ճանապարհեցին տ. Տիրայր սրբազանը, թեմական և թաղական խորհուրդների անդամները և հավատացյալների բազմությունը:

Հայոց Հայրապետին, հանուն ռումին եկեղեցու սինոդի, բարի ճանապարհ մաղթեցին տ. Թեոկտիստ միտրոպոլիտը և այլ պաշտոնական անձինք:

Ապրիլի 5-ին, երեքշաբթի օրը, ժամը 15-ին, Մոսկվայից Մայր Աթոռ ժամանեց Վեհափառ Հայրապետը:



ԵՐԵՎԱՆ. ՄԻՍԻՐԻԱՆԱԿԵՐԻՐ. ԴԵՊԻ ՆԱԶԱՏԱԿԱՆ ՎՈՐՈՐԴԱՆ



ԱՊՐԻԼԻ 24-Ը ՄԱՅՐ ԱԹՈՌՈՒՄ

Ապրիլի 24-ին, կիրակի.—Յիշատակ բիւրատր մահատակացն մերոց, որք կառուրեցան յընթացս համաշխարհային առաջին պատերազմի.

Ապրիլյան եղեռնի 62-րդ տարելիցն է այսօր:

Առավոտյան ժամը 11-ին Վեհափառ Հայրապետը, ուխտավորաբար Մայր Աթոռում գտնվող Երուսաղեմի հայոց պատրիարք տ. Եղիշե արքեպիսկոպոս Տերտրյանի, Արևմտյան Եվրոպայի հայրապետական պատվիրակ և Ֆրանսիայի հայոց առաջնորդ տ. Սերովքե արքեպիսկոպոս Մանուկյանի, Արարատյան թեմի առաջնորդական փոխառնորդ տ. Կոմիտաս արքեպիսկոպոս Տեր-Ստեփանյանի, Մայր տաճարի լուսարարապետ տ. Հուսիկ եպիսկոպոս Սանթրոյանի, Մայր Աթոռի վարդապետ ու սարկավագ միաբանների և Մայր Աթոռի պաշտոնեական անդամների, Արարատյան թեմի թեմական խորհրդի ատենապետի և անդամների ընկերակցությամբ, այցելում է Ծիծեռնակաբերդի Հայ մահատակաց հուշարձան:

Վեհափառ Հայրապետին ողնկցում էին նաև ՀՍՄՀ Միևիստրների սովետին առընթեր հայ եկեղեցու գործերի խորհրդի նախագահ Սարգիս Գասպարյանը և տեղակալ Անդրանիկ Հասարթյանը:

Հանուն Հայոց Հայրապետի և Երուսաղեմի հայոց պատրիարքի, Նահատակաց հուշարձանին դրվում է խաչանշան մեծ ծաղկեպսակ, հետևյալ հիշատակությամբ. «Ամենայն Հայոց Վազգեն Ա կաթողիկոսի և Երուսաղեմի հայոց տ. Եղիշե պատրիարքի կողմից»:

Այնուհետև Վեհափառ Հայրապետը, պատրիարք սրբազանը և Նրանց ողնկցողները բոլորվում են հավերժական կրակի շուրջ և կատարում հոգեհանգստյան պաշտոն: Հայոց Հայրապետը «Հոգաց» է արտասանում բոլոր հայ մահատակների և ի մասնավորի՝ 1915 թվականի զոհվածների հիշատակին:

Ապա բոլորը մեկ լույս լուծությամբ հարգում են մահատակաց անմահ հիշատակը:

Վեհափառ Հայրապետը, պատրիարք սրբազանը և ողնկցողները վերադառնում են Մայր Աթոռ, որտեղ ազգային մեծ սուգի առիթով Մայր տաճարում ս. պատարագ էր մատուցում տ. Արսեն եպիսկոպոս Բերբերյանը:

Հակառակ վատ և անձրևոտ եղանակին, Մայր տաճարը լեփ-լեցուն է հավատավոր քաղվությամբ:

Հավարտ ս. պատարագի պատարագիչ սրբազանը քարոզում է եղեռնի մասին ծանրանալով 20-րդ դարի առաջին ցեղասպանության վայրագ ծրագրի իրագործ-

մամբ հայ ժողովրդի կրած անմոռանալի
նահատակության պատմության վրա:

Այնուհետև Վեհափառ Հայրապետի հան-
դիսադրությամբ Մայր տաճարի ատյանում
կատարվում է հոգեհանգստյան արարողու-
թյուն, որին ներկա են լինում ուխտավորա-
բար մայր հայրենիքում գտնվող սփյուռքա-
հայեր:


Ժամը 15-ին վանական սեղանատանը
տրվում է հոգեհաշ:

Ժամը 17-ին հոգևոր ճեմարանի ուսան-
ողությունն ուղևորվում է Ծիծեռնակաբերդ՝

բազմահազար ժողովրդի հետ խոնարհվելու
և աղոթելու հայ նահատակաց հուշարձանի
սոցև:

1915 թվականի ապրիլին Արևմտյան Հա-
յաստանում եղեռնի զոհ դարձավ շուրջ եր-
կու միլիոն հայություն: Մեր նահատակները
գերեզման իսկ չունեցան, բայց նրանք սրբ-
ությանը ապրում են հայ ժողովրդի սրբ-
տում: Մեր այսօրվա վերածնված մայր հայ-
րենիքը փառավոր ու հավերժական հուշար-
ձանն է Ապրիլյան եղեռնի մեր նահատակ-
ների:





ԵՐԵՎԱՆ. ԹԻՄԵՌՈՆԱՎԱԲԵՐԴ. ՀՈԳԵՀԱՆԳԱՏՅԱՆ ՊԱՇՏՈՆԻ ԿԱՏԱՐՈՒՄ ՆԱՀԱՏԱԿԱԼ ՀՈՒՇԱՐՁԱՆԻ ԱՆՄԱՐ ԿՐԱԿԻ ՄՈՏ



ԵԿԵՂԵՑԱԿԱՆ ԲԵՄ. ԼՈՒՐԵՐ

Ապրիլի 8-ին, կիրակի.—Ծաղկազարդ.

Օրվա մեծ տոնի առիթով Մայր տաճարում ա. պատարագ է մատուցում լուսարարապետ տ. Հուսիկ եպս. Սանթրոյանը և «Հայր մեր»-ից առաջ քարոզում՝ «Օրհնեալ եկեալ անուամբ Տեառն» բնաբանով:

Ս. պատարագին ներկա էր Վեհափառ Հայրապետը:

Երեկոյան ժամը 17-ին Մայր տաճարում ավանդական հանդիսությամբ կատարվում է «Դոճքացեք»-ի արարողությունը՝ հանդիսարությամբ տ. Հուսիկ եպիսկոպոսի:

*
* *

Ապրիլի 7-ին, Աւագ հինգշաբթի.—Յիշատակ ընթերցեաց Տեառն մերոյ Յիսուսի Քրիստոսի և Աւետումն ա. Ապտուածածնի.

Այսօր, առավոտյան ժամը 11-ին, Մայր տաճարում ա. պատարագ է մատուցում տ. Հովհաննէս ավագ քին. Մարությանը: Ս. պատարագի ընթացքում, «Հայր մեր»-ից առաջ, լուսարարապետ տ. Հուսիկ եպիսկոպոսն ընթերցում է Բարսեղ Կեսարացի Հայրապետի ճառը՝ նվիրված ա. Հաղորդության խորհրդի հաստատմանը:

Երեկոյան ժամը 17-ին Մայր տաճարում, Ավագ սեղանի առաջ, կատարվում է «Ուտընչուաք»-ի արարողությունը՝ Վեհափառ Հայրապետի հանդիսարությամբ:

Նույն օրը, ժամը 20-ին, «Ի գիշերին հըսկումն է»: Հսկման սրտառույ արարողությանը նախագահում է Վեհափառ Հայրապետը և ապա քարոզում՝ օրվա խորհրդի հոգևոր և փրկագործական նշանակության մասին:

*
* *

Ապրիլի 8-ին, Ավագ ուրբաթ.—Յիշատակ չարչարանաց և խաչելութեան Տեառն մերոյ և Փրկչին Յիսուսի Քրիստոսի.

Առավոտյան ժամը 10-ին Մայր տաճարում կատարվում է «Կարգ խաչելութեան»:

Երեկոյան ժամը 17-ին Վեհափառ Հայրապետի հանդիսարությամբ Մայր տաճարում կատարվում է «Կարգ թաղման» և ապա Մայր տաճարի շուրջ՝ «Թափօրն թաղման»:

Ապրիլի 9-ին, Ասագ շաբաթ.—Ծրագալոյց Զատիկ.

Մայր տաճարում կատարվում է առավոտյան ժամերգություն: Երեկոյան՝ «Ծրագալոյց»-ի ժամերգությունն ու ա. պատարագը: Հոգևոր ճանապարհի սաներն ընթերցում են Դանիելի գիրքը և «Երից մանկանց» օրհներգությունը:

Հավարտ ա. պատարագի Վեհափառ Հայրապետի նախագահությամբ կատարվում է «Նախատօնակ Զատիկ»:

Այնուհետև եկեղեցական թափորն ուղղվում է, երգով ու շարականով, վանական սեղանատուն, որտեղ օրհնվում է Մայր Աթոռի աղն ու հացը: Ապա միաբանությունը և ուսանողությունը ճաշակում են նախկատյաց սեղանը:

Ապրիլի 11-ին, երկուշաբթի.—Մեռելոց.

Այսօր Մայր տաճարում ա. պատարագ է մատուցում տ. Նշան քհն. Բեյերյանը: Հավարտ ա. պատարագի կատարվում է հոգեհանգիստ՝ «վասն համօրէն ննջեցելոց»:

Ապրիլի 17-ին, կիրակի.—Կրկնազատիկ (Նոր կիրակէ). Յիշատակ բիրատոր նահատակացն մերոց համաշխարհային առաջին և երկրորդ պատերազմաց: Կատարի հոգեհանգիստ համայն եկեղեցիս Հալաստանէայց.

Այսօր Մայր տաճարում ա. պատարագ է մատուցում տ. Մովսիկ վրդ. Սարգսյանը և «Հայր մեր»-ից առաջ քարոզում «Այդ զի տեսերդ զիս հաւատացեր, երանի՜ որոց ոչ իցէ տեսեալ՝ և հաւատացեն» (Հովն. Ի՝ 29) բնաբանով:

Ապրիլի 21-ին, հինգշաբթի.—Այսօր, առավոտյան ժամը 11-ին, Մայր տաճար է այցելում Հայաստանում գտնվող Մեծ Բրիտանիայի պառլամենտական պատվիրակությունը՝ գլխավորությամբ համայնքների պալատի լեյքորիստական կուսակցության խմբի նախագահ Քլեյվին Հյուզի:

Հյուրերը հետաքրքրությամբ դիտում են Մայր տաճարը, ապա լինում են Մայր տաճարին սուղնթեր եկեղեցական արվեստի նմուշների բաժնում:

Այնուհետև Ամենայն Հայոց Հայրապետը

Վեհաբանում ընդունում է պատվիրակության անդամներին: Վեհափառ Հայրապետի և պատվիրակության անդամների միջև տեղի է ունենում բարեկամական ջերմ գրույց:

Ապրիլի 27-ին, չորեքշաբթի.—Այսօր, երեկոյան ժամը 18-ին, Վեհաբանում, Վեհափառ Հայրապետի նախագահությամբ, տեղի է ունենում միաբանական բացառիկ հերթական հավաքույթ, որին ներկա են լինում ներքին թեմերի թեմակալ առաջնորդները, ա. Գեղարդ վանքի վանահայրը, թեմերում պաշտոնավարող հոգևոր հովիվներ, Մայր Աթոռի եպիսկոպոս, վարդապետ և սարկավագ միաբանները՝ շուրջ 20 հոգի:

Ժամը 17-ին թեմակալ առաջնորդները, հոգևոր հովիվները և Մայր Աթոռի միաբանները ներկա են լինում երեկոյան ժամերգությանը, որի ավարտին լուսարարապետ տ. Հուսիկ եպս. Սանթրոյանը ողջունում և բարի գալուստ է մաղթում բոլորին՝ նշելով միաբանական սույն բացառիկ հավաքույթի նպատակը:

Այնուհետև Վեհափառ Հայրապետի նախագահությամբ Վեհաբանում գումարվում է միաբանական սույն հավաքույթը: Վեհափառ Հայրապետը ջերմ սիրով ողջունում է միաբանների ներկայությունը Վեհաբանում և ապա հանգամանորեն խոսում մեր օրերում հայ հոգևորականության ու հատկապես Մայր Աթոռի միաբանության՝ հայ ժողովրդի կյանքում կատարելիք քրիստոնեական քարոզչության, հայրենասիրական և խաղաղասիրական գործունեության մասին: Հայոց Հայրապետն Իր խոսքի մեջ նշում է նաև հայ հոգևորականությանը հետաքրքրող մի շարք այժմեական հարցերի մասին, հարցեր, որոնք այսօր դրված են մեր եկեղեցու առջև:

Վեհափառ Հայրապետի սույն գրույցը լավում է մեծ գոհունակությամբ և հոգեկան բավականությամբ:

Հավաքույթի ավարտին, հանուն բոլոր ներկաների, տ. Կոմիտաս արքեպ. Տեր-Ստեփանյանը որդիական երախտագիտության և շնորհակալության խոսք է ուղղում Հայոց Հայրապետին՝ շեշտելով նման հավաքույթների անհրաժեշտությունը և օգտակարությունը Մայր Աթոռի միաբանության համար:

Այնուհետև բոլորը աջամամբույրով ստանում են Վեհափառ Հայրապետի օրհնությունը:

* *

Նույն օրը հոգևոր ճեմարանի դահլիճում ուսանողության համար զեկուցումով հանդես եկավ ուխտավորաբար Մայր Աթոռում գտնվող Ռումինիայի հայոց թեմի առաջնորդական փոխանորդ տ. Զավեն ծ. վրդ. Պարոնյանը՝ «Հայ եկեղեցու պատարագի կարևորությունը ժամանակակից էկումենիկ տեսակետից» թեմայով:


* *

Ապրիլի 28-ին, հինգշաբթի.—Այսօր հոգևոր ճեմարանի ուսանողությունը, տեսուչ

տ. Հովհաննես ավագ քհն. Մարուքյանի գլխավորությամբ և ուղեկցությամբ դասախոսների, ուխտագնացության է մեկնում Արտաշատի շրջանի Խորվիրապ սրբավայր, որի պատմությունը սերտորեն կապված է ս. Գրիգոր Լուսավորչի գործունեության հետ:

Այնուհետև ուսանողությունն այցելում է Դվինի ավերակներ, որտեղ մեծ հետաքրքրությամբ դիտում են հնությունների թանգարանը:

Երեկոյան ուսանողությունն անմոռաց տպավորություններով վերադառնում է Մայր Աթոռ:



ԱՊՐԻԼԻ 24. ԵՐԵՎԱՆ

Գրեցի այս ամսաթիվը թղթի վրա բոլոր մյուս ամսաթիվերի պես, որոնցով ամա մոտ երկու ամիս է սկսում եմ ուղեգրությանս յուրաքանչյուր օրը: Եվ սակայն ցավի ու խռովքի այնպիսի մի հորձանք բարձրացավ ներս, որ երկար ժամանակ չեմ կարողանում ետ մղել, ամբարտակել այդ հորդումը՝ որպեսզի հնար լինի կարգավորել այն ու տող առ տող բաց թողնել թղթի վրա:

Ինչո՞ւ է այդպես: Ինչո՞ւ աշխարհում բոլոր օրացույցներից այս ապրիլ 24-ն էլ մյուս օրերի պես պոկում, մի կողմ եմ նետում, իսկ մեկը... Ինչո՞ւ գարնանային ծիծաղկուն այս ամիսը, այս ապրելու ապրիլը դարձավ մեզ համար մահվան տարեկից և մահով մնաց մեր տարեգրքերում... Պատասխան տալ այս «ինչուններից»՝ ասել է գրել հայոց ողջ պատմությունը ու գրելուց հետո նորից հարցնել՝ «ինչո՞ւ մեզ վիճակվեց ունենալ այսպիսի պատմություն»...

Ես ուզում եմ ամբարտակից թղթին թողնել հենց այս պահի ապրումս, սակայն այնտեղից համատրեմ դուրս եմ հորդում տարիներ առաջ գրած իմ չափածոն, է ես զգում եմ, որ նորովի ասել այն, ինչ աղեկոծել է ինձ կյանքիս վերջին երկու տասնամյակում ու գրել տվել «Մտորումներ ճանապարհի կեսին» պոեմը,—չեմ կարող.

Օ՛ր, հայ արյունին խառնված մորմոր,
Այդ ե՛րբ գարթնեցիր իմ երակներում,
Մագաղաթների փոշու հե՛տ արդյոք
Եկար, փովեցիր դու իմ աչքերում:
Պոկված վիրավոր մի ավերակի՞ց
Դու՛ խեղված խոյակ՝ սրտիս ծանրացար,
Թե՛ քամվելով մեր արցունքոտ երգից՝
Կար-կար ծորացիր, մեջս ծով դարձար:

Իմ խորքերի մեջ կայի՞ր երևի,
Դվինում թաղված մի սափորի պես,
Որ տարեցտարի նոր պեղումներից
Զգվեցիր, ելար դու արևներս...

Այո՛, գոյություն ունի սերունդների հավաքական հիշողություն, որն անցնում է դարից դար և արյունից արյուն: Եվ ինչքան բազմադարյան է լինում ժողովուրդը, այնքան այդ դարերը ավելի շատ են կոփում մարգում նրա հիշողությունը, որովհետև դրանով, այդ հիշողությամբ է, որ երկար ու տարբերաց դարերը կարող են չպոկվել, այլ կապվել-ազուցվել իրարու, կարող են մի դարի թողածը պահել ու հասցնել մյուսին: Անշուշտ դեր ունի նաև ժողովրդի, տվյալ դեպքում՝ հայ ժողովրդի, լինելիության կերպը, նրա տեսականությունը, հոգեկան սլացումներին հանձնվելու կարողությունը, հավատարմությունը անցյալին, հիշատակներին, գաղափարներին: Այսպե՛ս է, որ ահա հազար հինգ հարյուր և ավելի տարիներ սերունդների մեջ ապրել է Վարդանանց պատերազմի և նրա նահատակների հիշատակը, որ Նարեկացու բարդ և անբռնելի մատյանը դարերով պաշտվել է, սրբագործվել, փոխանցվել դարից դար ու դրվել հիվանդի բարձի տակ, որպես ապաքինման հույս ու թախիման: Այսպես է, որ Նոր-Նախիջևանցի ճարտարապետ Ալեքսանդր Թամանյանցի մատիտը հանկարծ զծեց-կանգնեցրեց հազար տարիներ տապալված ու փոշիներում թաղված սյուններն ու խոյակները, որ Զանախչի գյուղում գլուխը կախ իր վար ու ցանքն անող Ռաֆայելի որդու, գաղթ ու կոտորածի երես չտեսած Պարույր Սևակի սրտում ճաք տվեցին ու

ծայրքեցին, «Անդեղի զանգատան» էջերի՛ն լցվեցին՝ տարիներ առաջ գաղթ ու կոտորածի դաշտերից բարձրացած, ծամանակի ու տարածության մեջ անէացած, բայց սերունդների հիշողության մեջ ինչ-որ տեղ խտացած, հուր ու խառնարան դարձած, մահապարսոտ աղաղակները... Եվ այդ նույն, այդ նույն խառնարանի՛ց են դուրս ծայրքում ամեն տարի ապրիլյան այս սեծախորհուրդ առավոտին երիտասարդ, դեռ նոր զարթոնող հոգիների մեջ բռնկող անիմանալի, հասունության խայտանքի պես քաղցր ու տանջող խոռվքները, ինքնաճանաչման պահ առ պահ պայծառացող լույսը.

Ամիսն ապրիլ էր,

Եվ օրը—լցված:

Հրապարակներում՝ ձույլ բազմությունն էր ծովացած-փոված,

Փողոցների մեջ՝ մարդկային գետեր,

Որ չգիտեին ո՛րն էին գնում,

Բայց—գնո՛ւմ էին...

Ասես դարերի խորքերից եկող ալիք մի անտես, Դարերի խորքում վաղ տեղադրված ոգեղեն մի սարք՝

Գերհզոր ուղիղ-ճառագայթներով

Իր ծիրի մե՛ջ էր պահում այդ երթը,

Վարում էր նրա ընթացքն ու հոգին,

Տանում դեպի ե՛տ՝ դեպի Դեր-Էլ-Ջոր, Անի, Ավարայր

Ու տանում դեպի գալիք դարե՛րը...

Եվ—գնո՛ւմ էին...

Սասնա Դավթի պես խակ պատանիներ,

Դավթի մման ծո՛ւտ,

Բայց մեն մի օրում այրացա՛ծ արդեն,

Աչքերում՝ կսկիծ, բողոք ու հարցում՝

Դեռ գնո՛ւմ էին.

— Հորողքե՛ր Օհան,

Ասա՛, հե՛ր էիր պահել ինձանից

Տեղերանքն իմ հոր, իմ հոր գերեզման,

Իր ձիւն—Ջալալին, իր Թուր—Կայծակին,

Հորողքե՛ր Օհան, հորողքե՛ր Օհան...

— Ասեք, ո՛ր էիք պահել մեզանից

Եղելությունը՝ «եղեռն» անունով.

Աշխարհ սպանող այս դավի մասին,

Մեր սուրբ զոհերի,

Մեր սուրբ հողերի,

Մեր ցավի մասին

Այսքան տարիներ ո՛ր էիք լռել...

Եվ—գնում էին՝

Ինչ-որ վեհացած,

Ինչ-որ վերացած

Ամեն մեկն իր մեջ

Ինչ-որ հո՛ւն քացած,
Ինքնաճանաչման գյուտից նորացած,
Հորդ՝ գնո՛ւմ էին:

Գնում էին, որ

Տե՛ր կանգնեն իրենց որբ մեռելներին, որբ շիրիմներին,

Չոքեն-համբուրե՛ն Մարութա վանքի

մասունքները որբ, Ետ տանեն հողը և հանեն հողից Թուրը-

Կայծակին,

Ետ տանեն քարը և հանեն գոմից Հուռիկ-

Ջալալուն,

Ասեն՝ զորո՛ւ ենք թամբելու մեր հոր

վիշապաբաղ ձին,

Ասեն, որ՝ տե՛րն ենք, տե՛րն ենք Սասնա տան

Ու Սասնա դատին...

Ամիսն ապրիլ էր, Եվ օրը—արդար...

Ծիծեռնակաբերդի հուշարձանը ծնվել է այս ամենի՛ց՝ ցավով ու արևով ջրդեղված ապրիլյան առավոտներից և ցավով ու արեւով ջրդեղված մեր դարերից: Սոսկ ու սովորական մի հուշարձան չէ դա: Քարեղեն պողոթնում է բազմակն մի կուտակումի՝ սուգի, ցասման ընդվզումի: Ընդհանրական մի ներաշխարհի նյութակերտ պատկերն է դա, որ ամեն գիծ ու կորի մեջ առկա է մի հուժկու ինքնատիրապետում, Հոփսիսիմեի վանքի զապություն, ուժ, ապրելու կամք...

Ծիշտ այս նույն արտահայտությունը կա նրանց դեմքին, ովքեր գալիս, դեպի այդ համակառույցն են բարձրանում Ծիծեռնակաբերդի լանջին ձգվող նորաբաց ճանապարհով: Գալիս են տղամարդիկ, կանայք, երիտասարդներ, իրենց թոռնիկների ձեռքից բռնած պապիկներ, որդիներին՝ հե՛նված, դողդոջուն մայրեր, միայնակ, կորսմեջք ծերունիներ՝ հագիվ ոտ փոխելով, հաճախ կանգնելով, շունչ առնելով, և սակայն քայլում են, բարձրանում...

Ի՛նչ եղերական պատմություններ են նրանց հետ բարձրանում այդ ճանապարհով, ի՛նչ անուններ են հարություն առնում գաղթ ու կոտորածի մոխիրներից, ի՛նչ կանչեր կան նրանց բոլորի ունկերում, ու քայլ առ քայլ ի՛նչ սրբազան խոսքեր են հասունանում նրանց արյան տրոփներում:

Համալսարանի ուսանողները պասկ են տանում: Աղջիկների, երեխաների ձեռքին ծաղիկներ կան, շարքերի վրա՝ Վարուժանի, Միամանթոյի, Զոհրապի դիմանկարները: Հաշվիչ մեքենաների իմաստաստը տանում է Կոմիտասի մետաղակոտ պատկերը: Սփյուռքահայ ուսանողները քայլում են ավելի կենտրոնացած, ինչ-որ լարված, հանդիսավոր և «Սուրբ-սուրբ» են երգում:

Եւ Սփյուռքի կոմիտեի աշխատակիցների հետ եմ: Տալում ենք խոշոր մի ծաղկեալ-սակ: Պսակը մի կողմից պահել են հայաստանցիները, մյուս կողմից՝ սփյուռքի հյուրերը: Մոտենում ենք, պսակը դնում հուշարձանի սալաքարին:

Խոնարհված տասներկու սալաքարերը շրջան կազմելով՝ իրենք էլ քարե պսակ են դարձել հավերժական կրակի շուրջը: Քարե պսակ, քար կտրած վիշտ, քարեքար զարկվել, քարե կարկուտ, քարսիրտ աշխարհ, քար լուրջություն—մեր հողի ու մեր հնօրյա ճակատագրի պես քարքարոտ է նաև մեր լեզու'ն...

Մեջտեղում վառվում է կրակը. հսկա մոմ է ասես, որ վառել է ամբողջ մի ժողովուրդ՝ իր մեղավների հիշատակին: Նրա բոցից


հալվում-ծխում է խնկաբույր մի երաժշտություն:

Դանդաղ իջնում ենք սանդուղքներից, շարժվում դեպի կրակը, մի պահ կանգնում ենք, խոնարհվում նրա առաջ ու դեմի սանդուղքներով քարձրանում, ելնում ենք դուրս:

Դրսում լույս է, գարնան արևի նուրբ, վերքը շոյող լույս, և այդ լույսի մեջ՝ Երեվանն է: Նա՛ էլ է շրջան կազմել հավերժական կրակի շուրջը, սակայն այնպիսի շրջան, որ մեր հնամյա կոթողներին քանդակված՝ հավերժության խորհրդանշանն է հիշեցնում, կենաց խորհրդանշանը...

Երևա՛նը, շարունակությունը եղեռնի հուշարձանի, նրա լրացո՛ւմը, նրա ավա՛րտը...

(«Խճանկար հոգու և քարտեզի գույներից», Երևան, 1976, էջ 221—225)





ՄԱՐԿ ՌԻԺԿՈՎ

Հայ մարդու հոգում, հիշողության մեջ,
Այս վերքը բերդ է դարձել անառիկ.
Ոչ մի ուրիշ թիվ, ուրիշ վերք ու վեճ
Չի կարող ջնջել թիվը՝ տասնհինգ...
Իսկ ես, ես՝ ծնված երեսուհինգին,
Ես մի ոռու մանչուկ՝ հեռվում մեծացած,
Սոսկ հիմա հասան իմ ջահել ունկին
Այս բոթ բառերը՝ «եղեռն, կոտորած»...
Գնդակը՝ պայթած տասնհինգ թվին,
Սոսկ հիմա խոցեց սիրտս անապակ.
Անեծ՝ք, բյուր անեծք դահճին այն վայրագ,
Անեծք՝ անվանը, անեծք՝ աճյունին...
Իսկ Հայաստանը, մա ապրո՛ւմ է, կա՛.
Իսկ Հայաստանը՝ պատանու մի սիրտ.
Բիրտ ուժը արդեն անուժ է հիմա,
Սիրուց են ծնվում մանուկները միշտ:
Բայց հայի հոգում խոր գծվում է դեռ
Սուրբ Կոմիտասի խաչակիր ուղին,
Գծվում է, ձգվում սերունդների դեմ,
Որ քայլեն զգաստ, որ քայլեն ուղիղ,
Որ կյանքո՛վ հաղթեն դավին ու մահվան,
Որ երկրպագեն արարիչ լուսին...
...Հին խաչքարերը ծերերի մման
Հանդարտ պատմում են հավերժի մասին...
Իսկ եթե մորից թռչուններն այստեղ
Թևածեն աֆից մեկգ տարածամին,
Ու մորից իջնի աղետ մի ահեղ
Իմ մո՛ր, մո՛ր գտած իմ Հայաստանին,—
Երդվում եմ, վկա այս հողը արդար,
Ես էլ կդառնամ զինվորը մրա,
Ու թե հարկ լինի՝ կընկնեմ իր համար
Իր տաք, վիրավոր քարերի վրա...

Սվերդլովսկ
Թարգմանություն՝ Սիլվա Կապուտիկյանի



ԱՎԱԳ ՀԻՆԳՇԱԲԹԻ

Եթե հետևեինք օրերը հաշվելու հրեական սովորության, Ավագ հինգշաբթիին համար գրեթե ոչինչ պիտի գտնեինք արձանագրված Ավետարանի էջերուն մեջ, բացի Զատնական ընթրիքի պատրաստությունն: Այն կարևոր արարողությունը որ կատարվեցավ հինգշաբթի երեկոյին, հիրականին կիյնա Ավագ ուրբաթի սահմանին մեջ, քանի որ արևը մար մտնելէ հետո կսկսէր հաջորդ օրը ըստ հրեական սովորության: Այսուհանդերձ քանի որ մեր տոնացույցի մեջ այս օրվան դիմաց նշանակված է՝ «ՅԻՇՍՏԱԿ ԸՆԹՐԵԱՅ ՏԵԱՌՆ ՄԵՐՈՅ ՅԻՍՈՒՍԻ ՔՐԻՍՏՈՍԻ», մենք ալ այսօրվան ներքև պիտի անդրադառնանք այս երեկո պատահածներուն, որոնք երեք են թիվով. ՈՏԸՆՎԱ, ՎԵՐՋԻՆ ԸՆԹՐԻՔ, և ՎԵՐՋԻՆ ԿՏԱԿ:

Օրվան շարականները ամբողջությամբ Ռոմալայի և Վերջին ընթրիքի խորհուրդի շուրջ են:

Ավետարանները ինչպես լուռ անցած էին Ավագ չորեքշաբթի առափնույան Հիսուսի գործունեության վրայէն, նույնպես կրնեն Ավագ հինգշաբթի ցերեկի մասին: Հիշվածը լոկ նույն երեկոյին ըլլալիք պատեքի կամ Զատնական ընթրիքի պատրաստության մասին է, հետևյալ բառերով.

«Բաղարջակերաց առաջին օրը, երբ պատեքի գառնուկները կտրթովեին, աշակերտներն ըսին Հիսուսի. «Ո՛ր կուգես որ երթանք ու պատրաստենք պատեքի ընթրիքը: Հիսուս կորկէ իր աշակերտներէն երկուքը պատվիրելով անոնց. Քաղաք գացեք. երբ կ'տնեք անկէ ներս, ձեզի պիտի պատահի մարդ մը, որ ուսին վրա ջուրի սափոր մը կկրէ. հետևեցեք անոր, և որ տունը որ

կ'տնէ ըսէք տանտիրոջ. Վարդապետը կըսէ. ո՛ր է այն իջևանը, որ աշակերտներուս պատեքի ընթրիքը պիտի ընէմ. ու ան ձեզի պիտի ցուցնէ կահավորված մեծ վերանաւուն մը, այնտեղ ըրէք ձեր պատրաստությունները: Ու անոնք քաղաք եկան, գրտան այնպես ինչպես Հիսուս ըսած էր ու այնտեղ պատրաստեցին պատեքի ընթրիքը» (Մրկ. ԺԴ 12—16):

Մերո նմանություններ կան Հիսուսի Երուսաղէմ մուտքի և Վերջին ընթրիքի նախապատրաստական պարագաներուն միջև (Բաղդատե Մրկ. ԺԱ 1—6): Երկուքին ալ Հիսուս կիսափազի հանդիսական հանգամանք մը տալ, քանի որ երկուքին մեջ ալ կարևոր և նշանակալից հայտնություններ և տնօրինություններ ունի կատարելիք: Առաջինի ընթացքին հանդիսական ձևով պիտի հայտարարվեր Իր Մեսիական հանգամանքը. իսկ երկրորդով՝ Իր փրկարար գոհի խորհուրդը, նույնքան դրամատիկ իրադրությանց մեջ:

Ուրեմն ներկայացնենք ընթրիքի ընթացքին կատարված եղյակ նշանակալից պատահարները:

ՎԵՐՋԻՆ ԸՆԹՐԻՔԸ

ՀԱՍՏԱՏՈՒԹՅՈՒՆ ՍՈՒՐԲ

ՀԱՂՈՐԴՈՒԹՅԱՆ ԽՈՐՀՈՒՐԴԻ

(Մրկ. ԺԴ 12—25)

Ավագ շաբաթը սկսված էր հաղթանակով մարդկային շարության կամ չկամության վրա: Պիտի վերջանար հաղթանակով՝ տարված մարդու մեծագույն թշնամիին՝ մահվան վրա: Իսկ այսօր, Ավագ հինգշաբթի գիշերը, հաղթանակ կտարվի մեղքին վրա:

Հիսուս իր վերջին ընթերցի ընթացքին կհաստատե մեծագույնը և սրբագնացույնը եկեղեցիի խորհուրդներուն՝ պարզագույն արարմունքով մը, պարզագույն բառերով ու պարզագույն տառերով: Հաց մը կառնէ սեղանէն. կորհնէ գայն. երկուքի կրածն և մէկ կեսը կուտա իր աջ կողմի աշակերտին, իսկ մյուս կեսը՝ ձախին, ըսելով. «Առեք, կերեք, այս է իմ մարմինս»: Բեկանված հացը առնողներ իրենց կարգին մաս մը կկտրեն անկէ ու կուտեն և մնացյալը կփոխանցեն իրենց հաջորդ ընկերոջ: Ապա բաժակ մը զինի կառնէ Հիսուս, կորհնէ գայն ևս և գոհութիւն կմատուցանէ Աստուծո ու կըսէ, խոսքը Առաքելոց ուղղելով. «Եսմեցեք ասկէ, որովհետեւ ասիկա Նոր Ուխտի իմ արյունն է, որ կթափվի շատերու մեղքերուն համար»: Ու կուտա բաժակը իր քովի աշակերտին, որ ունայ մը առնելէ հետո անկէ, կանցնէ գայն իր քովի ընկերոջը. և այսպէս բաժակը ամենքի ձեռքին մեջ իր շրջանը ընկէ հետո սպասած կվերադառնա իր առաջվան տեղը:

Հակառակ այս պարզության, սակայն, մեր եկեղեցին գայն կկոչէ «Խորհուրդ խորին, անհաս, անսկիզբն»: Եվ շատ իրավամբ: Թերևս ոչ մէկ ծեսի կամ լեզվին մեջ այնքան հարմարապէս որակված է այս խորհուրդը, որքան մեր պատարագի առաջին երգի առաջին այս տողին մեջ: Արդարև տարակույս չի վերցներ անոր «խորին» և «անհաս» — անհասանելի, անհասկնալի — խորհուրդ մը ըլլալը. բայց ինչո՞ւ ըլլա ան «անսկիզբն», քանի որ սկիզբ առաւ Քրիստոսն Ավագ հինգշաբթի գիշերը: Հոս է արդեն հիշված շարականին ինքնատուրությունը և հայտնութեանական ներշնչումը: Հաղորդություն կնշանակէ բանի մը միասնաբար մասնակցի, ինչ որ հասարակաց կապ մը կստեղծէ երկուստեք: Օրինակ մույն հացին կամ խրատնաքին մասնակցի, մույն ցավով տառապի, մույն գաղափարով ոգևորվի: Այս իմաստով հավիտեանապէս «հաղորդություն» կա ս. Երրորդության երեք անձերուն մեջ. և հետևաբար Աստվածության պէս «անսկիզբ» է այս խորհուրդը: Հորը, Որդւոյն և ս. Հոգիին, այսպէս ըսեմք, Իրարու հետ ունեցած հարաբերությունը լավագույնս կբացատրվի ՀԱՂՈՐԴՈՒԹՅՈՒՆ բառով. Հաղորդ են Ամենասուրբ Երրորդության Երեք Անձերը, մէկ և մույն կյանքին, մէկ և մույն սիրո, մէկ և մույն իմաստության և անհուն գործության: Որով, Որդին, որ մեզմէ մեկը եղավ ու մեզի հետ խոսեցավ երկրի վրա, կրնար ըսել. «Ես եւ Հայր իմ մի եմք». կամ՝ «որ ինչ իմ է՝ ամենայն քո է, Հայր, եւ որ ինչ քո է՝ այն իմ է» (Հովհ. ԺԷ 3): Կամ «Հայր յիս

է, և ես ի Հայր» (Հովհ. ԺԷ 21): Կամ ակնարկելով ս. Հոգիին կըսէ. «Յիմմէ անտի առնուցու» (Հովհ. ԺԶ 14): Այսինքն՝ իմինէս պիտի առնէ:

Ուրեմն հաղորդության խորհուրդի հաստատումով Հիսուսի նպատակն էր Աստվածության մեջ գոյություն ունեցող ներդաշնակ հարաբերությունը և մույն սիրո ու մույն կյանքի հաղորդակցությունը փոխարինել ան երկրի բնակիչներուն մեջ. նախ վերահաստատելով բնականոն հարաբերությունը Աստուծո ու մարդկության միջև և ապա՝ մարդու և իր ընկեր արարածին միջև:

Թեւ «Խորին» և «անհաս» խորհուրդ մըն է այս, բայց պահ մը փորձենք թափանցել անոր խորության մեջ, և ճիգ ընենք հաւկընալու գայն, իր զանազան երեսներուն, այսինքն իմաստներուն մեջ: Բազմակողմանի և բազմերես խորհուրդ մը ըլլալուն, անոր տված է զանազան անուններ, որոնք կշեշտեն անոր բազմերանգ. իմաստներեն մէկ կամ մյուս երեսը: Ուրեմն անոր մասին ընդհանուր գաղափար մը կազմելու լավագույն ձևն է ներկայացնել այս անուններեն յուրաքանչյուրը: Այդ անուններեն ամեն մէկը լրիվ ներկայացնելու համար էջեր հարկավոր են: Մենք զմեզ պիտի սահմանափակենք կարելի կարճութան մեջ:

1. ՏԵՐՈՒՆԱԿԱՆ ԸՆԹՐԻՔ. — Այս անունը առնված է մույնինքն այն ճաշէն, որուն ընթացքին հաստատվեցաւ Հաղորդության խորհուրդը: Առհասարակ ծես չունեցող բողոքականներ կգործածեն գայն խուսափելու համար անոր «Խորհրդական» հանգամանքէն, և կատարած ըլլալու համար գայն լոկ իբրև հիշատակը Հիսուսի փրկագործ մահվան՝ խաչին վրա: Այսուհանդերձ գուրկ չէ այս անվանակոչությունը յուրահատուկ իմաստէ, քանի որ կբացատրեն Հաղորդության խորհուրդին արտաքին և ընկերային կարևոր մէկ երեսը:

Ծաշի սեղաններ սովորաբար կսարքվին ընտանեկան ու քարեկամական շրջանակներու մեջ. ուստի ճաշերը նշան են սիրալիք և քարեկամական հարաբերության: Մեր լեզվի «ընկեր» բառը իր ծագումը կպարտի կերակուրի սեղանին: Ընկերը, կամ անոր ավելի ուղիղ և սկզբնական ձևը, «ընդկեր»-ը այն անձն է որուն հետ մենք սեղան կնստինք, կամ ժողովրդային բացատրությամբ, որուն հետ աղոթաց կուտենք: Ուրեմն՝ «ընկերություն» բառին սկզբնական իմաստը սեղանակցությունն է: Որով՝ մարդկային ընկերության կորիզը կազմված է ընտանեկան կամ քարեկամական սեղաններուն շուրջ: Հետևաբար մարդկային ընկերության մեջ էլ պետք է տիրապետեն այն ոգին և վերաբերմունքը որ կը-

հայտնաբերվի սեղաններու շուրջ բազմած «ընկեր»-ներու միջև:

Հիտուս իր հիմնական տնօրինությունը սեղանի մը շուրջ հաստատելով ուզեց շեշտել այն իրողությունը, թե իր հետևորդները մեկ և նույն հոգևոր ընտանիքի անդամները պիտի ըլլային, կապված իրարու այն սերտությամբ ու սրտակցությամբ, որով ընտանիքի անդամներ և հարազատ բարեկամները կապված կըլլան իրարու:

Ամեն մեկն ա. պատարագ Տերունական ընթրիք մըն է, որ կաարքվի մեր եկեղեցիներու ա. Սեղաններու վրա: Արդարև ամեն մեկն պատարագի արարողության ընթացքին եկրականանա այն ինչ որ ա. պատարագի կեդրոնական շարականներեն մեկուն մեջ կերգենք:

«Քրիստոս ի մէջ մեր յայտնեցաւ.
Որ էնն Աստուած աստ բազմեցաւ.
Խաղաղութեան ձայն հնչեցաւ.
Սուրբ ողջունի հրաման տուաւ»:

Հիտուս է Սեղան սարքողը, հրավիրողը, հյուրընկալը և տանտերը: Մենք հրավիրյալներ ու հյուրեր ենք: Ա. պատարագի այս իմաստը գրեթե մոռացության տրված է: Անմիջապէս կիրակիէ կիրակի սարքվող Տերունական ընթրիքի հրավերը քանի՞ հոգի կընդունի. կամ մասնակցողներս կնկատե՞նք գմեզ արդարև հյուրերը և հրավիրյալները Հիտուսին: Հուսկ ապա՝ ունի՞նք այն սրտակից վերաբերմունքը որ սեղանակիցներ ունին իրարու հանդէպ: Եթե անդրադարձ ակնարկ մը նետենք մեր ամօրյա կյանքին վրա, ու եթէ քննական աչք մը պտտեցնենք ա. պատարագի մեր ներկա լինելու կերպին վրա, վերոհիշյալ հարցումներուն պատասխանը միշտ էլ դրական պիտի չըլլա:

Ձևապէս քրիստոնէյա համայնք մը մնալով հանդերձ, շատոնց դադրած էինք ամենօրյա պաշտամունքի ներկա լինելէ. իսկ ներկայիս ալ գրեթէ կոդաքիներ կիրակնօրյա զանգակներուն հրավերներուն պատասխանելէ: Հաշիվ ըրա՞ծ եք, թե սովորական կիրակիներուն մեր համայնքին հարյուրից քանի՞ տոկոսը ներկա կըլլա Տերունական ընթրիքին: Հազիվ մեկը կամ երկուքը: Ու եթէ պատահաբար տարին քանի մը անգամ ավելի մեծ թիվով ներկա կըլլանք՝ այդ արդյունք է տարբեր կանչերուն քան Տերունական կոչին: Ներկա ենք եկեղեցի, որովհետեւ կամ Զատիկ-Ծնունդ է. կամ ուրովհետեւ այդ օր «հանդիսավոր» պատարագ կա. և կամ մեր մեկ ծանոթին համար հոգեհանգիստ պիտի կատարվի:

Բացահայտ է, թե այս նահանջին մեջ

շատ կարևոր դեր ունին մեր ժամանակները և փոխված մտայնությունները. սակայն նույնքան կարևոր դեր ունի՝ մեր մոռցած ըլլալը, թե ա. Սեղանին վրա մատուցվող ա. պատարագը միաժամանակ հոգևոր ճաշ մըն է, որուն կհրավիրվինք Քրիստոսի հետևորդներս հավաքաբար: Ստույգ է, ոմանք կուզան որդված ա. սովորութենէ, որ սակայն գիտակցական փնտրելի չէ վերածված դէտ: Եկեղեցի մեջ ունեցած ասոնց «միասիտ սրտի» և կատարեալ հաւատով՝ ընթացքը որքան ալ հարգանք ու խանդաղատանք ստեղծեն մեր մեջ անոնց նկատմամբ, սակայն չի կրնար վարակիչ դառնալ, քանի որ անընթրիքական էին: Ուրիշներ կուզան առհասարակ առհավական քննադէտ մը առաջնորդված. երբեք չեն անդրադարձած թե ինչո՞ւ կուզան: Իրենց բոլոր շարժումները մեքենական են. եկեղեցի մտնելը, մոմ վառելը, խաչ հանելը, տեղ մը գրավելը, շուրջը բոլորը դիտելը, ամենքը «ոռպոթային» են: Այսպիսի անձ մը կրնա եկեղեցիէն ելլել որեւէ աստէն, մինչև իսկ «Առեք կերեք» ըսված աստենը: Ուրիշ խոսքով թեւ ներկա է, քայց հայտնապէս հրավիրյալ մը չէ: Եթէ մեկը, որ մտադիր է եկեղեցիին աւելի գիտակից անդամ դառնալու և եկեղեցիին ետևը կեցած քննական աչքով մը հետևի այսպիսի մարդոց շարժումներուն, երբեք պիտի չուզեր անոնց ընկերակցությամբ Տերունական ընթրիքի ներկա ըլլալ:

Ավելին կա սակայն: Ոմանք ալ եկեղեցի կուզան ի ՊԱՇՏՈՆԵ. այսինքն դեր ունին կատարելիք այնտեղ. ոմանք Տերունական Սեղանը պիտի պատրաստեն և պիտի սպասարկեն անոր. ուրիշ մը տեսանելի կերպով Քրիստոսի տեղը պիտի գրավեն պատարագի ընթացքին. Անոր խոսքերը պիտի կրկնեն: Ասոնք են որ ամենէն վճռական դերը կկատարեն Տերունական ընթրիքին ուրիշները հրավիրելու կամ հեռացնելու մեջ. ներկա ըլլալիքներուն թիվը ավելցնելու կամ պակսեցնելուն մեջ: Սակայն դերակատարներուն ընթացքը, դժբախտաբար, երբեմն այնքան տնավարի, այնքան անոգի ու այնքան անպատկառ է, որ կարծես թե իրենց տան սովորական սեղանն ըլլար սպասարկվածք քան՝ Տերունական ընթրիք: Երգեցողությունները երբեմն ավելի քմայք և քաշքշուք են, քան թե սիրով, հարգանքով ու պատկառանքով լեցուն մասնակցություն: Հոգևոր հակում ունեցողներ պարզապէս համ պիտի չկրնան առնել այս կերպ մասնակցութենէ:

Այո, ընտիր է մատուցված ընթրիքը. անոթի են արդարև հրավիրյալները, սակայն սխալ է հաճախ մատուցման եղանակը: Այս իսկ պատճառով սնունդը և սեղանին հրավիրյալները զիրար չեն գտներ երբեմն, ու

եկեղեցի եկողները, սեղանին մասնակցողները, անոթի կելեն հաճախ անկե:

2.—ՊԱՏԱՐԱԳ.—Մեր մեջ ամենեն շատ գործածական բառն է Վերջին ընթրիքին Հիսուսի կողմն հաստատված խորհուրդին համար: Այսպես է նաև արևելյան բոլոր մյուս եկեղեցիներու մեջ, որոնց հետ մեր եկեղեցին դեռ ձևապես հաղորդակցության մեջ է: Անոնք կկոչեն զայն «Գուրբան» որ մեր պատարագ բառին հետ նույն իմաստն ունի: Պատարագ կնշանակե նվեր, ընծա, և ավելի կհիշեցնե Հին Կտակարանի մեջ Աստուծո ընծայված արգադիր նվերները և ողջակեղները, որոնք բոլորն էլ կկոչվեն պատարագ:

Պատարագը միշտ երկու կողմ ունի. տըվող և առնող, մատուցող և ընդունող: Երբ կողմերն մին պակսի, պատարագը կդադարի գոյություն ունենալ:

Այս խորհուրդը պատարագ է այն իմաստով, որ անոր մեջ Քրիստոս հանուն և ի դիմաց մեզի, սեղավորներու, ինքզինք Աստուծո կընծայե, ի քավություն և ի թողություն մեր մեղքերուն, ինչպես գործնականապես ըրած էր Գողգոթայի վրա: Հին Կտակարանի «քավության նոխազ»-ին կամ գառնուկին պես, որ իբրև ողջակեղ Աստուծո կընծայվեր, նվիրողներու մեղքերուն համար:

Եթե ընթրիքի գաղափարը զմեզ կհամակե հոգևոր սիրո-սեղանի մը մասնակցելու երջանիկ տրամադրությամբ, **պատարագի** գիտակից ըմբռնումը սակայն մեզի պիտի համակեր ահավոր զգաստությամբ և ծանր լրջությամբ: Պահ մը երևակայել որ ս. Սեղանին քերված սկիհը, իր մեջի հացով և գինիով, կներկայացնե զգալապես և խորհրդական հանգամանքով, նույնիսկ մեր Փրկիչը, որ եկած է պատարագվելու մեր մեղքերու քավության և թողության համար: Հաճախ կմոռանաք, հատկապես կմոռանա ս. պատարագը մատուցանողները և սպասարկողները, այս սահմոկեցուցիչ իրականությունը: Հաճախ մոռացության կտրվի մեր ս. պատարագի արարողության հիմնական հայտարարություններն մեկը. «ՊԱՏԱՐԱԳ ՔՐԻՍՏՈՍ ՄԱՏԶԻ ԱՆԱՐԱՍ ԳԱՌԸ ԱՍՏՈՒԾՈՅ». այսինքն. «Քրիստոս, Աստուծո անարատ գառնուկը, իբրև պատարագ Աստուծո կընծայվի»: Ասոր փոխարեն կշեշտենք վերևի խոսքին կցորդը. «Ողորմություն և խաղաղություն ու ՊԱՏԱՐԱԳ ՕՐՀՆՈՒԹԵԱՆ»: Եվ արդարև այսօրվան մեր պատարագները ավելի հոգևոր երգերու ինծա մըն են Աստուծո մատուցված, քան Քրիստոսի պատարագումը «ի քառյութին և ի թողութին մեղաց մերոց»:

3.—ԳՈՂՈՒԹՅՈՒՆ.—Հունարեն բառն է,

«Եվսարիստիա» որ կնշանակե շնորհակալություն: Ս. խորհուրդի այս անունը 'սոնըված է' Հիսուսի կողմն հացի և գինիի վրա կատարված Աստուծո գոհություն մատուցանելու գործողությունն, ինչպես կհիշվի Ավետարանի մեջ. «գոհացալ»: Այս բառը առավելաբար գործածական է օրթոդոքս ու կաթոլիկ եկեղեցիներու կողմն, ինչպես նաև՝ պատարագ և ծես ունեցող բողոքականներու մեջ, որոնք հունարեն բառը իրենց լեզվին տառադարձելով պահած են գրեթե նույնությամբ:

Այս անունն ալ թեև մեր մեջ գործածական չէ եղած, բայց իրականին մեջ մեր ս. պատարագը գրեթե ծայրն է ծայր գոհության և օրհնության պատարագ մըն է: Կսկսինք զայն «Օրհնեալ Թագաւորութիւնն Հօր և Որդւոյ և Հոգւոյն սրբոյ» գոհաբանական մաղթանքով և կշարունակենք սարկավագի ազդարարությամբ. «Եւ գոհացաւոք զՏեառնէ բոլորով սրտիս»: Ս. պատարագի մեջտեղերը ունինք ծանր գոհաբանական երգը. «Գոհութիւն և փառաբանութիւն մատուցանեմք քեզ Տէր Աստուծո մեր, վասն սուրբ և անմահ պատարագիս որ ի վերայ սրբոյ Սեղանոյս»:

Ինչպես նաև՝ սա գեղեցիկ երգը.

«Յամենայնի օրհնեալ ես Տէր.
Օրհնեմք գՔեզ, զովեմք գՔեզ,
ԳՈՂԱՆԱՄՔ ԶՔԷՆ...»:

Ս. պատարագը իր ավարտին կերպի երբ կերգենք «ԳՈՂԱՆԱՄՔ ԶՔԷՆ Տէր, որ կերակրեցեր զմեզ յանմահական սեղանոյ Քոյ. բաշխելով զմարմինդ և զարինդ ի փրկութիւն աշխարհի և կեանք անձանց մերոց»:

Ծաշի սեղաններուն նպատակն է մարդիկը կշտացնել և գոհունակ տրամադրությամբ լեցնել. այնպես որ, սեղանին մասնակցողին ինքնաքերաքար շրթունքին զան գոհունակության սա խոսքերը, նախ առ Աստված ուղղյալ. «Գոհություն Աստուծո». կամ «Փառք Աստուծո»: Իսկ եթե խոսքը սեղան պատրաստողին կամ տվողին է, կարենա ինքնաքերաքար ու անկեղծ սրտով ըսել. «Ծնորհակալություն»: Ուրեմն լավ սեղանը գոհունակություն տվող սեղանն է:

Կրնա ըլլալ որ մեր սեղանները առատ և սնուցիչ կերակուրներ պարունակեն. սակայն երբ կմատուցին անմաքուր ամաններով, աղտոտ սփռոցներու վրա, կամ երբ մեջը աղ չկա կամ պղպեղը շատ նետված է, այն ատեն այդ սեղանը վայելելու մեր ախորժակը կկտրի բոլորովին: Նման երեվոյթներ կրնան պատահիլ նաև մեր «անմահական սեղաններուն» վրա: Անփույթ, թափփված ձևով կամ անպատկառ ոգովով

կատարված ս. պատարագը անոնց կնմանի:

Ս. պատարագը իսկապես Գոհության խորհուրդի վերածելու համար, որչափ ալ սեծագույն դերը պիտի ունենա մեր հավատքը և հոգեկան կեդրոնացումը, նույնքան կարևոր դեր ունի եկեղեցիի ընդհանուր քարոյական և ընկերային մթնոլորտը: Անհրաժեշտ են լոջություն և պատկառանք՝ թե՛ խորհուրդը կատարողներուն և թե՛ անոր մասնակցողներուն կողմէ, ստեղծելու համար այս մաքուր մթնոլորտը: Ս. պատարագով մենք Աստուծո գոհության պիտի մատուցանենք որ Իր Միածին Որդին տված է մեզի, մեր սեղփերու քալության և թողության համար, արժանի ըրած է մեզ անարժաններս, «հաղորդել Մարմնոյ և Արեան Քրիստոսի»:

4.—Ս. ՀԱՂՈՐԴՈՒԹՅՈՒՆ.— Ամենն ընդհանրական բառն է, գործածված գրեթե բոլոր եկեղեցիներէն: Այս անունը կուգա Խորհուրդին Հոգիէն, այսինքն՝ այն նպատակէն, որուն համար հաստատված է ան, որ է՝ հաղորդակցության մեջ դնել արարածը Արարչին հետ, մեղավորը՝ Քաղաքարին, փրկվածը՝ Փրկչին հետ: Այս խորհուրդը կենսական կապ է քրիստոնայի և Քրիստոսի միջև:

Քրիստոսի միացողներ, Անոր անձին մեջ միացած կրլլան նաև իրարու, և կկազմեն Քրիստոսի մարմինը: Եղբայրության մեր շրջանակ մը կստեղծվի, որ մեկ կապ միայն կնանչնա, հավատքի կապը, Քրիստոսի հետ ունեցած կապը: Այլևս իրենց նշանակությունը կկորսնցնեն և գրեթե կանտեսվեն բոլոր այն կապերը, որոնք մարդիկը զանազան խումբերու բաժնելու կծառայեն. այսինքն արյունի, ցեղի, գույնի, լեզվի, ազգի, տոհմի և ընտանիքի: Հաղորդությունը կը խորտակե բոլոր խտրության պատերը. ի Քրիստոս սեր և ճերմակը կեղբայրանան, աղքատը և հարուստը կհավասարին. ազատը և ծառան Աստուծո որդի կըլլան:

Ս. հաղորդությունն է, որ իրավամբ կըստեղծե այն համամարդկային հավասարությունը և եղբայրությունը, զոր մարդիկ կերպգեն ունենալ այնքան ուժգին բաղձանքով և զոր ստեղծելու համար հաճախ այնքան արյուն կթափեն, այնքան անհրաժեշտություններ կգործեն, ի վերջո հանգեցնու համար մեր խորությանց, մեր աստեղծությանց և մեր անհավասարությանց: Հաղորդությամբ եղբայրացածները ոչ միայն սերտորեն կապված են իրարու, այլ նաև իրենց կապերը չեն խզեր իրենցմէ դուրս մնացած մարդոց հետ, իբրև թեկնածուները այս մեր միության, որունց համար ևս տրամադրելի է Քրիստոսի քաղաքար պատարագը, որովհետև եկեղեցիի գե-

րագույն նպատակն է զանոնք ալ քրիստոնեական գալիթեն ներս առնել:

Եթե զանազան եկեղեցիներու միջև տեսանելի և զգալի հաղորդությունը չի կիրարկվիր, առ ինքնին պարզագույն փաստն է, որ ասոնցմէ մին կամ մյուսը կամ երկուքն ալ, ի հաղորդության չեն Քրիստոսի հետ: Այլապես, այսինքն եթե երկու կողմերն ալ ի հաղորդության ըլլային կյանքի և սիրո Ակին հետ, անկարելի էր որ ի հաղորդության չըլլային իրարու հետ: Եկեղեցի ըսվածը այս իսկ է. ՀԱՂՈՐԴՈՒԹՅՈՒՆ, ՍՐԲՈՑ. այսինքն՝ հաղորդություն Քրիստոսի հետ, հաղորդություն իրարու հետ: Ասանց այս հաղորդության չկա իրական եկեղեցի, թե իսկ գոյություն ունենան այդ անունով հավաքականություններ: Իրական քրիստոնյան այն չէ, որ մկրտված է և եկեղեցիի հավատամքը գոց գիտե. այլ՝ այն որ կրնա քսել կապիմ ես, սակայն ոչ թե ես, այլ՝ Քրիստոս է որ կապի իմ մեջս (Գաղտ. Բ 20): Արդարև իրարու հակառակ կան երևույթներ են մույն քրիստոնեական շրջանակին մեջ գոյությունը հաղորդության և աստեղծության: Հակառակն է հաղորդական անդամ ըլլալ եկեղեցիին և մյուս կողմէն քեն և ոխ սնուցանել եկեղեցիի մյուս անդամներուն հանդեպ կամ շահագործել զանոնք: Հակասություն է հաշտարարել ու հավատալ որ եկեղեցին մեկ գլուխ ունի, և մյուս կողմէն մեկե ավելի գլուխներու գոյության սկզբունքն ընդունիլ. գլուխներ որոնք իրարու հետ ոչ մեկ կապ ունին, և որոնք իրարմէ ոչխարներ կգողանան կամ իրարու վիճակները կհափշտակեն:

Ստույգ է, սերտորեն իրարու կապված շրջանակներ չեն պակսիր մեր մեջ. բայց ասոնք առհասարակ զուտ աշխարհիկ ու ընկերային շրջանակներ են. այսինքն կա՛մ կուսակցական, կա՛մ գաղափարական, կա՛մ գեղարվեստական շրջանակներ: Կան քաղաքական բազմաթիվ բջիջներ, որոնք սակայն սեղանակից են իրարու ավելի կերպիստի, խաղի և «խումար»-ի համար, քան եղբայրսիրության նպատակներով: Ո՛ր պետք է փնտրել այն ազնիվ ընկերային կցորդությունը, որ հիմնական հատկանիշը պիտի կազմեր քրիստոնյա հավաքականության: Ո՛ր կրնանք գտնել Տիրոջ սեղանով կապված արտակցությունները: Քանի՞ ընտանիքներ կան, որոնք երբ իրարու տունները հավաքվին, ոչ միայն բաժնեկից կդառնան իրարու անշահախնդիր սիրույն, այլ նաև կրնան խոսակցիլ ս. Գրքեն, եկեղեցիէն, և կյանքի առավել ազնվացման՝ և առողջ նկարագրի կերտման հետ կապ ունեցող հարցերու մասին: Ո՛ր պետք է գտնենք


փաղանգը մարդոց, որոնք կարենան ըսել, ու կյանքով հաստատել, թե ի հաղորդության են Տիեզերքի Արարչին հետ:

Եթե կապկսի հավատացողներու և նույն եկեղեցի հաճախողներու միջև սիրո շաղկապը, դա ինքնին ճշան է որ հաղորդություն չկա իրենց և Աստուծո միջև: Եթե Աստուծո սիրուն և կյանքին հաղորդ եղած ըլլալինք, ինքնաբերաբար հաղորդ պիտի ըլլալինք իրարու սիրուն: Այս երկուքը իրար-

մե կախյալ են և զիրար կենթադրեն: Ունենալ սեր հանդեպ Աստուծո և չունենալ մարդոց նկատմամբ սեր՝ անկարելիություն մըն է: «Եթե մեկը ըսե, որ Աստված կսիրեմ, և իր եղբայրը կատե, սուտ է: Մեկը որ չի սիրեր իր նմանը, զոր կտեսնե, ի՞նչպես կրնա սիրել զԱստված, զոր չի տեսներ» (Ա. Հովհ. Ե 20):

(Ավագ շաբաթ, Պեյրուք, 1974, էջ 96—97, 104—112):





ՍՈՒՐԲ ԿՅՈՒՐԵՂ ՀԱՅՐԱՊԵՏ ԱԼԵԿՍԱՆԴՐԱՑԻ*
(375—444)

**Ս. Կյուրեղ Հայրապետի գործերի
հայերեն թարգմանությունները**

Մեր եկեղեցական-թարգմանական գրականության մեջ չափազանց ընդարձակ և մեծ թիվ են կազմում Կյուրեղ Ալեքսանդրացու գործերից և ուղղակի հունարեն բնագրից կատարված թարգմանությունները, որոնցից ոմանց սկզբնագրերը դեռ չեն հայտնաբերված հունական եկեղեցական մատենագրության մեջ:

Ս. Կյուրեղ Հայրապետը ևս թողել է բազմաթիվ ու մեծածախ մատենագրական ծառանկություն: Նրա «երկասիրությանց մեծագույն մասն մը պահված է մաև ի մեր մատենագրության, որոնցմե շատերը թարգմանություն են ութերորդ դարու, ի ձեռն Ստեփանոսի Սյունեցվո. և ոմանք ավելի հնագույն ժամանակաց կվերաբերին, և հավանականաբար հիմնված են: Հույն բնագրին ու մեր թարգմանությանց մեջ տեղ-տեղ կարևոր տարբերությունք կտեսնվին, ավելի ընդարձակագույն գտնելով զբնագիրն մանավանդ Հնգամատույանին, Հեովա, Դատալորաց և Թագավորությանց մեկնաբանությանց մեջ: Թերևս բուն հեղինակին ձեռքով և կամ հայրից համատուրված օրինակաց վրա եղած է մեր թարգմանությունը»⁴⁵:

* Շարունակված «Էջմիածին» ամսագրի 1977 թ. № 4-ից:

⁴⁵ Մատենադարան, Հայկական թարգմանությանց նախնյաց, դար Դ—ԺԳ, Վենետիկ, 1889, էջ 504:

«Ս. Կյուրեղի մի քանի գրվածքները կըրկին անգամ են հայերեն թարգմանվել, և երկրորդ թարգմանությունը անկախ չի եղել հավանականորեն, այլ՝ նախկինը սրբագրելով»⁴⁶:

Ինչպես ս. Աթանաս Հայրապետի, այնպես էլ ս. Կյուրեղ Ալեքսանդրացու գործերի հայերեն թարգմանության մասին դժվար է հստակորեն ասել, թե ե՞րբ և ո՞ր թարգմանիչ վարդապետների կողմից են թարգմանվել հայերենի:

Ստույգ պատմական տեղեկություններ ունենք միայն ս. Կյուրեղի «Պարապմանց գիրք»-ի հայերեն թարգմանության մասին, Ը դարում, Ստեփանոս Սյունեցու ձեռքով:

Մատենագրական, ձեռագիր Շատրնոսիների և պատմական այլ աղբյուրների վկայությամբ մեր թարգմանիչ վարդապետները Ե և ապա Ը դարերում հայերենի են վերածել Կյուրեղ Ալեքսանդրացու հետևյալ աշխատությունները.

1. Սրբուն Կիրդի եպիսկոպոսապետին Աղեքսանդրացու ԱՐԱՐԱԾՈՅ ՄԵԿՆՈՒԹԻԻՆ, Եյից, Ղևտացոց, Թոռոց և Երկրորդումն օրինաց, Հնգամատենանի գրքերի մեկություն:

2. Ի Յեսու որդույ Նաեայ Կիրդի:

3. Նորին Կիրդի ի դատաւորս:

4. Նորին Կիրդի ի թագաւորութիւնս:

5. Մեծին Կիրդի Աղեքսանդրացու Մեկնութիւն սորբ Աւետարանին որ ըստ Ղուկայ:

⁴⁶ Կնիք հատառու, էջ LII:

6. Երանելուն Կիրոյի Աղեքսանդրացոյ Հայրապետին ՄԵԿԵՆՈՒԹԵՆԷ ԱՌԱԿԱՅ ԱՌԵՏՈՐԱՆԻՆ ըստ Դուկայ:

7. Երանելուն Կիրոյի Աղեքսանդրոս Հայրապետի Ի ՄԵԿԵՆՈՒԹԵՆԷ ԵՍՍԵՆՍ ՄՍՐԳԱՐԷԻ:

8. Սրբոյն Կիրոյի եպիսկոպոսապետի Աղեքսանդրոս Ի ՄԵԿԵՆՈՒԹԵՆԷ ՅՈՎԵԼԵՆՍ:

9. Ի մեկնութենէ մարգարէին ԶԱՔԱՐԻՍԱՅ:

10. Սրբոյն Կիրոյի եպիսկոպոսապետի Աղեքսանդրոս ՅԵՔԱՐԱՅԵՑԻՈՅ ԹՂԹՈՅՆ ՄԵԿԵՆՈՒԹԵՆԷ:

11. Սրբոյն Կիրոյի եպիսկոպոսապետի Աղեքսանդրոս Հայրապետին ՊԱՐԱՊՈՒՆԷ, յաղագս մարդանալոյ Միածնին:

12. Հաստատարիմ քահանայապետի Քրիստոսի, մտերիմ ծառայի Աստուծոյ՝ սրբոյն Կիրոյի Աղեքսանդրացոյ Ի Տիբերեայ քահանայէ և յերարց:

13. Տեառն սրբոյն Կիրոյի Աղեքսանդրացոյ առ բարեպաշտ թագաւորն Թէոդոսիոս, յաղագս տաւնի սրբոյն Զատիկ:

14. Երանելուն տեառն Կիրոյի եպիսկոպոսապետի Աղեքսանդրացոյ առ բարեպաշտ թագունին Եղոքսիա, կին Թէոդոսի բարեպաշտ թագաւորի:

15. Յաղագս հնազանդութեան Քրիստոսի:

16. Յաղագս սրբելոյն Քրիստոսի և նորին քահանայութեան իմացելոյ:

17. Յաղագս ասելոյն փառս առնու Տեառն մերոյ Յիսուսի Քրիստոսի:

18. Յաղագս ասելոյն յառնել Քրիստոսի Ի մեռելոց փառաք Հօր:

19. Յաճաք հակառակորդացն ասացեալ. «Այժմ անձն իմ խոովեալ է»:

20. Նորին տեառն Կիրոյի եպիսկոպոսապետի առ բարեպաշտ թագունին կուսանսն Քրիստոսի քոյր ուղղափառ թագաւորին Թէոդոսի Արկադեայ և Մարինեայ:

21. Սրբոյն Կիրոյի Աղեքսանդրի եպիսկոպոսի առ բարեպաշտ թագաւորն Թէոդոսիոս, յաղագս ուղղափառ հաւատոյ, որ Ի Տէր մեր Յիսուս Քրիստոս:

22. Նորին Կիրոյի Աղեքսանդրոս առ բարեպաշտ թագաւորին Թէոփոսիոս, յեռ դառնալոյն Ի բնակութիւնս իրեանց եկեալքն Ի սուրբ ժողովոյն Եփեսոսի:

23. Երանելուն Կիրոյի եպիսկոպոսի Աղեքսանդրի թէ մի է Քրիստոս, զոր խնդրեաց Երեմիաս, ընդդէմ ամբարշտին Նեստորի:

24. Կիրոյի եպիսկոպոսապետի Աղեքսանդրի առ Սուկեստոս եպիսկ. Դիոմիդիքեայ քաղաքի Իսուրացոց զաւառի, թուղթ առաջին, թուղթ երկրորդ:

25. Կիրոյի եպիսկոպոսապետի Աղեքսանդրի առ Ակակիոս եպիսկ. Մաղատի-նեաց (Մելիտիան):

26. Կիրոյի եպիսկոպոսապետի Աղեքսանդրի պատասխանի թղթոյն առ Յովհաննէս եպիսկոպոս Անտիոքայ:

27. Վկայութիւնք յանդիմանութեան ամբարշտին Նեստորի:

28. Սիրելեաց և փառաբողաց Անատոսոս Մարտինիանեայ Յովհաննէս և այլոց ուղղափառ հարց միայնակեաց և որոց ընդ ձեզ միայնական ճգնին վարս, հաւատով Աստուծոյ սերտացելոյ Կիրոյի եպիսկոպոսի Ի Տէր խնդալ:

29. Մեկնութիւն հաւատոյն որ յընդհանրական եկեղեցիս միշտն ասի, զոր կարգեցին սուրբ հարքն Ի Նիկիացոց ժողովն:

30. Երանելուն Կիրոյի եպիսկոպոսին Աղեքսանդրի խոսք Ի սուրբ Աստուածածինն, ասացեալ Ի ժողովն Եփեսոսի ընդդէմ չարափառին Նեստորի:

31. Նորին Ի սուրբ Աստուածածինն և Ի միշտ կոյն Մարիամ ընդդէմ Նեստորի:

32. Սրբոյն Կիրոյի եպիսկոպոսի առ Նեստոր զի տայր մնա տեղի ապաշխարութեան, յառաջ քան զմերժիլն նորա յեպիսկոպոսութենէն չև ևս էր լինալ սուրբ Միմնոդոս, որ կամօքն Աստուծոյ ժողովեցան յԵփեսոս, թուղթ Կիրոյի առ Նեստոր⁵⁰:

33. Նորին Կիրոյի եպիսկոպոսի Աղեքսանդրացոց առ Նեստոր հայհոյիչ:

34. Երանելուն տեառն սրբոյն Կիրոյի եպիսկոպոսապետի Աղեքսանդրացոյ, զիրք որոյ անուն Գանձ է:

35. Աղօթք սրբոյն Կիրոյի Աղեքսանդրացոյ ասացեալ է վասն զղջման և սրտասուց⁵¹:

Երևանի ա. Մեսրոպ Մաշտոցի անվան ձեռագրերի Մատենադարանում էլ պահվում են ա. Կյուրեղ Աղեքսանդրացոյ մատենագրական վաստակն ամփոփող բազում ձեռագրեր⁵²:

Ս. Կյուրեղ Հայրապետի հայերեն տպագիր աշխատությունները

Կյուրեղ Աղեքսանդրացոյ մատենագրական վաստակի հայերեն առաջին տպագրությունը նրա մեծարժէք «Գիրք Պարապմանց» աշխատության հրատարակությունն

⁵⁰ Այս թղթին ապա կցված են Նեստորի դէմ Կյուրեղ Հայրապետի 12 նովքները:

⁵¹ Մատենադարան հայկական թարգմանութեանց հայանաչ, Վենետիկ, (դար ժ-ԺԳ), 1889, էջ 503—524:

⁵² Յուզակ ձեռագրաց Մաշտոցի անվան Մատենադարանի, Երևան, 1965, հատոր Ա, «Կյուրեղ Աղեքսանդրացի», էջ 1515, հատոր Բ, 1970, էջ 1342:

է, կատարված 1717 թվականին Կ. Պոլսում⁵³:

Կյուրեղ Ալեքսանդրացու սույն աշխատությունը, ինչպես նաև նրա հայերենի թարգմանված այլ գործերը հայ եկեղեցու դավանաբանական պատմության համար հանդիսացել են առաջնակարգ և շատ կարևոր աղբյուրներ: Հայ դավանաբանները միշտ և Կյուրեղի գրվածքները օգտագործել են իրենց հակաճառությունների մեջ, ուղղափառությունը պաշտպանելիս:

Հայ եկեղեցին միշտ էլ սերտ եկեղեցական, մատենագրական հարաբերությունների մեջ է եղել Ալեքսանդրիայի Աթոռի հետ: Այս իսկ պատճառով մեր թարգմանական գրականության մեջ շատ կարևոր տեղ են գրավում և մեծ թիվ են ներկայացնում Ալեքսանդրիայի Աթոռի ուղղափառ հայրապետների, այդ թվում մանավանդ և Աթուհասի և և Կյուրեղ Ալեքսանդրացու գործերի հայերեն թարգմանություններն ու տպագրությունները:

Կյուրեղ Ալեքսանդրացու «Գիրք Պարապմանց»-ը ըստ ձեռագիրների հիշատակարանների և Ստեփանոս արքեպ. Օրբելյանի (1260?—1304) վկայության, թարգմանվել է Կ. Պոլսում 715 թվականին. «Թարգմանեցան Գիրքս Պարապմանց և թղթոց սրբոյն Կիրդի եպիսկոպոսապետին Աղեքսանդրիայի, ի ստոյգ օրինակացն, ի Կոստանդինուպոլսի, ի ձեռն Դաթի հիւպատոսի և թագաւորական սեղանի կենտի և ի ձեռն Ստեփանոսի քերթողի՝ աշակերտի Մովսիսի Սիմեաց եպիսկոպոսի»⁵⁴:

Ըստ Օրբելյանի վկայության, Ստեփանոս Սյունեցին Կյուրեղ Ալեքսանդրացու «Գիրք Պարապմանց» և «Գանձք» աշխատությունները գտնում է Կ. Պոլսի արքայական մատենադարանում, ուղղափառ եկեղեցական հայրերի այլ երկերի հետ. «Եւ անդ գտեալ մատենսն ոսկետաւ սուրբ հարցն վասն ուղղափառ հաւատոյ» և ապա գնում է ձոռն «և գտանէ անդ այլ ևս երից մատենան» և թարգմանելով դրանք իր հետ բերում է Դվինի հայրապետանոց⁵⁵:

«Գիրք Պարապմանց»-ը տպագրվում է 1717-ին Կ. Պոլսում, Աստվածատուր Համադանցի (1715—1725) «Քահանայապետի և Ընդհանուր Հայոց Մեծաց կաթողիկոսի»

օրով և նրա հրամանով, «Տիրաշէն Աթոռոյն Էջմիածնայ» ողարկված ընտիր մի ձեռագրի հիման վրա: Մայր Աթոռից հայոց կաթողիկոսի կողմից ուղարկված տուփի մեջ եղել են Կյուրեղ Ալեքսանդրացու «գեորիս գրեանս, գԳանցոցն, գՊարապմանցն, և գԼուծումն նորին»⁵⁶:

Աստվածատուր կաթողիկոսը Մայր Աթոռից սույն երեք ձեռագրերը ուղարկում է Կ. Պոլսի Հովհաննես Կոյուն մեծանուն պատրիարքին (1715—1741) տպագրության համար, հետևյալ գեղեցիկ և բովանդակալից ընծայակաճով. «Եւ նրաստ ծառայս ի Քրիստոս, Տէր Աստուածատուր Հայոց Մեծաց կաթողիկոս, ի տիեզերանշակ Աթոռս սուրբ Էջմիածնի, դաւանակից գոյով վասն ամենայնի առ Կիրդոս Աստուածաբան Հայրն մեր երանելի, և առ սուրբ վարդապետն Գրիգոր Տաթևացի. կնքեալ հրաման արարի ըստամբել զսուրբ Գիրքս Գանձոց և Պարապմանց ընդ Լուծմանցս, որք առ ամենասուրբ Երրորդութիւնն և տնօրէնութիւնն Քրիստոսի Աստուածաբանէն, աստուածահաճոյ և ուղղափառ դաւանութեամբ»⁵⁷:

Տպագիր «Գիրք Պարապմանց»-ը, որը սովորական անվանաթերթ չունի, բացվում է «Պաղդասար դպրի» «Զայն սո Բաղձալին» ձևով, որին հաջորդում է, հավանաբար, նույն Պաղդասար դպրի «Աստուծով հանդերձ բանս առ վերծանողս բարեմիտ» բովանդակալից և հոգեբուխ Հառաչարանը՝ հետևյալ բառերով. «Զոր արար սուրբն Կիրեղ աչրն երանելի ընդդէմ մարդադաւան Նեստորի չարաբաստին թշուառի, յորում ցուցանի հաւատոյս, որ ի Տէր մեր Յիսուս Քրիստոս՝ ուղղափառութեանն սահման անսխալ»⁵⁸:

Այնուհետև գրքի 19—490 օջերում տպագրվել են Կյուրեղ Ալեքսանդրացու հետևյալ 44 ճառերը.

Գլուխ Ա. Թէ զինչ նշանակէ Քրիստոսը անուն.

Գլուխ Բ. Զինչ եղանակաւ պարտ է իմանալ Էմմանուէլ.

Գլուխ Գ. Զինչ է Յիսուս.

Գլուխ Դ. Ընդէ՞ր ասի մարդ՝ Բանն Աստուծոյ.

Գլուխ Ե. Ընդէ՞ր ասի ունայնացեալ Բանն Աստուած.

Գլուխ Զ. Զիա՞րդ մի է Քրիստոս.

Գլուխ Է. Զիա՞րդ մի էմմանուէլ.

⁵³ Հայ հնատիպ գրքի մատենագիտական ցանկ, 1512—1800, Երևան, 1963, էջ 78, Կյուրեղ Ալեքսանդրացի, Գիրք պարապմանց, Կ. Պոլիս, տպ. Աստվածատուր Կ. Պոլսեցի, ԸԾ (800) էջ:

⁵⁴ Մատենադարան, Երևան, էջ 519, նաև Մեսրոպ վարդ. Գրիգորյան, Ստեփանոս Սյունեցի, Բեյրութ, 1958, էջ 30—31:

⁵⁵ Նույնը, էջ 519—520:

⁵⁶ Հիշատակարան սույն գրքի տպագրության, էջ ԷԾԴԱ—ԷԾԴԲ (791—792):

⁵⁷ Հիշատակարան տպագրության, էջ ԷԾԴԲ (792):

⁵⁸ Հառաչարան, էջ Բ—ԺԲ:

Գլուխ Ը. Ձիա՞րդ ասեմք լինել զմիտքին.

Գլուխ Թ. Յաղագս կայծականն որ է յա-
րացոյց Քրիստոսի.

Գլուխ Ժ. Յերգս երգոց... ես ծաղկեալ
դաշտաց՝ շուշան հովտաց.

Գլուխ ԺԱ. Ձի թէն ի միատրութիւն ճըշ-
մարիտ եկեալ առ մարդկութիւնն, անշփոթ
մնացին գոյացութիւնքն.

Գլուխ ԺԲ. Ձի Աստուած գոյով Բանն,
եղև մարդ.

Գլուխ ԺԳ. Ձի Յիսուս Քրիստոս ասի
մարդ եղեալ Բանն Աստուծոյ.

Գլուխ ԺԴ. Յարացոյցք յԱստուածաշունչ
գրոց թէ եկաց մնաց յԱստուծոյ Բանն, և
յետ մարդանալոյն՝ Աստուած.

Գլուխ ԺԵ. Ի նոյն խորհուրդ.

Գլուխ ԺԶ. Այլ ի նոյն խորհուրդ.

Գլուխ ԺԷ. Ձի ոչ աստուածագգեստ մարդ
էր Քրիստոս, և ոչ ի մարդ բնակեցաւ Բանն
Աստուծոյ, այլ յաւետ զի եղև մարմին, այ-
սինքն կատարեալ մարդ ըստ գրոց.

Գլուխ ԺԸ. Խորհրդածութիւն վասն այսր.

Գլուխ ԺԹ. Բանք առաքելականք, որովք
Աստուած անուանի Քրիստոս.

Գլուխ Ի. Այլ՝ զի Աստուած է Քրիստոս.

Գլուխ ԻԱ. Ձիա՞րդ պարտ է իմանալ
զԲանն մարմին եղև և բնակեցաւ ի մեզ.

Գլուխ ԻԲ. Ձիա՞րդ իմացի Աստուածա-
ծին՝ կոյսն.

Գլուխ ԻԳ. Վկայութիւնք յաղագս Քրիս-
տոսի.

Գլուխ ԻԴ. Ձի Աստուած անուանի և
մարդ՝ երևեալ Միածինն.

Գլուխ ԻԵ. Յաղագս չարչարանացն Քրիս-
տոսի. Եւ թէ՛ պիտոյ է այլն այլ ի վերայ
միոյ անէ և նորին, և ոչ անջատել յերկուս.

Գլուխ ԻԶ. Առ այնոսիկ որք ասեն թէ
միայն վերաբերութեամբ վայելեն Աստուծոյ
մարդկօրէնքն.

Գլուխ ԻԷ. Թուղթ ի Տիբերեայ քահանա-
յէ և յեղբարցս առ Կիրիլ (վասն այլ և այլ
խնդրոց).

Գլուխ ԻԸ. Լուծմունք սրբոյն Կիրիլի
խնդրոցն Տիբերեայ.

Գլուխ ԻԹ. Թուղթ սրբոյն Կիրիլի առ բա-
րեպաշտ թագաւորն Թէոդոսիոս, յաղագս
սոցի սրբոյ Զատկին.

Գլուխ Լ. Թուղթ սրբոյն Կիրիլի առ բա-
րեպաշտ թագաւորին Եղովկիա, կին՝ Թէոդո-
սի բարեպաշտ թագաւորի.

Գլուխ ԼԱ. Յաղագս հնազանդութեան
Քրիստոսի.

Գլուխ ԼԲ. Յաղագս սրբելոյն Քրիստոսի
և նորին Բահանայութեանն իմացելոյ.

Գլուխ ԼԳ. Յաղագս ասելոյն փառս առ-
նոյ Տեառն մերոյ Յիսուսի Քրիստոսի.

Գլուխ ԼԴ. Յաղագս ասելոյն յառնել
Քրիստոսի ի մեռելոց փառօք Հօր.

Գլուխ ԼԵ. Յամօթ հակառակորդացն ա-
սացեալ.

Գլուխ ԼԶ. Թուղթ սրբոյն Կիրիլի առ միշտ
կուսանն՝ քորս ուղղափառ թագաւորին
Թէոդոսի, Արկադիա և Մարինա, և վկայու-
թիւնք սրբոց Հարցն:

Գլուխ ԼԷ. Թուղթ սրբոյն Կիրիլի, առ թա-
գաւորն Թէոդոս, Յաղագս ուղղափառ հա-
ւատոյ.

Գլուխ ԼԸ. Թուղթ սրբոյն Կիրիլի, առ թա-
գաւորն Թէոդոս, յետ դառնալոյ ի սուրբ
ժողովոյն (Եփեսոսի).

Գլուխ ԼԹ. Թուղթ սրբոյն Կիրիլի, թէ՛ մի՛
է Քրիստոս զոր խնդրեաց Երեսիսս ընդդէմ
Նեստորի.

Գլուխ Խ. Թուղթ (Ա.) սրբոյն Կիրիլի առ
Սեկունդոս, եպիսկոպոս Դեռնկերտայ քա-
ղաքի Սուրացոց գաւառի.

Գլուխ ԽԱ. Թուղթ (Բ.) Նորին Կիրիլի
առ Սեկունդոս եպիսկոպոս.

Գլուխ ԽԲ. Թուղթ սրբոյն Կիրիլի առ
Ակակիոս Մելիտինոյ եպիսկոպոսի, յորժամ
զեկոյց մնա թէ զհարդ գրեաց յարևելեայս.

Գլուխ ԽԳ. Թուղթ սրբոյն Կիրիլի, պա-
տաւսանի թղթոյն առ Յօհաննէս եպիսկո-
պոս Անտիոքոս մեծի, քանզի կամէր շահել
զսա, զի զՆեստորին խորհէր Յովհաննէս.

Գլուխ ԽԴ. Վկայութիւնք ի սրբոց Հարցն
եպիսկոպոսաց, զոր ժողովեաց ի յովսից
ճառից սուրբն Կիրիլ, առ ի յանդիմանու-
թիւն անբարշտութեանն Նեստորի.

Գլուխ ԽԵ. Թուղթ սրբոյն Կիրիլի, առ
Նեստոր, զի տալր մնա տեղի ապաշխա-
րութեան, յառաջ քան զմերժիւն նորա ե-
պիսկոպոսութենէն, զի չև ևս էր լեալ սուրբ
Միւնիստոսն որ կամօքն Աստուծոյ ժողովե-
ցաւ յԵփեսոս.

Գլուխ ԽԶ. Նորին Կիրիլի եպիսկոպոսի
Աղէքսանդրացոյ, առ Նեստոր հայհոյիչ,
ճառ ԺԲ ճշովից, և մեկնութիւն:

Այստեղ, 490-րդ էջում ավարտվում է Պա-
րապմանց գրքի բովանդակությունը. «Կա-
տարեցաւ Պարապմունքս Աստուծով» (էջ
490):

«Գիրք Պարապմանց»-ից հետո, 491—506
էջերում, տպագրվել է ս. Աթանասի թուղթը
կորնթացիների Եպիսկոսեմոն եպիսկոպոսին
ուղղյալ «Յաղագս ուղղափառ հաւատոյ», և
որին հաջորդում է «Ցանկ սրբոյ մատենիս»
և «Յիշատակարան» Խաչատուր վարդապե-
տի, «Գիրք Պարապմանց»-ի մեր եկեղեցու
և ուղղափառության համար ունեցած պատ-
մական մեծ նշանակության մասին, — «որ
յաղթակա՛նն է համայնից դիաշունչ հերձ-
ուածողացն դասոց, մանաւանդ՝ չարա-
հմարն Նեստորի և թիր իմաստն Եւտի-
քեայ, զորս քարամբք աստուածաշունչ կա-
պարճիւ հերքէ և ի բաց հանէ յեկեղեցոյս

գալիս որպէս զգալի ապականիչ և հոտին Բրիտանիայի և հաստատել զանազան և զանազան միատարրութիւն միոյ Որդուն Աստուծոյ Յիսուս Բրիտանիայի, Փրկչին մերոյ:

«Գիրք Պարապմանց»-ը գրվել է «ամենայն ընդհանրական առարկութեանց առ ի կարկունսն և ի պապականումն երկաթակաղաղութարարոյ փնտնոնաքատակ (բզեզ, միջատ) հերձուածողաց» և հանդիսացել է «շահ անշիջանելի, յաւեր լուսատու Հայց. եկեղեցւոյ, ճշմարտախոհ, ողորդաբան մերոյինն հաւատոյ»⁶⁰:

Գրքի 522—523 էջերում տպագրվել են Պարապման դպրի երկու ռուսաձևեր ձոնները Կյուրեղ Ալեքսանդրացուն նվիրված:

«Գիրք Պարապմանց»-ի 529—764 էջերում տպագրվել է ս. Գրիգոր Տաթևացու «Լուծմունք» ի Պարապմունս արքայն Կիրիլի» ընդարձակ և հմտալից մեկնությունը:

Տաթևացին նախ բացատրում է, թե Կյուրեղ Ալեքսանդրացու սույն աշխատությունն ինչու է կոչվում «Գիրք Պարապմանց»:

«Նախ քան զամենայն գիտելի է գիտ՞րո՞ւ է կոչի Գիրք Պարապման, վասնզի իրաքանչիւր հերձուածողաց ի տնօրէնութիւնն Բրիտանիայի՝ ամենայն բանիցն երանելի սուրբն Կիրիլ ի մատենիս՝ լի և անթերի ի պատասխանիս եղև պարապեալ, վասն այնորիկ սաի Գիրք Պարապմանց» (էջ 529):

Այնուհետև սույն հատորի 529—764 էջերում տպագրվել է ս. Կյուրեղ Հայրապետի «Պարապմանց գրքի» 44 հատերի վրա գրված ս. Գրիգոր Տաթևացու՝ «աշակերտի Յոհաննու Որոտնեցւոյ քաջ հոռտորի» «Լուծմունք»-ը, հոյակապ մի մեկնություն, աստվածաբանական - քրիստոսաբանական, մեկնողական, եկեղեցագիտական խոր գիտելիքներով և ուղղափառ վերլուծություններով հագեցած «ոչ ամենեին ընդ անկոխսն ընթացեալ ողի, այլ սակաւ ինչ հաւաքեալ ի քրտանց առաջնոց Հարցն և իր ինչ ի լուսատու բանից Լուսատուին մերոյ և գրականակէն իսկ յառաւանդուն շնորհաց»:

Տաթևացին «Գիրք Պարապմանց»-ի «Լուծմունք»-ը գրել է «ի պէտս բեմաբասացութեան և ի կարգս գրուցատրութեան» և «միայն զոսոյսափառ տեսութիւնն» ներկայացնելու մտահոգությամբ, «բազմաշխատ ամօք ընծայեցի զսա եկեղեցւոյս Հայաստանեայց»:

«Յիշատակարան տպեցման արքայ մատենիս»-ում կարդում ենք, որ «քրիստոսա-

նկար, լուսակառոյց, երկնահամդէս Աթոռոյն էջմիածնի, արհի և պանծալի վեհապետին և արքազան Քահանայապետին Տեսուն Աստուածատրոյ ընդհանուր Հայոց Մեծաց կաթողիկոսի» հրամանով է տպագրվել «Գիրք Պարապմանց»-ը:

Հայ եկեղեցւում ս. Աթանասից հետո միայն Կյուրեղ Ալեքսանդրացու գրվածքներն են կանոնական հեղինակություն ստացել:

Կյուրեղ Ալեքսանդրացու «Գիրք Պարապմանց»-ն ու «Գանձք» գրքերը շատ հարգի են եղել մեզանում, հաճախ արտագրվել են, ևսուցման և լուծմանց առարկա են դարձել⁶¹:

Մայր Աթոռի միաբան Կարապետ եպիսկոպոսի (Տեր-Մկրտչյան) «Կնիք հաւատոյ» ժողովածուի հրատարակության առթիւ իր գրած «Ներածություն»-ում նշում է, որ այդ ժողովածուում, «ս. Կյուրեղ Ալեքսանդրացու երկերից բաղված վկայությունները ամենից ընդարձակ տեղն են գրավում մեր ժողովածուի մէջ»⁶²:

Սույն ժողովածուում կան Կյուրեղ Ալեքսանդրացու բազում գործերից վկայություններ և ամբողջական աշխատություններ. «Ի սուրբ Երրորդութիւնն» (էջ 51), «Ի մեկնութենէ յեքրայեցոց թղթոյն» (էջ 156—167), «Ի մատենէն որ առ թագուհին» (էջ 170—177), Դուխաւու, Հովհաննու Ավետարաններից, Առաքելական և Ընդհանրական թղթերից հաստիւմ-մեկնություններ (էջ 177—205), «Ի Բանէն որ յաղագս ներմարդութեանն» (էջ 205—210), «Ի շրջանական թղթոյն, որ գՆետաորէ» (էջ 210—211), «Մեկնութիւն հաւատոյ, որ ՅԺԸ (318) Հայրապետացն» (էջ 211—229), «Երկուստասն նգովք» Նեաւորի դէմ, «Նգովք և մեկնութիւն» (էջ 229—241), «Ի զանձէն» (էջ 279—280), «Ի մատենէն որ առ թագուհին» (էջ 356), «Յեքրայեցոց գլխոյն» (էջ 364—366):

Կյուրեղ Ալեքսանդրացու մի այլ ընդարձակ աշխատություն «առ Նեաւոր գի տայր նմա տեղի ապաշխարութեան յառաջ քան զմերժիւն նորա, գի չև ևս էր լեալ սուրբ Միկնողոսն որ կամարն Աստուծոյ ժողովեցան յեփեսոս, թողք Կիրիլի առ Նեաւոր» տպագրվել է «Գիրք թղթոց»-ում⁶³:

«Կանոնք Կիրիլի Ալեքսանդրացւոյ» (գլուխք Ե) տպագրվել է «Կանոնագիրք հայոց»-ում (հատոր Բ, Երևան, 1971, աշ-

⁶⁰ Յիշատակարան արքայ մատենիս, Խաչատուր վարդապետ, էջ 515—516:

⁶¹ Նույնը, «Յիշատակարան լուծմանց», էջ 764—765:

⁶² Կնիք հաւատոյ, էջ LII:

⁶³ Նույնը:

⁶⁴ Գիրք թղթոց, Մատենագիտութիւն նախնաց, Թիֆլիս, 1901, էջ 369—406:

խատասիրությամբ Վազգեն Հակոբյանի, էջ 59—61, և «Ծանոթագրություններ», էջ 327, նաև «Հայոց եկեղեցու իրավունք», Ա. գիրք, Ծուշի, 1903, էջ 253):

Մեր եկեղեցին տարին երկու անգամ տոնում է հիշատակը ս. Կյուրեղ Ալեքսանդրացու: Առաջինը՝ հունվար ամսվա մեջ՝ ս. Աթանաս Հայրապետի հետ⁶⁴, իսկ երկրորդը՝ հոկտեմբերի մեջ՝ «Սրբոց երկոտասան վարդապետաց» տոնի առիթով⁶⁵:


⁶⁴ Օրացույց, ս. Էջմիածին, 1977, էջ 38:

⁶⁵ Նույնը, էջ 132:

Ս. Կյուրեղը եղել և մնում է Ալեքսանդրիայի Աթոռի և ընդհանուր քրիստոնեական եկեղեցու մեծահանձար և ամենից մեծ հեղինակություն վայելող հայրապետներից մեկը, մանավանդ «Եփեսոսի ժողովից հետո ոչ մի նոր ժողով և դավանական որոշում չընդունող մեր եկեղեցվո համար»⁶⁶:

Ա. ՀԱՏԻՏՅԱՆ

⁶⁶ Կնիք հաւատոյ, Կարապետ եպս. (Տեր-Սլըրտչյան), էջ LII:



ԱՌՈՂՆԻ...

Գրիգոր ԲԻԿԵՐՄԱՆ

Larghetto

S.

A.

T.

B.

ORGAN

f Maestoso

ԱՌ... ռ... ՆԻ ն... ռ... զի... f յա... ռ... թի... f հա... ռ... սի... Ն

f Maestoso

ԱՌ... ռ... ՆԻ ն... ռ... զի... f յա... ռ... թի... f հա... ռ... սի... Ն

f Maestoso

ԱՌ... ռ... ՆԻ ն... ռ... զի... f յա... ռ... թի... f հա... ռ... սի... Ն

f Maestoso

ԱՌ... ռ... ՆԻ ն... ռ... զի... f յա... ռ... թի... f հա... ռ... սի... Ն

f Maestoso

ԱՌ... ռ... ՆԻ ն... ռ... զի... f յա... ռ... թի... f հա... ռ... սի... Ն

f Maestoso

ԱՌ... ռ... ՆԻ ն... ռ... զի... f յա... ռ... թի... f հա... ռ... սի... Ն

* Սույն շարականի մշակման և դաշնակերպման նկեղենակը 'Նյու Յորքի հայոց ա. Վարդան Մալք տանարի երգչախմբի ղեկավարն է:

mp.

Գու...-un...-յ Գու...f u...-տ...-պի...f. Ե... ԲՏ Կե...-սայն

Գու...-un...-յ Գու...f u...-տ...-պի...f. Ե... ԲՏ Կե...-սայն

Գու...-un...-յ Գու...f u...-տ...-պի...f. Ե... ԲՏ Կե...-սայն

Գու...-un...-յ Գու...f u...-տ...-պի...f. Ե... ԲՏ Կե...-սայն

Գու...-un...-յ Գու...f u...-տ...-պի...f. Ե... ԲՏ Կե...-սայն

f

Գու...-un...-յ Գու...f u...-տ...-պի...f. Ե... ԲՏ Կե...-սայն

Գու...-un...-յ Գու...f u...-տ...-պի...f. Ե... ԲՏ Կե...-սայն

Գու...-un...-յ Գու...f u...-տ...-պի...f. Ե... ԲՏ Կե...-սայն

Գու...-un...-յ Գու...f u...-տ...-պի...f. Ե... ԲՏ Կե...-սայն

Գու...-un...-յ Գու...f u...-տ...-պի...f. Ե... ԲՏ Կե...-սայն

Handwritten musical score for a piece titled "ԷՋՄԻԱՄԻՆ" (Edjmina). The score is written on ten staves, with the first five staves representing the vocal parts and the last five staves representing the piano accompaniment. The music is in 2/4 time and features a key signature of one sharp (F#).

The vocal parts have lyrics in Armenian. The piano part includes dynamic markings such as *p*, *f*, *mp*, and *f*.

Lyrics (Armenian):

Ի... շ... քու... լու... քաւժ... Գժ
 Ի... շ... քու... լու... քաւժ... Գժ
 Ի... շ... քու... լու... քաւժ... Գժ
 Ի... շ... քու... լու... քաւժ... Գժ
 Ի... շ... քու... լու... քաւժ... Գժ

Lyrics (Armenian):

քու... ո... Բ... Ե... Ե... Ե... Ե...
 քու... ո... Բ... Ե... Ե... Ե... Ե...
 քու... ո... Բ... Ե... Ե... Ե... Ե...
 քու... ո... Բ... Ե... Ե... Ե... Ե...

Handwritten musical score for the first system, featuring five staves with vocal and instrumental parts in E major and 4/4 time. The lyrics are in Armenian.

Lyrics (Armenian):

Մի... տիր... զեւր տիր ին... յա... բու... զե... լու... յի

Սու... բուբ, տիր... զեւր տիր ին... յա... բու... զե... լու... յի

Սու... բուբ, տիր... զեւր տիր ին... յա... բու... զե... լու... յի

Սու... բուբ, տիր... զեւր տիր ին... յա... բու... զե... լու... յի

Handwritten musical score for the second system, continuing the composition with five staves. It includes a "rit." (ritardando) marking and concludes with a double bar line.

Lyrics (Armenian):

Կը... Կ... զե... զե... Կ... Կ... Կ... Կ... Կ... Կ... Կ...

Կը... Կ... զե... զե... Կ... Կ... Կ... Կ... Կ... Կ... Կ...

Կը... Կ... զե... զե... Կ... Կ... Կ... Կ... Կ... Կ... Կ...

Կը... Կ... զե... զե... Կ... Կ... Կ... Կ... Կ... Կ... Կ...



ԽԱՉԱՏՈՒՐ ԿԱՆԱՅԱՆ

ԷԶՄԻԱԾՆԻ ՆՎԻՐԱԿՈՒԹՅՈՒՆԸ ԺԸ ԴԱՐՈՒՄ*

Նվիրակությունը Սիմեոն Երևանցի կաթողիկոսի օրով (1768—1780)

Սիմեոն Երևանցի կաթողիկոսի օրով թե՛ արևմտյան, թե՛ արևելյան և թե՛ Ռուսաստանի հայկական տիրախմամ թեմերին նվիրակներ են ուղարկվում՝ ամրապնդելու համար հոգևոր-եկեղեցական կապերն այդ համայնքների և Մայր Աթոռի հետ ու ապահովելու նյութական անհրաժեշտ օժանդակություններ մայրավանքի շինարարական-վերանորոգչական կարիքների և Մայր Աթոռի բարեգարության և պայծառության համար:

Սիմեոն Երևանցին 1766 թվականի օգոստոսի 3-ի պաշտոնական գրությամբ դիմում է ռուսաց Եկատերինա կայսրուհուն, որ նա իր հովանու տակ սուրբ կայսրության մեջ ապրող հայերին: Այս առթիվ Հայոց կաթողիկոսը Դավիթ վարդապետի գլխավորությամբ պատգամավորություն է ուղարկում կայսրուհու մոտ և, «ի նշան հոգևոր սիրոյ», նրան ա. Կարապետի, ա. Հովհաննիսի, ա. Գևորգ զորավարի և Նոյան տապանից մատուցներ է նվիրում: Սիմեոն կաթողիկոսի ցանկությունը կայսրուհին կատարում է և իր կայսրության մեջ ապրող հայությանը մի հրովարտակով առնում է իր հովանավորության ներքո³⁰:

* Շարունակված «Էջմիածին» ամսագրի 1977 թվականի № Ռ Բ—Գ-ից:

³⁰ Մ. Մսերեանց, Պատմություն կաթողիկոսաց, Էջմիածին, էջ 161: «Զամբո», էջ 39—40:

Սիմեոն Երևանցին հատուկ ուշադրություն է դարձնում, որ Մայր Աթոռից ուղարկված նվիրակները լինեն հավատքի և գիտության մարդիկ՝ օժտված հոգևոր ու բարոյական բացառիկ բարեմասնություններով, արտաքինապես էլ ունենան վայելույշ դեմք, գեղեցիկ հասակ, որպեսզի կարենան պատկառանք ազդել ժողովրդի վրա: Նա ամենայն խտությամբ Մայր Աթոռի յուրաքանչյուր կույսիկի համար հաշիվ էր պահանջում նվիրակներից: Նա պատժում էր հանցավոր նվիրակներին, որպեսզի նվիրակությունն իր բարձրության վրա գտնվի միշտ հաշա ժողովրդի:

Նվիրակները Մայր Աթոռից մեկնելիս իրենց հետ տանում էին կնքված սրբալույս մեռոն, որպես անխարդախ, իսկական մեռոն ա. Էջմիածնի և որպես հոգևոր կապ ու շաղախ Մայր Աթոռի ու թեմերի միջև:

«Ամենայն ազգն մեր ցրուեալ են ընդ ամենայն իշխանութիւնս և ընդ ծագս տիեզերաց՝ հեռացեալք և տարակացեալք ի մեզ: Եւ զի սովորութիւն է մեզ ոչ մնալ առանց մեռոնի, զի այնու կատարին օրէնք մեր, վասնորոյ ամենայն ազգն մեր ուր և իցեն, և ընդ որով իշխանութեամբ և բնակիցեն, ի մեզ հային և մեզ կարօտին վասն սրբալույս մեռոնին, առանց որոյ կալ ոչ կարեն: Ուստի առաքեմք ամ ըստ ամէ գլխադասպետքս թղթով մերով և սրբալույս մեռոնսս առ հեռաւոր և մերձաւոր ազգս մեր, զի գմե-

ողնն բաշխեցեան ևնցա, և զկամաւոր տուրս ինչ առեալ ի ևնցունց բերեցին վասն մեր»։ Այնուհետև շարունակում է վեհը, որ նրանք՝ նվիրակները, իրենց շրջագայության միջոցին պատահում են պես-պես բռնավորների, որոնք, սակայն, ս. Աթոռի և կաթողիկոսի պատվի համար նվիրակներին չեն դիպչում։ Ապա հիշեցնում է, որ եթե նվիրակների վերաբերմամբ որևէ բռնություն նկատելի լինի, պարտավոր են իրեն դիմելու, թե մեր օրենքով և թե «ըստ թագաւորականացն հրամանաց»³¹։

Սիմեոն կաթողիկոսի «Հիշատակարանը», որ ընդամենը պարունակում է յուր մեջ մի քանի տարվա պատմություն—տալիս է մեզ այսչափ նվիրակների անուններ։ Անշուշտ նրա ժամանակվա նվիրակների թիվը այդ չափով չի սահմանափակվում. նա յուր կաթողիկոսության երկար տարիներում, անշուշտ, դեռ շատ ու շատ նվիրակներ է կարգել տարագիր հայության այս և այն կողմերում. միայն ափսոս որ աղբյուրները պակասում են տակավին երջանկահիշատակ կաթողիկոսի շրջանի նվիրակության պատկերը ամբողջացնելու և պարզ ու մեկին տեսնելու այն։

IV

Նվիրակությունը Ղուկաս կաթողիկոսի օրով (1780—1799)

Հանձնին Ղուկասի Սիմեոն Երևանցին ունեցավ յուր արժանավոր հաջորդը։ Սրա ժամանակն էլ փոթորկալի էր։ Ղուկաս կաթողիկոսը մի շատ լուսամիտ, ժամանակի րդությունն ըմբռնող անձնավորություն էր։ Նա լավ էր հասկանում մանավանդ ժամանակի քաղաքական կացությունը։ Այդ երեկում է նրա մի կոնդակից³², որ ուղղված է Մադրաս—Ծամիր աղային։ Կաթողիկոսին Ծամիրը գրել է հայոց երկրի ազատության մասին։ Սակայն, ինչպես երևում է, նա ծանոթ չի եղել երկրի դրության և պայմաններին։ Ղուկաս կաթողիկոսը գրում է նրան. «Բայց ահա ըստ մեծի մասին մատնեցեալ կան (հայք) ի խստութիւնս թշնամեաց անդորմից, որ հաւասարապէս ծառայելով ևս չկարեն զողորմութիւն գտանել, ո՞ր մնայ թէ զապստամբութիւն ցուցանիցեն, որ բնաւ ոչ իսկ կարեն։ Առ այս ասիցես թէ՛ հաճիք ընդ ծառայութիւն այլազգեաց և ոչ սիրէք զազատութիւն. բայց լինէր թէ՛ օրհնեալդ այժմ յայս կողմանքս գայիր և շրջագայէիր ի Զուղայու մինչև ցաւտ և յալ կողմանս՝ յոր գոն ազգ մեր. և ակամատես վերահա-

սութեամբ իմանայիր զկացութիւնս մերազնեից և զանօգնականութիւն և զբռնութիւն իշխողացն, և ինքնին կնքէիր թէ՛ այս գիրմանցս յառաջանալ ոչ լինի. ապա թէ հնարաւոր իցէ յառաջանալն, մի՞թէ յիմար իցեմք, որ ի տառապանաց զերծանիլ չկամեցիմք։ Զկունք որսացեալք ի ցանցս և թոշունք ըմբռնեալք ի վարմս ջանան զերծանիլ, ապա ո՞րքան ևս առաւել բանականքն բաղձամբ ազատութեան. սակայն զի այժմուս կարի դժուարին է առ մեզ և վտանգաւոր յոյժ, վասնորոյ երկուց չարեաց զփոքրն ընտրել տխուր է։ Եւ հաստատապէս իմա, որ ոչ ի հիսիսական տէրութեանն և ոչ յայլոց մեզ այցելութիւն կարէ լինել այժմ, բաց յԱստուծոյ։ Այսպէս Հայոց Հայրապետը շեշտում էր նվիրակների գործունեության մեծ նշանակությունը։ Նա շատ լավ հասկանում էր եկեղեցական այդ գործունի ուժը և նրա բարոյական կրթիչ կողմը։ Հայկական ցրված հատվածների մեջ բարոյական միություն հաստատելու և նրանց սիրտը Մայր Աթոռի հետ կապելու համար անհրաժեշտ են կարող և գիտնական նվիրակներ։ Ղուկաս կաթողիկոսը, գլխավորաբար կրթիչ կողմը նկատի ունենալով ջոկում, ընտրում էր ս. Էջմիածնի միաբաններից ավելի բանիմացներին ու յուրջ մարդունց նվիրակության համար՝ այնպես որ համարյա Էջմիածնում կրթված հոգևորական չի մնում, որ նա չուղարկե այդ պաշտոնով տարագրված հայության մեջ։ 1791 թ. Հնդկաստանի նվիրակ Եփրեմին նամակ գրելիս Ղուկաս կաթողիկոսը հիշում է, որ ահա «այժմ գրեթէ իսպառ գուրկ կամք ի խորհրդական մարդոց և անմխիթար յամենայնի», ուստի և գրում է, որ շտապի գա ի մխիթարություն և ի հանգստություն յուր³³։ Երջանկահիշատակ կաթողիկոսի այդ վարմունքը շատերը սխալմամբ այլ կերպ են բացատրում, թե նա հեռացնում էր հասկացող, բանիմաց անձանց, որպեսզի ինքն ազատությամբ կառավարե, ինչպես կկամենար։ Այս կարծիքի շեղմ պաշտպան է Մսեր Մսերյանց, որ յուր պատմության մեջ այսպես է ասում. «Բայց կամեցեալ յանկանկաժս վարել զհրն իշխանութիւն, եղ ի մտի ի բաց հեռացուցանել լէջմիածնէ զխոհեմագոյն և զբանագէտ անձինս»³⁴։

Ղուկաս կաթողիկոսը յուր մահվանից հետո թողնում է մեծ հարստություն Էջմիածնի զանապարհում, մոտավորապես 100.000 թուման պարսից դրամ³⁵։ Այդ հա-

³¹ «Դիւան», Գ, էջ 172, 174—175։

³² «Դիւան», Ա—Բ, էջ 17—18։

³³ «Դիւան», Դ, էջ 580։

³⁴ Մսերեանց, Պատմութիւն կաթող. Էջմիածնի, էջ 9։

³⁵ «Արարատ», 1875 թ., Գալուստ Ծիրմազանյան։

ընտանիքումն անշուշտ նվիրակության միջոցով էր դիզել Էջմիածնի բարեգարությունը համար: Մյուս կողմից երբ նա բանինաց վարդապետներին էր ուղարկում նվիրակության համար զանազան կողմեր, ոչ թե այն պատճառով էր, որ գիտուն վարդապետները կգրավեին ժողովրդի սիրտը շատ արդյունքներ դիզելու համար, — ինչպես այդ կարծում է Մսերյանց, և յուր պատմության շարունակության մեջ գրում. «... ուստի զորս մի անգամ ի միաբանից Աթոռոյն տեսանէր աշարարջս և բանագէտս և փոքր ի շատէ գրոց տեղեակս լեպիսկոպոսաց կամ ի վարդապետաց, առաքէր գնուս ի հետաւոր քաղաքս նուիրակս, առաջնորդս և ժողովարարս, որպէս զի քարգութեամբ իրեանց գրաւեալ զսիրտս ջերմեանն ժողովրդոց, լիովի քաղեացեն ի նոցունց գտորս նուիրակաց և հարստացուցեն զԱթոռն: Որ Ղուկասն առաւել սրտեք զանձեւոյ, այսինքն՝ ժողովրդի սրտերը Էջմիածնի հետ կապելու համար էր այսպիսի նվիրակներ ուղարկում՝ այդ երեւում է նրա մի կոնդակում ասած հետեւյալ խոսքերից, կոնդակ, որ ուղղում է Ղուկի մի ամիրայի. «...Սրբազան հայրապետացն մերոց նախանձեղոց՝ միշտ այն է լեալ նուիրակացն սրբոյ Աթոռոյն պատուէր, զի ընդ ամենեւեան սիրով վարիցեն, ընդ առաջնորդ և ընդ նուիրակունս, տալով պատիւս ըստ իրաքանչիւր արժանեաց, մի երբեք գտիթս ինչ զայրակողութեան տացեն միամտաց. մանաւանդ զսիրտս ժողովրդոց առանց ջանալ զանձեղ սրբոյ Աթոռոյն, քան զբազմութիւն արդեանց»: Այս զաղարիարի հետևող և ջերմ պաշտպանն է ինքը: Առհասարակ ուսումնական մարդկանց նվիրակ ուղարկել ձգտումը երևում է նրա թղթերից (Դիւան հայոց պատմութեան, Դ.): 1791 թ. Հնդկաստանի նվիրակ Նիքոն վարդապետին նամակ գրելիս Ղուկաս կաթողիկոսը հիշում է, որ ահա «այժմ գրեթէ իսպառ գորկ կամք ի խորհրդական մարդոց և անմխիթար լամենայնի», ուստի և գրում է, որ շտապի զա ի մխիթարություն և հանգստություն յոր³⁶: Այս ևս մի ապացույց է, որ գիտուններին իրենցից հեռացնելով՝ անմխիթար է համարում իրեն:

Ղուկասը մեր այն կաթողիկոսներից էր, որ ամենքից առավել լավ ըմբռնեց նվիրակության քարոյական, հոգևոր նշանակությունը:

Ղուկաս կաթողիկոսը յուր զանազակության ողջ 20 տարիների գործունեության ընթացքում նվիրակներ է ուղարկել զավտները:

³⁶ «Դիւան», Դ, էջ 530:

Ռուսաստանի, հաճախ նաև Հաշտարխանի նվիրակ հիշվում է Հովսեփ արքեպիսկոպոս Արդուրյանը: Ծագագույն նվիրակ և առաջնորդ Հովսեփ վարդապետ «արհի եպիսկոպոսը» նշանակված է եղել նվիրակության և առաջնորդության պաշտոնում Միսեոն կաթողիկոսի ժամանակվանից, իսկ Ղուկասը վերահաստատում է նրան նույն պաշտոնների մեջ 1780 թ. հոկտեմբերին³⁷: Այսպիսով Ղուկաս կաթողիկոսը պարտք է համարում հիշեցնել Մոզդոքի «կոմենդատ ավոկովնիկ Ալեքսանդր Ֆրոդորովիչ Իվանովին, որ կայսրուհու հրամանը գործադրե. այն հրամանը, որի հիման վրա նա ոչ մի «ի կարգադրաց ազգիս մերոյ» չպիտի թույլ տար մտնել ռուսաց աահմանը առանց կաթողիկոսի «կարմրակնիք թղթի». խնդրում է սեր և հարգանք ցույց տալ դեպի հայոց ազգն ու դեպի Հովսեփ նվիրակը³⁸:

1792 թ. երկրորդ կեսից Հովսեփ Արդուրյանի՝ կաթողիկոսին գրած թղթերից իմանում ենք, որ նվիրակը ձեռնարկել է Գրիգորուպոլ քաղաքի շինության և հիմնարկության հանդեսն էլ արդեն կատարել է: Հետո՝ նա ուղարկել է Էջմիածին գրքեր— 50 օրինակ վիպասանություն, 50 օրինակ աղոթամատուց, 50 օրինակ տետրակ՝ «Դուռն ողորմութեան» և 50 օրինակ օրացույց:

Որ նվիրակներն իրենց գործունեության շրջանում ենթարկվում են ամեն տեսակ նեղությունների և չարչարանքների, արդեն հայտնի է. ահա և Կարնո նվիրակ Ներսես վարդապետին և վերջի զանձապետ Հայրապետին Կարնի մաքսապետը բռնել քանոն է դրել ու կամեցում է նրանցից խլել Մայր Աթոռի արդյունքը, ժողոված նվերները, աստուածաբանելով, թե արդեն կաթողիկոսը (Միսեոն) վախճանվել է, ուրեմն և նրանց մոտ եղած արդյունքներն հարբուհիս պետք է գրավվեն: Այս երբ լսում է Ղուկաս կաթողիկոսը՝ դիմում է մի գրությանը (1780 թ. օգոստոս) անմիջապես Կարնո ժողովրդին՝ միջնորդելու այդ ապօրինի վարմունքի համար և ազատելու քանոնից նվիրակին ու զանձապետին. նրանք պետք է հասկացնեն փաշային, որ այդ արդյունքը ոչ թե կաթողիկոսին է պատկանում, այլ ամբողջ Մայր Աթոռին և որ նման դեպք բնավ չի պատահել յուր նախորդների ժամանակ³⁹:

Ձյուռնիայի նախկին նվիրակ Փիլիպպոս վարդապետի տեղ կարգվում է Եսայի վարդապետ, որի մասին հայտնվում է ժողովրդ-

³⁷ «Դիւան», Դ, էջ 52:

³⁸ «Դիւան», Դ, էջ 70:

³⁹ «Դիւան», Դ, էջ 112—114:

դին 1782 թ. նոյեմբերին, որ նրան լսեն և իրենց կամավոր տուրքն առատությամբ տան Մայր Աթոռին⁴⁰:

Գաղատիայում նվիրակ է Հովհաննես վարդապետ, որի հաշիվը տեսնում է Վեհի հրամանով Կ. Պոլսում Մինաս ծայրագույն նվիրակը պատրիարքի հետ միասին⁴¹:

Ուտումելիում հիշվում են՝ Մեսրոպ, Զուդայեցի Ստեփան և 1794 թ. Գրիգոր վարդապետներն իբրև նվիրակներ⁴²:

Վանում՝ Հակոբ, Աստվածատուր, Մարտիրոս նվիրակներ:

Անկյուրիայում՝ Հովհաննես, Արապկիրցի Հարություն վարդապետներ⁴³:

Տիգրանակերտի (Ամիթ) նվիրակ է Վարդան վարդապետ, որը, սակայն, գործը չվերջացրած վախճանվում է, իսկ նրա մնացած գործն ավարտում է նրա օգնական Աբրահամ վարդապետ⁴⁴:

Բաղդատում 1796 թվին հիշվում է նվիրակ Հակոբ վարդապետ:

Հնդկաստանում նվիրակ է Եփրեմ վարդապետ, որին Վեհի 1791 թվին նամակ է գրում, որ 3 տարի է ինչ նրանից նամակ չունի, պատվիրում է շտապել գալու⁴⁵:

Թիֆլիսի առաջնորդ Կարապետ արքեպիսկոպոսը 1781 թ. նշանակվում է և նվիրակ⁴⁶:

Երջանկահիշատակ Ղուկաս կաթողիկոսի հրամանով Արևմտյան Հայաստան է գնում նվիրակության պաշտոնով ժամանակի ակամավոր աստվածաբան Գրիգորիս արքեպիսկոպոսը. «Եւ համբաւ իմաստութեան և շնորհալոյս վարդապետութեան նորա հռչակեալ տարածեցաւ ի մէջ քաղաքիս և յամենայն ուրեք և եհաս յունկս ի Վենետիկ վարժեցեալ կարդացողաց՝ աստ գտանեցելոց՝ որք ծպտեալ կերպարանօք եկեալ լեկեղեցին մեր առ ի լսել զհոգեկի բանս նորին»: Այնուհետև նա կոչվում է «նորայայտ Ծնորհալի» և «երկրորդ Նարեկացի հրեշտակական վարդապետ»⁴⁷:

Այսպես նվիրակությունը ծագում է ԺԵ դարու կեսերից, ծաղկում և յուր զարգացման քարձր աստիճանին է հասնում 18-րդ դարում. իսկ այնուհետև Ղուկաս կաթողի-

կոսից սկսած հետզհետե նվիրակության գործը թուլանում է և մինչև Եփրեմ կաթողիկոս գրեթե վերջ է տրվում նվիրակության:

Նվիրակության նախկին գործունեությունից և փորձերից Եփրեմի ժամանակ կազմվում է նվիրակության վերաբերյալ մի կանոնադրություն, որով որոշվում է նվիրակների դերը և նվիրակության գործունեությունը: Այդ կանոնադրությունը բաղկացած է 18 հոդվածներից, որոնցից առաջին 6-ը նվիրակությանն է վերաբերում, իսկ վերջին 12-ը նվիրակներին⁴⁸: Նվիրակության այս կանոնադրությունը մնաց առանց գործադրության, որովհետև Եփրեմ կաթողիկոսից հետո քաղաքական թե ներքին և թե արտաքին կնճռոտ հանգամանքները չույլ չտվին նվիրակության գործունեության շարունակության:

Թեպետ Եփրեմի հաջորդ կաթողիկոսների ժամանակներում էլ մերթ-մերթ նվիրակներ են ուղարկված այլ և այլ վայրեր, սակայն, նրանց դերը հետզհետե փոխվել է և չի ունեցել յուր առաջվան նշանակությունը:

Նվիրակները դուրս էին գալիս ս. Էջմիածնից ոգևորված իրենց կոչումով, զինված հայկական գիտությամբ, լցված ազգային ոգով— ու մտնում էին ժողովրդի մեջ, ազնիվ ու անկեղծ խոսքի կարոտ, լույսի ու հույսի ակնկալող մեր խավար անկյունները սիռելով իրենց շուրջը՝ հավատ, հույս, սեր: Նվիրակները հանդիսանում էին հայոց եկեղեցու առաքյալները՝ Ավետարանի ճշմարտությունների քարոզիչները:

Հետևյալ կանոնադրության մեջ սահմանվել էին նվիրակների պաշտոնն ու կոչումը:

Ա. Գերագահ ս. Էջմիածնի—Մայր Աթոռի նվիրակի պաշտոնն է յուր նվիրակության շրջանում ուսուցանել, պահել Փրկչի վարդապետությունը և Հայաստանյայց լուսավորիչների կանոնները:

Բ. Նվիրակները փոխանորդ են կաթողիկոսին և պետք է տեղեկանան հավատացյալներից յուրաքանչյուրի, մեծի և փոքրի, հարստի և աղքատի, հոգևորականի և աշխարհականի մարմնավոր և հոգևոր հանգամանքներին, շեղվածներին ուղղության բերեն, խրատեն իբրև հայր և եղբայր կարեկցությամբ և մաքուր վշտակցությամբ: Նրանք պարտական են քահանայից մասին տեղեկանալու, թե զգա՞ստ են, արթո՞ւն են իրենց պաշտոնին, հսկում խոստովանության և հաղորդության վրա և չե՞ն թույլ տալիս, որ հավատացյալները մոլորության

⁴⁰ «Դիւան», Դ, էջ 471:

⁴¹ «Դիւան», Դ, էջ 286:

⁴² «Դիւան», Դ, էջ 98, 480, 686:

⁴³ «Դիւան», Դ, էջ 457, 458:

⁴⁴ «Դիւան», Դ, էջ 586:

⁴⁵ «Դիւան», Դ, էջ 528:

⁴⁶ «Դիւան», Դ, էջ 377, 400:

⁴⁷ Մի ձեռագիր տաղարանից. «Արձագանք», 1888 թ., № 2, էջ 22:

⁴⁸ «Դիւան», Գ, ծանոթ. 3, էջ 707—724: Տեսնել «Հավելվածը»:

մեջ մեռնեն: Նվիրակները պիտի հսկեն նաև քահանայից և առաջնորդաց վրա, որ նրանք ժողովրդի հետ համաձայն օրհնավարվին և չմեղեն:

4. Նվիրակների պաշտոնն է «պատմել ամենեցուն, որք հարցանին ծնողասիրաբար գողջութեն և գշիւնութեն մօրն լուսոյ, սրբոյ կաթողիկէ Էջմիածնի» և ծանոթացնել և Էջմիածնի վիճակի հետ և բաժանել և սյուրոնն:

Դ. Նվիրակի պաշտոնն է շնորհակալութեամբ և օրհնությամբ ընդունել նվերներն և ընծաներն, որ ջերմեռանդությամբ կտրվեն հաճուն և Էջմիածնի և նվիրակին:

Ե. Նվիրակների պարտքն է հաճուն և Էջմիածնի տրված նվերներն ստանալ, պահպանել զգուշությամբ և տեղ հասցնել համաձայն նվիրողների դիտավորությանց:

Զ. Նվիրակների պաշտոնն է ճանաչել իրենց ժողովուրդն և իրենց անձն և ամենայն անգամ պատշաճավոր տնօրենություններ անել, որպէսզի անկարգությունները բարձրեն: Այս նպատակի համար պատվիրվում է նվիրակներին հեռու մնալ հպարտությունից, բարկությունից, տիրաբար ճոխանալուց, շահասիրությունից:

Այս նպատակներին հասնելու համար 12 այլ կանոններ են սահմանված.

1. Նվիրակներն իբրև կաթողիկոսի ներկայացուցիչ պիտի պահեն իրենց, պիտի զգուշանան անվայել քայլ անելուց և բառ արտասանելուց:

2. Անխափան եկեղեցի պիտի գնան և պիտի չծուլանան: Մինչև իսկ իրենց մարմնո կարիքները մոռանալով՝ նրանք պիտի մասնակցեն ժամերգությանց և ամենայն տեղ պիտի քարոզեն:

3. Նվիրակների աչքը միշտ դեպի Մայր Աթոռը պիտի լինի ուղղված: Նրանք Մայր Աթոռի օգուտը պիտի մտածեն և թեպէտ Յ տարի է նվիրակության շրջանը, պիտի աշխատեն գործերը շուտով ավարտել և դառնալ և Էջմիածին, չծանրանան խեղճ ժողովրդի վրա:

4. Նվիրակները պիտի խուսափեն չափազանցությունից և ամեն անգամ ժողովրդի օգուտը պիտի մտածեն, որ չծանրաբեռնվի նա:

5. Պատվիրվում է նվիրակներին չափավոր լինեն իրենց զգեստների և կերակրի մեջ, այլ և զգուշանալ ազահությունից և ժաւտությունից:

6. Նվիրակները պիտի տուրքերը խոհեմությամբ ժողովեն ամենայն տեղ, իրենց օժանդակ առնեն երկու խոհեմ քահանա և երկու հարգված աշխարհական, որոնք պիտի որոշեն յուրաքանչյուրի մասն ու հավաքեն: Ընդ մին արգելված է բարկություն և անեծք:

7. Նվիրակներն ամեն մի տեսակ նվերների համար մանրամասն հաշիվ պիտի տան քահանայապետին:

8. Նվիրակները պիտի հսկեն և Էջմիածնի և այլ զանձանակների և զանձապահների վրա:

9. Իրավունք չի տրվում այլ Աթոռների զանձանակներին ձեռնամուխ լինելու:


10. Արգելվում է նվիրակ եպիսկոպոսներին միճակներում ձեռնադրություն անել, որովհետև այդ իրավունքը առաջնորդներին է: Նվիրակներն իրավունք ունեն ձեռնադրելու միայն իրենց հատուկ սպասարկող տարկավագներին: Իսկ եթե առաջնորդի համաձայնությունը լինի, պէտք է ձեռնադրեն և վիճակի համար հոգևորականներ և այն խիստ քննությամբ:

11. Նվիրակներն իրավունք չունեն դատաստան կտրել առանց խորհրդակից քահանաների, իշխանների և երևելիների:

12. Պատվիրվում է նվիրակներին, որ քաղաքավարությամբ և աչալուրջ կերպով վարվեն առաջնորդների և և. Երուսաղեմի նվիրակների հետ, իսկ եթե իրենց հորդորներին չլսեն զանցառուները, այդ մասին հայտնեն կաթողիկոսին և պատրիարքին⁴⁹:

⁴⁹ «Արարատ», 1896 թ., մայիս, էջ 230—231:





Ա. Ն. ԾԱՀԻՆՅԱՆ

ՄԻՋՆԱԴԱՐՅԱՆ ՆՈՐԱՀԱՅՏ ՀՈՒՇԱՐՁԱՆՆԵՐ

Գուգարաց աշխարհի Կողբուիոր և Ջորուիոր գավառները (Սովետական Հայաստանի Նոյեմբերյանի, Թումանյանի և Իջևիվանի շրջաններ) հանդիսացել են Հայաստանի միջնադարյան նյութական մշակույթի ուրույն մի շրջան:

Կողբուիորի հուշարձաններից ուշագրավ է վերջերս դաշտային աշխատանքների միջոցին մեր կողմից հայտնաբերված գողտրիկ խաչքարի այն բեկորը, որն այժմ պահվում է Սանահինի վանքի թանգարանում: Այն կերտվել է ֆիլիզիտից: 1071 թվակիր այս խաչքարի քանդակները հար և նման են Կողբի քառակող կոթողների քանդակներին (նկար 1) և իր թվագրությամբ ու հատկապես զարդաքանդակներով ելակետային կռվան կարող է հանդիսանալ վերջիններիս ժամանակագրությունը ճշտելու համար: Խաչքարի պահպանված արձանագրությունը հետևյալն է.

Ի:Ծ:ԵԻ: Ի: [Թուխս կանգնեցի զխ]

աչս Յո

[Գրի]գորի ք[ահանաի]....:


Նոյեմբերյանի շրջանում ցարդ գրանցված են շուրջ երեք տասնյակ միջնադարյան հուշարձաններ: Դրանցից ուշադրության արժանի են՝ Բաղանիս գյուղի 4—5-րդ դդ. միանավ բազիլիկան, Ոսկեպարի 7-րդ դ. կենտրոնազմբեթ տաճարը, Կողբի հայտնի Մշակավանքի համալիրը, Ղալաչա գյուղի միջնադարյան ամրոցը և այլ բազմաթիվ գեղաքանդակ կոթողներն ու խաչքարերը: Ահա և այս ամենին վերջերս ավելացավ ևս չորսը:

Նորահայտ հուշարձանախումբը գտնվում է Նոյեմբերյանից 28 կմ դեպի հարավ-արե-



Նկ. 1. Կողբ. խաչքար (1071 թ.)

վելք Ջուխտագեղի հնավայրում: Այստեղ, Գյոգդաղի անտառապատ և ընդարձակ քաղաքում՝ հյուսիսից հարավ գրեթե մույն շարքի վրա, իրար մոտիկ կանգնած են չորս կանգուն հուշարձաններ՝ որոնցից երեքը եկեղեցիներ են, իսկ չորրորդը՝ քավարան կոչվող յուրահատուկ, գողտիկ մի կառույց (նկար 2): Տեղի բնակիչները հուշարձանախումբը երկու զույգ լինելու պատճառով կոչում են Ջուխտագեղի (Ջուխտ-ագեղի): Բոլորն էլ թաղական են, շարված կիսա-



Նկ. 2. Զոխտագեղցու I և II եկեղեցիները

տաշ բազալտով ու կրաշաղախով, ընդ որում դրանց մուտքերի, թաղերի ու քիվերի հիմնական մասերը շարված են սրբատաշ բազալտով: Օգտագործված է նաև ֆիլզիտը:

Հուշարձաններից առաջինը՝ թաղակապ ծածկով, ոչ մեծ չափսերի եկեղեցի է: Մուտքը արևմուտքից է, անունը՝ սուրբ Կարապետ: Վերջինս նշված է հուշարձանի արևմտյան ճակատին, քիվի հյուսիս-արևմտյան ակունքարի վրա (նկար 3): Հինգտողանի նվիրատվական այս արձանագրության մեջ ասված է հետևյալը.

«.....ի սուրբ Կարապետս եւ միաբանքս էտուն մեզ ի հոգոյն Գալլստեն Ա: (=1) սար պատարագ»:

Նույն տաճարի հյուսիսային կողմում դարձյալ քիվի վրա պահպանվել է նվիրատրվական մեկ այլ՝ երկտողանի արձանագրություն¹:

Ս. Կարապետ եկեղեցու առջևում, կարմրավուն քարից ընկած ու ջարդված թևավոր մի խաչի վրա պահպանվել է Աթաբեկ Սադունի անվամբ թեև թերի, բայց ուշագրավ մի հիշատակագրություն (նկար 4):

¹ Հարմարություն և անհրաժեշտ լուսավորություն չլինելու պատճառով հնարավոր չեղավ արձանագրությունն ամբողջությամբ վերձանել:



Նկ. 3. Ս. Կարապետ եկեղեցի (XII—XIII դդ.) արձանագրություն քիվի վրա



Նկ. 4. Թևադոր խաչարձան

Կոթողի նախնական տեղն անհայտ է, բայց անկասկած է, որ այն ժամանակին կանգնած է եղել առանձին պատվանդանի վրա: Խաչարձանի հիշատակարանից պարզվում է, որ Ականջակաղնեցու թոռ՝ Հասանը՝ և իր կին Խոշաքը՝ կանգնեցրել են հիշյալ խաչարձանը, ընծաներ նվիրել եկեղեցիներից մեկն ու մեկին խնդրելով Վարդավառի տոնին պատարագի մատուցում՝ ի հիշատակ իրենց ճնշեցյալների:

Արձանագրության մեջ մասնավորապես ասված է (նկար 4)։

Թվ(ին) 2ԻԵ (=1276) եւ իշխանութե(ան) Սադունին, եւ Հ[ա]սան, թոռն Ականջակաղնեցի եւ ամուսին իմ Խոշաք, դուստր ——— ա կանկնեցաք զ[ա]յս եւ ——— ընծայիք ——— իս եւ եղբարքս Ս[ա]հ[ա]կ ——— [ի տ]անի վ(ա)րդավ(ա)ռին ———:

Արդ, ո՞վ է Ականջակաղնեցու թոռ Հասանն ու իր կին Խոշաքը՝ դժվարանում ենք ասել: Համեմատելուսն արանք 13-րդ դ. 70-ական թթ. ունենալով խալի ներկայացուցիչներ են: Կարևոր է նաև այն, որ այստեղ Սադուն Արծրունին հիշատակված է առանց «աթաբեկ» տիտղոսի:

Անգամ եթե արձանագրությունը թվագրված չլիներ, սակայն դժվար չէր լինի կոստել, որ արանք 13-րդ դ. 70—80-ական թթ. գործիչներ են՝ քանի որ այն փորագրված է Աթաբեկ Սադունի իշխանության օրոք: Ինչպես հայտնի է, վերջինս Հայաստանում Աթաբեկ էր դարձել 1270 թ. սկզբից մինչև 80-ական թթ. սկիզբը: Աթաբեկ Սադունի մահվան ժամանակագրության հարցում ուսումնասիրողների մոտ որոշ տարակարծություններ կան²: Այսպես օրինակ՝ Գարեգին արքեպս. Հովսեփյանի կարծիքով Սադուն Արծրունին Աթաբեկ է եղել 1270—1284/5 թթ.³, Ս. Ավագյանի ելթադրությամբ՝ 1270—1281/3 թթ.⁴: Վրաստանի պատմության համաձայն՝ աթաբեկ Սադունը մահացել է 1281 թվին⁵: Սամվել Անեցին Սադունի մահը նշանակում է 1285 թ.⁶, Ստ. Օրբելյանը՝ 1282 թ.⁷, իսկ Մխ. Այրիվանեցին՝ 1281 թվից հետո⁸: Պրոֆեսոր Կ. Ղաֆադարյանը Հաղթատավանքում թաղված նույն այս Սադուն Արծրունու տապանագիր-հիշատակագրությունը թվագրում է 1282 և 1285 թվերով⁹: Նորադուրի կառուցված թվագրությամբ վիմագիր մի հիշատակարանում Սադուն Արծրունու Աթաբեկ անվանումը՝ ակադեմիկոս Աշոտ Հովհաննիսյանը բացատրում է վրաց արքունիքում նրա ունեցած խնամակալական հանգամանքներով անվերապահ ընդունելով Մ. Մմբատյանցի հիշյալ արձանագրության 2Է (=1258) թվագրումը¹⁰: Այնինչ հմուտ վիմագրագետ Ս. Բարխուդարյանի իրավացի եկթադրությամբ վերոհիշյալ արձանագրու-

² Նույնիսկ Սադունի աթաբեկ դառնալու ժամանակի սկզբի հարցը ևս վերջնականապես լուծված չէ:

³ Գարեգին արքեպս. Հովսեփյան, Խաղթավանք կամ Պոռչյանք Հայոց պատմության մեջ, Բ՝ հրատարակություն, Անթիլիսի-Լիբանան, 1969 թ., էջ 70, 280:

⁴ Ս. Ավագյան, Վիմագրական սրբագրումներ, Պատմա-բանասիրական հանդես, 1967 թ., № 2—3, էջ 279:

⁵ Н. А. Бердзинишвили и др. История Грузии, Тбилиси, 1962, стр. 246.


⁶ Սամվել Անեցի, Հաւաքմունք ի գրոց պատմագրաց, Վաղարշապատ, 1893, էջ 118:

⁷ Ստ. Օրբելյան, ժամանակագրութիւն, Երևան, 1942, էջ 28:

⁸ Մխիթարայ Այրիվանեցու պատմութիւն հայոց, Մոսկովա, 1860, էջ 68:

⁹ Կ. Ղաֆադարյան, Հաղթատ, էջ 189:

¹⁰ Աշոտ Հովհաննիսյան, Դրվագներ հայ ազատագրական մտքի պատմության, գիրք առաջին, Երևան, 1957, էջ 213:



Նկ. 5. Քաղաքանի շինությունը

թյան թվականի տասնավորը «բաց է թողնված»։ Մեր հաստատ համոզմամբ այն Ի (=20) կարող էր լինել 2ԻԷ (=1278) և ուր լիովին կհամապատասխաներ Աթաբեկ Սադունի իշխանության տարիներին, որովհետև ինչպես ասացինք վերևում՝ Սադունը աթաբեկ տիտղոսն սկսում է կրել հատկապես 1271 թ. սկսած։ Սադունի աթաբեկության և ամիրապատարության ժամանակաշրջանը 1270—80-ական թթ. են՝ ինչպես մեզանում ընդունված է ցարդ։ Սակայն, նույն այդ ժամանակների հայկական վիմագիր հիշատակարաններում նրա այդ տիտղոսների հաճախակի բացակայությունը կարող է երբեմն թյուրիմացությունների առիթ հանդիսանալ։ Մինչև անգամ Հաղբատավանքի 1280 թվագիր հաշտնի հիշատակարանում Սադուն Արծրունու այդ տիտղոսներից և ոչ մեկը չի նշված «ի թվիս 2ԻԹ» (=1280) իշխանության (ան) տեղոյս Սադունին ես...»¹¹։ Նույնքերյանի Զուխտագեղցու վերը նշված նորահայտ վիմագիր հիշատակարանում ևս՝ գրեթե իր իսկ անմիջական

տիրության ասանաններում, աթաբեկ Սադունը հիշատակված է լոկ «իշխանության Սադունին» ձևով։ Այս հանգամանքը բացատրելի է դառնում նրանով, որ «իշխանության Սադունին» արտահայտությունը «ի տերության Սադունին» իմաստն ունի, հետևաբար այն ոչ մի սովեր չի գցել նրա աթաբեկ տիտղոսի վրա։ Այդ իսկ պատճառով զարմանալի չպետք է թվա Հաղբատավանքում աթաբեկ Սադունի վերը նշված համեմատ տապանաքարի հիշատակարանը. «Այս է հանգիստ Սադունին»¹²։ Այս բոլորով հանդերձ, Սադուն աթաբեկի մահվան ժամանակի հարցում ամենահավաստին համարում ենք Ստ. Օրբելյանի վկայությունը, որը և հաստատվում է վիմագրական կարելիոր վավերագրով։

Այդ եզրակացությանը մեզ հանգեցնում է Առաքելոց վանքի (Իջևանի շրջան, Գեղուշեն գյուղ) Գավթի մուտքի արձանագրությունը, որը թվագրված է ոչ թե 2ԻԲ (=1293), այլ 2ԼԲ (=1283), ինչպես պարզվում է այդ արձանագրության մեր նոր վերծանությամբ։ Ստորև քերում ենք արձանագրությունն ամբողջովին.

Ի թվականին հայոց Ի 2ԼԲ (=1283), կամա բարերարին Այ ես ողորմութեք Աթառակ ես ամիրապատար խոյութոյոյին, ես Գրիգոր, թոռն Խաչենիսենց՝ միաբանեցա սք Առաքելոցս իմ հալալ արդեմք ես քնակիչք սք ուխտիս ետուն Բ (=2) պատարագ ի տանի սք Գրիգորի զիստ նշխարացն։ Կատարիչքն արհմհն յԱյ ես խափանողքն դատին ի տե։ Ստեփ[ան] Գծ[ող]։

Ահա և այս ուշագրավ հիշատակարանով էլ հնարավոր է դառնում մեկընդմիջում ճշտելու ոչ միայն աթաբեկ Սադունի մահվան, այնպես էլ նրա որդու՝ Խոյութոյոյի աթաբեկության սկզբնավորության ճշգրիտ ժամանակը։ Պարզվում է, որ 1283 թ. աթաբեկ է դառնում Խոյութոյոյան, ուրեմն հայրըն արդեն մեռած էր։ Եթե նկատի ունենանք, որ Սադունը 1280—81 թթ. դեռևս կենդանի էր¹³, ուստի նա մեռած կարող էր լինել միայն 1282 թ.։

¹² Ս. Ավագյան, նշվ. աշխ., էջ 279։ Բանասեր-վիմագրագետ Ս. Ավագյանը իրավացի կերպով ուղղել է այդ արձանագրության նախկին հրատարակիչների կողմից նշանակված սխալ՝ ՈՂԳ կամ ՈՂԴ (=1244, 1245) թթ. 2ԻԲ-ի (1293)։ Այս թվականության 2Բ-ն անկասկած են, տասնավորը մեզ թվում է Լ (=30), պետք է լինի 2ԼԲ (=1283)։

¹³ Գ. Հովսեփյան, Խաղբատվանք...

¹¹ Կ. Ղաֆադարյան, նշվ. աշխ., էջ 197։



Նկ. 6. Քալարանի արձանագրությունը

Մահկանաբերոյի և Կալենո տեր այօաբէկ Սաղունը՝ Արծրունյաց Քուրդ ամիրայի որդին էր, Ջաքարյան Ծահնջահի կնոջ՝ Վաւենու հայրը:

Ինչ վերաբերում է Ջուխտագեղցու վերոհիշյալ արձանագրության մեջ հիշատակված Հասանի մեծ հոր՝ Ականջակաղնեցու ինքնությանը, ապա դարձյալ հիշյալ արձանագրությունից բացի այլ տեղեկություններ ստալծմ չունենք: Ականջ անվան հնագույն մի հիշատակություն ունենք Մակարավանքի Աստվածածին եկեղեցում (1198) ներքուստ փորագրված արձանագրության մեջ.

«ՅԱՆՈՒՆ ԱՅ ԱՅՍ ՄԵՐ ԳԻՐ Է ՅՈՒՆԱՆԻՆ ԵՒ ԻՍ ՄԻԱԲԱՆՔՍ ՈՐ ՏՈՒԱՔ ԱԿԱՆՋԱ, ՅՈՐԺԱՄ ԾԻՆԵՑԱՔ ԶԵԿԵՂԵՑԻՍ Ի ՄԵՐ ԾՆՈՂԱՅ ՅԱՆՈՒՆ ԱԿԱՆՋԱ... և այլն»¹⁴:

Կիլիկիայում կաղնի բառից առաջացած ենք տեսնում «Արքակաղնի» վանքի անունը, կաղնիների անտառում շինված լինելու աատճառով¹⁴: Հիրավի, Ջուխտագեղցիում ևս պահպանված կաղնու ծառերից էլ հավանաբար առաջացել է Ականջակաղնի անունով գյուղատեղին և Ականջակաղնեցի անձնանունը:


Ս. Կարապետ եկեղեցին 12—13-րդ դդ. պատկանող և սրահ հիշեցնող, ուղղանկյուն մի դահլիճ է, որի արտաքին պատերին ագուցվել են տարբեր դարերի խաչքարեր՝ դրված հավանաբար հուշարձանի նորոգման ժամանակ:

Այս տաճարից դեպի հարավ, ոչ շատ հեռու պահպանվել է կառուցողական գրեթե նույնպիսի ոճով շինված թաղակապ երկրորդ եկեղեցին: Մուտքը արևմուտքից է, որի աջ կողմում, պատի մեջ ագուցված կարմրավուն բազալտե խաչքարի ներքևում պահպանված արձանագրության մեջ կարդում ենք հետևյալը.

ԵՍ ՓԻԼԻՊՈՍ ԵՒ ԱԾՈՏ ԵՂԱՅՐՍ ԿԱՆԳՆԵՑԱՔ ԶԻՍԱՅՍ ԲԱՐԵՆԱԻՍ ՄԵԶ ԵՒ ԾՆՈՂԱՅ ՄԵՐ:

Թեև խաչքարը չի թվագրված, բայց իր զարդաքանդակներով և արձանագրության գրչությամբ 12—13-րդ դդ. կոթող է: Խաչքարը պոչուկ ունի, հետևաբար պետք է ենթադրել, որ իր ժամանակին այն կանգնած է եղել առանձին պատվանդանի վրա: Այն կարող էր եկեղեցու այծմյան տեղում դրված լինել միայն հուշարձանի նորոգման ժամանակ: Թե ե՞րբ է այդ տեղի ունեցել՝ դժվարանում ենք ասել: Ուշագրավ մի հանգամանք ևս: Տաճարի պատերին կան մասնավոր հին ժամանակների՝ հավանաբար 10-րդ դարի խաչքարեր, որոնց խաչերի

¹⁴ Ս. Էփրեկյան, Բնաշխարհիկ քառարան, հատոր 1, Վենետիկ, 1901—7, էջ 329, վանքն հիշվում է 1167 թ-ից:



Նկ. 7. Կողբ. քառակող կոթողի պատվանդան Արծաթեմու քանդակներով (VII դար)

թևերի ծայրերը երկուական գնդիկներով են վերջանում (որպես 10-րդ դարի խաչքարերի հնության հատկանիշ): Հավանաբար այստեղից էլ կարելի է եզրակացնել նաև, որ Զուխտագեղցում արդեն 10-րդ դարում եղել է բնակավայր՝ իր եկեղեցական շինություններով ու գերեզմանատներով:

Զուխտագեղցու երրորդ հուշարձանը դարձյալ թաղակապ, կիսավեր եկեղեցի է: Փոյ են եկել կառույցի հարավային և արևմտյան պատերը ծածկի հետ միասին՝ հավանաբար երկրաշարժի հետևանքով: Տեղում պահպանվել են տաճարի արևելյան պատն ու խորանը, հյուսիսային պատը և վերջինիս կից փոքրիկ ավանդատունը: Եկեղեցու պահպանված մուտքը հյուսիսից է: Հավանաբար մուտքեր է ունեցել նաև արևմուտքից ու հարավից: Երրորդ եկեղեցին համեմատաբար քիչ ավելի մեծ է եղել նավարդներից և գուցե հնագույնը այստեղի հուշարձաններից: Հենց այստեղ էլ գետնին ընկած և 11-րդ դարին յուրահատուկ մի խաչքարի վրա պատկերվել են խաղողի մեկական ողկույզներ՝ Ցողաց քարի հայտնի 11-րդ դարի խաչքարի մոտավոր մնացորդներ:

Զուխտագեղցու չորրորդ հուշարձանը մի գողտրիկ, փոքր կառուցվածք է, որի արևմտյան ճակատն ամբողջությամբ զար-


դարված է գեղարվեստական և արձանագիր խաչքարով (նկար 7): Խաչքարից ներքև հուշարձանի մուտքն է՝ 1,42.0,75 մ բացվածքով: Հուշարձանը նման է մատուռ-դամբարանի և հիշեցնում է Ցաղաց քարի 11-րդ դարում կառուցված ս. Հովհաննես կամ Կաթողիկե կոչվող շինությանը: Վերջինիս ճակատը սակայն՝ զարդարում են միանգամից երկու խոշոր և ավելի գեղարվեստական խաչքարեր՝ մեջտեղում ունենալով կրկնակի կամարներով ձևավորված մի խորշ:

Զուխտագեղցու այս չորրորդ հուշարձանը նրա հիշատակագրության համաձայն կոչվել է «քավարան», տեղմին, որն անհատական է միջնադարյան հայ ճարտարապետության մեջ իր կառուցողական և նպատակային իմաստով: Դա մի փոքրիկ շինություն է երկթեք տանիքով, որի ընդհանուր բարձրությունը 4,53 մ է, ընդ որում բուն խաչքարի բարձրությունը՝ 2,5 մ է, լայնքը՝ 0,91 մ, իսկ հաստությունը՝ 0,27—0,3 մ: Հուշարձանի արևմտյան ճակատի լայնքը 2,55 մ է: Արձանագրությունը փորագրված է խաչքարի ներքևի մասում, որի սկզբի ու վերջի տողերը գետնից են հիշյալ խաչքարի ներքևի երկու կողմերում ավելացված սրբատաշ քարերի վրա: Արձանագրությունն ասում է.

... ԲԱՐԵՊԱԾՏ Ի[ԾԽԱՆՈՒԹԵԱՆ...]
 [ՀԱՐ]ԱԶԱՏԻ ԻԾԽ[ԱՆԻՆ].....
 ԱԻ ՍԱՐԳԻՍ ԵՒ ՄԻԱ[ԲԱՆՔԱ].....
 [Ծ]ԻՆԵՑԱՔ ՔԱՎԱՐԱՆ
 ՊԱՏԱՐԱԳ. ՄԱՏՉԻ ՀԱՍԱՐԱԿԱՑ
 ՆԶԷՑԵԼՈՑ ԿԱՏԱՐԻ. ՈՐ ԽԱՓԱՆԷ
 ՍԱՏԱՆԻ ԳՈՐԾԱԿԻՑ Է:

Հուշարձանախմբի տերիտորիայում պահպանված կավե խողովակները ապացույց են այն բանի, որ այստեղ խմելու ջուր է բերվել մոտակա աղբյուրներից:

Զուխտագեղցու հուշարձանախմբի շուրջը, քիչ հեռու պահպանվել են կիսավեր գյուղատեղի և գերեզմանատուն՝ խաչքարերով ու տապանաքարերով: Այս հանգամանքը վկայում է, որ 10—12-րդ դդ. այստեղ բարգավաճ ու շեն բնակավայր է գոյություն ունեցել, ինչպես հուշում է արձանագրությունը՝ հավանաբար Ականջակաղին անունով: Տեղի բնակիչների պատմելով վերջինս անտառամիջի ճանապարհով հաղորդակցվել է Կիրանց և Առաքելոց վանքերի և համանուն բնակավայրերի հետ:





ԳՐԱԽՈՍԱԿԱՆ

ՎԱՅԵ ՎՐԴ. ԻԳՆԱՏԻՈՍՅԱՆ, «ԱՍՏՎԱԾԱՄԱՅՐԸ»,
ՎԵՆԵՏԻԿ, Ս. ՂԱԶԱՐ, 1977 թ., 36 էջ

Մարտի հայոց ս. Թադեոս եկեղեցու հոգևոր հովիվ Վաչե վրդ. Իգնատիոսյանը 1977 թվականին ս. Ղազարի տպարանից լույս ընծայեց 36 էջանոց «Աստվածամայրը» գրքուկը:

Գիրքը բացվում է Շնորհք պատրիարք Գալուստյանի գնահատական խոսքով և հեղինակի առաջաբանով, ուր նշվում են սույն գրքի շարադրման պատճառն ու նպատակը:

Գրախոսվող գիրքը բաղկանում է երեք գլուխներից, որոնք իմաստով և բովանդակությամբ լրացնում են իրար:

Առաջին գլուխը կրում է «Աստվածամայրը» վերնագիրը (էջ 7—22), որն ունի հետևյալ ենթավերնագրերը. «Ս. Կույս Մարիամը և Աբրահամը», «Ս. Կույսը և Զաքարիա քահանան», «Հիսուս և իր մայրը», «Աստվածամայրը մեր ամենուն մայրն է»:

Երկրորդ գլխի վերնագիրն է «Վերափոխումն սուրբ Աստվածածնի» (էջ 23—27):

Երրորդ գլուխը կրում է «Հիսուս և իր կարծեցյալ եղբայրները» վերնագիրը, (էջ 29—36), որն ունի հետևյալ ենթավերնագրերը. «Որո՞նք էին Հիսուսի կարծեցյալ եղբայրները», «Ինչու չեն հիշված Հիսուսի եղբայրները» (Ղուկ. Բ 41), «Մարիամ իր անդրանիկ Ռոդին ծնավ» (Ղուկ. Բ 7), «Եվ Հովսեփ չէր գիտեր զայն՝ մինչև իր անդրանիկ Ռոդին ծնավ» (Մատթ. Ս 25):

Սույն գիրքը շարադրելիս հեղինակը օգտվել է իր թեմայի վերաբերյալ հայ և օտար համապատասխան աղբյուրներից, որոնց մասին իմանում ենք գրքի վերջում գետեղված «Մատենագիտություն» վերնագրից:

Վաչե վարդապետը Երուսաղեմի սրբոց Հակոբյանց վանքի միաբան է: Երկար տարիներ հովվական շնորհակալ աշխատանք է կատարում Փարիզի և Մարտի հայկական համայնքներում: Սույն գրքուկը հեղինակի հոգևոր կյանքի փորձառության և եկեղեցական ծառայության արդյունքն է:


Գիրքը գրված է արևմտահայ գրական լեզվով, ոճը սահուն է, դյուրընթեռնելի և պատկերավոր:

Գրքում գետեղված են Աստվածամոր չորս գեղարվեստական նկարներ՝ գիրքը ավելի հետաքրքիր դարձնելու համար: Ավելի լավ կլիներ, որ բոլոր նկարներն էլ հայ դասական և նոր նկարիչների ստեղծագործություններից գետեղվեին:

Վաչե վարդապետը շնորհակալ աշխատանք է կատարել, որ արժան է խրախուսանքի և քաջալերման: Հայր սուրբը կատարում է իր հոգևոր պարտքը հայ եկեղեցու, հայ ժողովրդի նկատմամբ ի մոտի ունենալով Պողոս առաքյալի հետևյալ ասույթը. «Արդ հատուցեք ամենեցուն զպարտս, որում զհարկս՝ զհարկն, որում զերկեղ՝ զերկեղն, որում զպատիւ՝ զպատիւն» (Հռոմ. ԺԳ 7):

Երիտասարդ վարդապետը գտնվում է իր հոգևոր և մտավոր ուժերի հասունացման շրջանում: Շնորհավորում ենք նրա ստեղծագործական առաջին երախայիքը և սպասում, որ նա հանդես գա ավելի ծավալուն, հոգեշահ, սուրբ գրական ուսումնասիրություններով:

ԱՆԱՍՏԱՍ ՍԱՐԿԱՎԱԳ. ՄՈՎԱԽՍՅԱՆ



ԷԿՈՒՄԵՆԻԿ

ԿՅԱՆՔ

ԽՈՐՀՐԴԱԿՑՈՒԹՅՈՒՆ ԵՂԽ-Ի ԵՎ ԱՐԵՎԵԼՅԱՆ
ԵՎՐՈՊԱՅԻ ԵՐԿՐՆԵՐԻ ԱՆԴԱՄ ԵՎԵՂԵՑԻՆԵՐԻ
ՆԵՐԿԱՅԱՑՈՒՑԻՉՆԵՐԻ ՄԻՋԵՎ

Սույն թվականի մարտի 29—31 օրերին Բուրայեշտում տեղի ունեցավ ոչ պաշտոնական մի խորհրդակցություն՝ Եկեղեցիների համաշխարհային խորհրդի ղեկավարների և Սովետական Միությանն Արևելյան Եվրոպայի սոցիալիստական երկրների ԵՂԽ-ի անդամ եկեղեցիների ներկայացուցիչների միջև:

Խորհրդակցությունը կազմակերպել էր Եկեղեցիների համաշխարհային խորհուրդը՝ իրականացնելու համար 1975 թվականին Նայրոբիում գումարված ԵՂԽ-ի 5-րդ համաժողովի որոշումներից մեկը, այն է՝ սերտ հարաբերություններ հաստատել Սովետական Միության, ինչպես նաև Արևելյան Եվրոպայի սոցիալիստական երկրների եկեղեցական գործիչների և համայնքների հետ:

Ժողովը տեղի ունեցավ Բուրայեշտի «Գրանդ հոթել» հյուրանոցում: ԵՂԽ-ի կողմից ժողովին մասնակցեցին կենտրոնական կոմիտեի նախագահ արքեպիսկոպոս դոկտ. Էդուարդ Սքոթը, գլխավոր քարտուղար դոկտ. Ֆիլիպ Փոթթըրը և պատգամավոր քարտուղար դոկտ. Կոնրադ Ռայգերը: Սույն խորհրդակցությանը մասնակցում էին Բուլղարիայի, Չեխոսլովակիայի, ԳԴՀ-ի, Հունգարիայի, Լեհաստանի, Սովետական Միության և Հարավսլավիայի մոտ 30 անդամ

եկեղեցիների ներկայացուցիչներ՝ ընդամենը 50 հոգի:

Ժողովից բացակայում էին Ռումինիայի եկեղեցիների ներկայացուցիչները, որովհետև այդ օրերին վախճանվել էր ռումին օրթոդոքս եկեղեցու Պատրիարք Ժուստինիանը:

Հայաստանյայց առաքելական եկեղեցու կողմից ժողովին մասնակցում էր Մայր Աթոռի դիվանապետ և Միջեկեղեցական հարաբերությունների բաժնի վարիչ տ. Արսեն եպս. Բերբերյանը:

Ժողովի բացումը կատարեց ԵՂԽ-ի գլխավոր քարտուղար դոկտ. Ֆիլիպ Փոթթըրը: Պատասխան ճառով հանդես եկավ հունգարական եկեղեցիների Էկումենիկ խորհրդի նախագահ դոկտ. Տիբոր Բարթա եպիսկոպոսը:

Ապա եղբայրական ջերմ և անկեղծ մթնոլորտում տեղի ունեցավ մտքերի և կարծիքների ազատ փոխանակում՝ օրակարգում նշված երեք հիմնական հարցերի շուրջ:

1. Համագործակցության հնարավորությունները Եկեղեցիների համաշխարհային խորհրդի և Արևելյան Եվրոպայի սոցիալիստական երկրների անդամ եկեղեցիների միջև:

2. Աստվածաբանական խորհրդածու-

թյուններ Արևելյան Եվրոպայի եկեղեցիների կողմից՝ իրենց կացության մասին:

3. Ուսումնասիրություն ԵՀԽ-ի այն ծրագրերի, որոնք առանձին կարևորություն են ներկայացնում Արևելյան Եվրոպայի եկեղեցիների համար:

ԵՀԽ-ի և Արևելյան Եվրոպայի սոցիալիստական երկրների եկեղեցիների միջև համագործակցության զարգացման հարցի առկայությամբ խորհրդակցության ընթացքում շոշափվեցին մասնավորապես հետևյալ կետերը.

ա. Շեշտվեց եկեղեցիների միության հարցի առաջիկա զարգացման կարևորությունը:

բ. Ուսումնասիրվեց և քննարկվեց զինաթափության հարցի շուրջ ԵՀԽ-ի ծրագիրը:

գ. Մանրամասն քննարկման ենթարկվեցին մարդկային իրավունքների պաշտպանության կապակցությամբ ԵՀԽ-ի կողմից առնվելիք քայլերը:

Ժողովում նշվեց, որ վերոհիշյալ բոլոր նպատակները կարելի է իրականացնել միայն լարվածության թուլացման և համագործակցության մթնոլորտի մեջ, որի հաջորդ հանգրվանը պիտի հանդիսանա Բելգրադում կայանալիք առաջիկա կոնֆերանսը:

Խորհրդակցության մասնակիցները շեշտեցին նույնպես ԵՀԽ-ի կենտրոնի և անդամ եկեղեցիների միջև հաղորդակցությունների լայն փոխանակման անհրաժեշտությունը, ինչպես նաև սոցիալիստական երկրների անդամ եկեղեցիների ներկայության հարցը Էկումենիկ շարժման տարբեր կոմիտեների և օրգանների մեջ:

Ժողովում աստվածաբանական քննարկման առարկա հանդիսացան նմանապես Սովետական Միությունում և Արևելյան Եվրոպայում ապրող քրիստոնյաների կենցաղային հարցերը իրենց սոցիալիստական հասարակության մեջ:

Ժողովում ելույթ ունեցավ նաև տ. Արսեն եպս. Բերբերյանը՝ հանուն Հայոց Հայրապետի գնահատելով մեր օրերում Էկումենիկ շարժման կարևորությունը, շարժում, որը բույր եկեղեցիներին տանում է դեպի մերձեցում և ապա միություն: Այս կապակցությամբ սրբազանը կարևորությամբ շեշտեց, որ մեր եկեղեցական նոր սերունդը և հավատացյալ ժողովուրդը պատշաճն է հատուցում Էկումենիկ շարժմանը, որն իր դրական արձագանքն է գտնում մեր եկեղեցու և ժողովրդի կյանքում:

Կանգ առնելով Հայաստանում սովետա-

կան կարգերի հաստատումից հետո վերջին հիսնամյակում ստեղծված նոր իրադրության մեջ հայ եկեղեցու վերածննդի և զարգացման հարցի վրա, սրբազանը շեշտեց, որ հայ եկեղեցին այսօր էլ շարունակում է իր պատմական հոգևոր առաքելությունը մեր ժողովրդի կյանքում: «Բավական է արձանագրել, — նշեց նա, — որ վերջին երկու տասնամյակներում Վազգեն Ա Սանատյան Հայոց կաթողիկոսի գլխավորությամբ և ջանքերով ու Էջմիածնում ստեղծվել է միաբանական նոր կյանք և սերունդ, գործում է ու. Էջմիածնի ատուվածաբանական ճեմարանը, Մայր Աթոռի տպարանում տպագրվում են «Էջմիածին» ամսագիրը և կրոնական այլ հրատարակություններ, որոնց մեջ կարևոր տեղ են գրավում Նոր Կտակարանի մասնակի և ապա ամբողջական թարգմանությունները հայ ժողովրդի ժամանակակից գրական լեզվով:


Վերջին երկու տասնամյակներում հայ եկեղեցին օժտվել է նաև 35 երիտասարդ եպիսկոպոսների ձեռնադրությամբ, որոնք և՛ Սովետական Հայաստանում, և՛ եղբայրական հանրապետություններում, և՛ ափյուրքի հայ համայնքներում կատարում են շնորհակալ աշխատանքներ հայ ժողովրդի հոգևոր-քրիստոնեական դաստիարակության գործում:

Իր ելույթի վերջում սրբազանը շեշտեց, որ ԵՀԽ-ն պետք է իր բոլոր ջանքերը ի գործ դնի՝ եղբայրական անջահախնդիր հարաբերություններն էլ ապելի ամրապնդելու համար եկեղեցիների միջև քրիստոնեական և Էկումենիկ ոգով:

Մարտի 31-ի առավոտյան, ժողովի ավարտին, հրապարակվեց մի հաղորդագրություն, որի մեջ ժողովի մասնակիցները միաձայն արտահայտում էին իրենց գոհունակությունը սույն խորհրդակցության մասին, որ առիթ էր ընծայել փորձի լայն փոխանակման:

Հաղորդագրության մեջ նշվում էր նաև, որ «ապրված այս կենդանի գործակցությունը պիտի օգնի մասնակիցներին հետագայում առավել արդյունավետ կերպով սատարելու քրիստոնեական վկայության գործին»:

Նույն օրը Հունգարիայի եկեղեցիների Էկումենիկ խորհուրդը «Գրանդ հոթել» հյուրանոցում, ի պատիվ հյուրերի, կազմակերպեց պաշտոնական ճաշկերույթ, որին ներկա գտնվեցին նաև Հունգարիայի պետական և հասարակական տարբեր կազմակերպությունների ներկայացուցիչներ և զանազան թերթերի թղթակիցներ:



Յ Ո Ւ Յ Ա Կ

ՄԱՅՐ ԱԹՈՒ Ս. ԷԶՄԻԱԾՆԻ ՆՈՐ ՍՏԱՅՎԱԾ ԶԵՆԱԳՐԵՐ Ի*

ՀԻՇԱՏԱԿԱՐԱՆՆԵՐ

Թ. 10բ.—(Ամբողջ էջի ծավալով մկարի տակ գրված է երկաթագրով)

Ծառա խուպիւնար:

Թ. 10Յբ.—Եղբայր զայս ամեն արունսուն որ գործես քանի կարես պարկեշտ տեղիք գործէ, զի խիստ վատաշիշ ահունի աչք չի վերցնեն, ահա առացի ձեզ:

ՀԻՇԱՏԱԿԱԳՐՈՒԹՅՈՒՆՆԵՐ

(Սկզբի պահպանակի վրա գրված է)

Բիրիգուն ծաղիկ աւին:

Խիլիշ աղի լինին:

Խուտալիքո:

Խալիլ Հալ:

Նոյեմբերի ԺԸ-ին Ժ Ղոշ Ալտարին տվի:

Թ. 1բ.—Երանեալ է:

Այս է Սիմոնին գրչ.:

Թ. 9բ.—Արգոնեզը (գրված բազմաթիվ անգամ, որպէս գրչափորձ):

Թ. 10ա.—(Գլխացավի դեղատոմս է տրված այստեղ):

Թ. 11ա.—Կա մի փոքրիկ կնիք, 1,3×1,1 սմ. չափերով, որի վրա գրված է)

Քի. ծո. Սարգիս վղպտ.:

Թ. 20ա.—Երեւմ ցաւ ու խիստ պիտի:

Թ. 23բ.—(Կա մի փոքրիկ կնիք, 0,9×0,8 սմ. չափերով, որի վրա գրված է)

Քի. ծո. Խալիար:

Թ. 24բ.—(Նույն կնիքը կրկնվում է այստեղ):

Թ. 58բ.—(Կա մի փոքրիկ կնիք, 1×0,8 սմ. չափերով, որի վրա գրված է կապգրերով)

Կարապետ

Թ. 59ա.—(Կա մի փոքրիկ կնիք, 1,3×1,1 սմ. չափերով, որի վրա գրված է)

Քի. ծո. Սարգիս վղպտ.:

Թ. 68բ.—Զուգ հիտի:

Թ. 92ա.—Զխաղողին որթուն տերևն և զոստն ծեծեն:

Թ. 92բ.—...կոնն ծեծէ և մաղէ և քեր խառ... յիւրար, որ միաւորի դիրամ ... օգտէլ:

Թ. 94ա.—Թուլանկան աւին:

Թ. 95բ.—... լոյք արա և շիպ և սապուն և սաւալա զաֆրան աղա մանր զպատրոյքն թաց և դիր:

Թ. 106բ.—... զամենն պարապար և Բ մեղր տուր ծերոցն, Գ տրմ, կտրիճ մարդոց Բ օգտէ փորձած է:

Թ. 138ա.—Հին հազի և թոքի և պաղաւմի:

Թ. 156բ.—Այս ձէ(քի)մարանըս 101 թուխտ աչ:

Թ. 157ա.—Սբ. երկուրդուն. հօր և ուրդոյ և Սբ. հոգ. մեղա յերկինս և արաշ, աշի. ոքէ. Ծ Տէր մեղա ալաւ:

10 թուտէ: Ֆիլիպ:

Թ. 157բ.—(Տրված է մի դեղատոմս):

Այս է տապան դիր հանգստի, որ է Մարի:

Թ. 158ա.—(Տրված է երկու դեղատոմս):

Թ. 158բ.—(Տրված է մի դեղատոմս):

(Կազմի կոնակի թղթին գրված է)

Կամացկոյթեամբ Աստուածային,

զայն որ խորհի միշտ առ բարին,

Անապականել մի:

Պաղատանօք Աստուածածնին,

անապական և միշտ Կուսին:

Գիծ, որ է գիթապ ձէքիմարանին, գիթ.:

* Ծարունակված «Էջմիածին» ամսագրի 1964 թվականի № № Ը—Թ-ից, ԺԲ-ից, 1965 թվականի № № Ը—Ժ-ից, 1968 թվականի № Է-ից, 1970 թվականի № № Դ—Ե-ից, Ժ-ից, ԺԲ-ից, 1971 թվականի № № Ե—Ը-ից, ԺԱ—ԺԲ-ից, 1972 թվականի № № Ա—Բ-ից, Դ-ից, 1973 թվականի № № Ա—Գ-ից, Ը-ից, 1974 թվականի № № Գ-ից, Է—Ը-ից, 1975 թվականի № № Ա-ից, Գ-ից, ԺԱ—ԺԲ-ից, 1976 թվականի № № Բ—Ե-ից, Է—Թ-ից, ԺԲ-ից և 1977 թվականի № Գ-ից:

№ 412
ՍԱՀՄՈՍԱՐԱՆ

Թերթերը՝ 190:— **Պրակները՝ 18,** յուրաքանչյուրը 12-ական թերթից, բացի Ա՝ 3, Բ՝ 4, Գ՝ 9, Դ՝ 1, Ե՝ 11, Զ՝ 10 թերթից են: Սրանից բացի սկզբնական ձևագրից պակասում են ամբողջ 8-րդ և 9-րդ պրակները:— **Մեծությունը՝** 14,5×10,2×4,3 սմ.:— **Նյութը՝** դեղնած և կնդտոտած հաստ թուղթ:— **Կազմը՝** կաշեպատ տախտակ, որի երկու բունիչներն ընկել են:— **Պահպանակներ՝** չունի:— **Վիճակը՝** անբավարար, երկու պրակ (Ը և Թ) ամբողջությամբ պակասում են, իսկ բազմաթիվ պրակներ էլ բերի են, շատ թերթեր թափվելով ժամանակի ընթացքում:— **Գրությունը՝** միասյուն:— **Դատարկ թղթեր՝** չունի:— **Տողերը՝ 19:**— **Գծումները՝** ճնշումով:— **Գիրը՝** բոլորգիր:— **Զարդագրություն՝** ձևաձևով:— **Գիրը՝** ստացվել է Կահիրեից եգիպտացի թեմի առաջնորդական տեղապահ Զավեն Եսայիկյան 2ինչինյանի ձեռամբ 1973 թ. նոյեմբեր ամսին:

ՀԻՇԱՏԱԿԱՐԱՆ

Թ. 190ա.— Փառք ամենատարբեր Ներդրություններ են մի աստուածություն ձևեր և Որդու և Հոգույն սերունդ(1): Որ ետ կարողություն տկար անձին իմոյ՝ Մարտիրոս գրչի հասանել յաւարդ աղմուսարանի և աղաթմատուցի: Ի թվին ՌԻՄԻ (1595 թ.—Ն. Մ.), ի քաղաքս Սերաստիոյ, ընդ հովանեա Սուրբ Աստուածածնին և Սուրբ Սարգսին զարավարին:

Արդ աղաչեմ զամենակեան որք հանդիպիր ամա կարողալով կամ արինակելով յիշեցէք յաղաթս ձեր գիւ զքա(զ)մամուղ երեսցս, և զճնաղթս իմ. հանդերձ ամենացն կենդանեալս և ճնշեցելովք, և որ յիշէ յիշեալ լինի ի Քրիստոս, որ է արհմեալ յալիտեանս ամեն: Ի յայս ամիս հաստակին զՏատուրն գորդին Շատա(թ. 190թ)րին յունիսի Բ յետ բազում չարչարանաց ի տախտակն խաչանման բնութեցին, գերկու ուն դան(ա)կով ծակեցին ու ֆիթիլ վառեցին, իսկ նայ ստոմարէր և զՔրիստոս կենդանին արհմէր, յետո(յ) տարան ի գետեզերն ի ծառն ի վար կախեցին, նայ չուանն կտրեցա շնորհօքն Քրիստոսի որ կենդանի անկօի մէջ դրին և նայ զդէմն յարեալ ունկով զոհութիւն մատուցանէր Քրիստոսի և սուրբ հաստուցս մերոյ Լուսաորչին. և տեսալ կատաղի ազգն տանկաց զբաշտութիւն և զհամ(ք)երութիւն նորին. քարի քարկոծեցին և սրով զվառեցին, և զայն գիշեր անթաղ թողին և գնացին, բայց ի յերկնից յոյս ծագեաց ի մէջ գիշերին. ի վերայ նոր հաստակին երանելի մանկանն Տատուրին և յետո(յ) զմարմին խոլի(ս)ղեալ և կըտ-

բառեալ ժողովեցին և տարեալ ի Սուրբ Հաստուսնք ի հանգիստ եղին: Ի յայս ամիս թագաւորեաց սուլտան Մահմատն, որոյի սուլտան Մուրատին:

ՀԻՇԱՏԱԿԱԳՐՈՒԹՅՈՒՆՆԵՐ

(Ձեռագրի կազմի կոնակում գրված է)

Թիւ 6:

Թ. 1թ.—Թիւ 6:

Թ. 124ա.—Ալէ, բթ, իւ, խծ, ձկ, մղ (գրչափորձ):

Թ. 135թ.—Անել, ամենացին:

Թ. 136ա.—Ձոր արկեր յերկիր:

Առաջի քո ամեն այս ժամ գիւս և:

Թ. 137.—Անձին իմոյ:

Թ. 190թ.—Նազարէք Շատուրեան (սա այն անձն է, որ ձեռագիրը նույն մատիտով համարակալել է ամբողջությամբ սկզբից մինչև վերջը, նշելով 1—380 էջերը):

№ 413

ԽԱՀԱԿՐՈՒԹԻՒՆ

Թերթերը՝ 154:— **Պրակները՝ 8,** յուրաքանչյուրը 20-ական թերթից, բացի Ա՝ 16 և Ը՝ 18 թերթից են:— **Մեծությունը՝** 20,5×13,8×1,4 սմ.:— **Նյութը՝** դեղնած բարակ թուղթ:— **Կազմը՝** բարակ ստվարաթուղթ:— **Պահպանակները՝** սկզբում և վերջում կա միակական հասարակ բարակ թուղթ, կարմիր և կապույտ գծալիք:— **Վիճակը՝** բավարար:— **Գրությունը՝** միասյուն:— **Դատարկ թղթերը՝** 1ա, 1բ, 145թ—153թ, 154թ:— **Տողերը՝ 8:**— **Գծումները՝** թուղթն ինքնին գծալիք է:— **Գիրը՝** բոլորգիր և հայկական նոր խազեր:— **Զարդագրություն՝** չունի:— **Գրիչը՝** Սերովբե Սիրունյան, աշակերտ Գրիգոր Մեհթերյանի:— **Ժամանակը՝** 20-րդ դար:— **Վայրը՝** Կոստանդնուպոլիս:— **Մանրություն՝** ձեռագիրն ստացվել է Ստամբուլից 1974 թ. ձեռամբ Բազարատ Սեմերճյանի:

ԲՈՎԱՆԴԱԿՈՒԹՅՈՒՆ

Հայկական նոր խազագրության սույն ձեռագիրը գրված և նոտագրված է պոլսահայ անվանի երաժշտագետ Գրիգոր Մեհթերյանի աշակերտ և Գում-գարուի Սուրբ Հարություն եկեղեցու երաժշտակետ Սերովբե Սիրունյանի կողմից: Գրքի գլխավոր վերնագրերը տրվում են ստորև.—

Թ. 2ա.—Հարց յարութեան (բկ):

Թ. 4թ.—Մեծացուցէ (բկ):

Ողորմեա (բկ):

Թ. 5ա.—Տէր յերկնից (բկ):

Թ. 9ա.—Հարց երեւման խաչի (դձ):

Թ. 18ա.—Հարց Բ.րդ Մաղկազարդի (դկ):

Թ. 24թ.—Ծարակամ Հոգեգալստեան (բկ):

Թ. 26ա.—Հարց տօն կաթողիկէ եկեղեցւոյ (զձ):

Թ. 30ա.—Ծարակամ թափօրի (դկ):

Թ. 38ա.—Կանոն վարդապատի (աձ):

Թ. 40ա.—Ծարակամ (ստեղծ) դկ:

Թ. 44բ.—Մեծացուցե (գկ):

Թ. 45ա.—Ողորմեա (գկ):

Տէր յերկնից (գկ):

Թ. 46ա.—Տաղ Աստուածածնայ (պէյարի: աղըր սէմայի: Պապա Հ. Լիմոնեան):

Թ. 48ա.—Երգ Աստուածածնայ:

Թ. 50ա.—Կանոն վերացման Ա. Խաչի (աձ):

Թ. 52բ.—Հարց (գկ):

Թ. 56բ.—Ծարական խաչի (գկ):

Թ. 63ա.—Օրհնութիւն Վարդապ Ա. Խաչի (ակ):

Թ. 78ա.—Հարց (քձ) Գիտ Խաչի:

Թ. 119բ.—Կանոն Է-րդ աւոր Ծննդեան (քձ):

Թ. 142ա.—Հարց Բուն Բարեկենդանի:

Թ. 154ա.—Ցանկ լատուկ շարականաց (այստող տրված է միայն 15 շարականների մի ցուցակ):

ՀԻՇԱՏԱԿԱԳՐՈՒԹՅՈՒՆՆԵՐ

(Ձեռագրի սկզբում գտնվող պահպանակի վրա գրված)

Աղանի, 85, դպրոց:

Թ. 1ա.—Գրեց Սերովբէ Սիրունեան
(Աշակերտ Գրիգոր Մեհերեբեանի)
վաստակատու երաժշտապետ
Ա. Յարութիւն եկեղեցույ
ի Գումգարու, 1945:

№ 414

ԱՂՕԹԱԳԻՐԳ

(Եթովպերեն)

Թերթերը՝ 66:—Պրակները՝ 9, յուրաքանչյուրը 8-ական թերթից, բացի Ա՝ 4 և Թ՝ 6 թերթից են:—Մեծությունը՝ 13,4×9,6×8 սմ.:—Նյութը՝ դեղնած հաստ մագաղաթ:—Կազմը՝ կաշեպատ տախտակ, որ ծածկված է հասարակ կտորով: Ներքևում կա 80 սմ. բարակ և երկար մի կտոր, ծայրը օղով, մի տեղից կախելու նպատակով:—Պահպանակներ՝ չունի:—Վիճակը՝ լավ:—Գրությունը՝ թթ. 5ա—52ա և 59ա—80բ երկայուն, իսկ 53ա—59ա և 61ա—63բ միապուր:—Դատարկ թղթերը՝ 1ա—4բ, 52բ, 64ա—66բ:—Տողերը՝ 13, միայն մի քանի էջ՝ 17 տող:—Գծումները՝ ճնշումով:—Գիրը՝ ամհարերեն:—Ջարդագրություն՝ չունի:—Գրիչը՝ ամհայտ:—Պատվիրատուն՝ անհայտ:—Ժամանակը՝ 17—18 դարեր:—Վայրը՝ շատ հավանաբար Եթովպիա:—Մանդություն՝ վեհապատ Հայրապետը սույն ձեռագիրը հանձնել է Ձեռագրատուն 1974 թ. նոյեմբերի 16-ին:

ՀԻՇԱՏԱԿԱԳՐՈՒԹՅՈՒՆՆԵՐ

Թ. 2բ.—Կա երկու քառ փոքրատառերով գրված:

Թ. 3բ.—Կա մի քառ փոքրատառերով գրված:

Թ. 4ա.—Կա յոթ տող մեծատառերով գրված:

(Այս բոլորը եթովպերեն է:)

№ 415

ԽԱԶԱԳՐՈՒԹԻՒՆ

Թերթերը՝ 464+2 (թթ. 5ա և 9ա)=466:—Պրակները՝ 26, բոլորովին անհամաչափ, Ա՝ 10, Է՝ 12, Ը և ԻԴ՝ 14, Դ և ԻԶ՝ 15, Ժ, ԺԳ, ԺԶ, ԺԷ, ԺԹ և ԻԱ՝ 16, Ե և ԻԵ՝ 17, Թ, ԺԱ, ԺԵ, ԺԸ, Ի, ԻԲ և ԻԳ՝ 18, ԺԴ՝ 19, Բ՝ 20, Զ՝ 24, ԺԲ՝ 33 և Գ՝ 34 թերթից են:—Մեծությունը՝ 20,1×16,8×4,7 սմ.:—Նյութը՝ դպրոցական հասարակ թուղթ:—Կազմը՝ լաթակազմ տախտակ:—Պահպանակները՝ սկզբում և վերջում մեկական կարմիր հաստ թուղթ:—Վիճակը՝ լավ:—Գրությունը՝ միապուր:—Դատարկ թղթերը՝ 39բ—62բ, 140բ—162բ, 172ա—193ա, 196բ, 237բ, 251ա—264բ, 286բ—298ա, 311բ—315բ, 325բ—332բ, 338բ, 342ա, 351բ—366ա, 376ա—384բ, 592ա—433բ, 446ա—464բ:—Տողերը՝ 9, սակայն երբեմն 6—8:—Գծումները՝ թուղթն ինքնին գծավոր է:—Գիրը՝ շղագիր և հայկական նոր խազեր:—Ջարդագրություն՝ չունի:—Գրիչը՝ Հակոբ քահանա Մխչյան (1889—1954 թթ.):—Ժամանակը՝ 1930 թ.:—Վայրը՝ Մարսել (Ֆրանսիա):—Մանդություն՝ վեհապատ Հայրապետը սույն ձեռագիրը հանձնել է Ձեռագրատուն 1974 թ. նոյեմբերի 16-ին:

ԲՈՎԱՆԴԱԿՈՒԹՅՈՒՆ

Ստորև տրվում է ձեռագրի գլխավոր վերնագրերը միայն:—

Թ. 1ա.—Մանկունք Դկ. Ստեղի Ը-րդ աւոր Ա. Խաչի:

Թ. 4ա.—Մանկունք Բկ. Ստեղի Բ-րդ աւոր Վարդավաթի:

Թ. 7բ.—Թագաւոր յախտեան հրեշտակապետաց:

Թ. 11ա.—Կանոն 72 աշակերտացն Բրիստոսի, հարց Դկ.:

Թ. 29ա.—Հարց Ակ. Մեծ պահոց Բ-րդ շարաթուն:

Թ. 36ա.—Հարց Աձ. Դարձումք Ա. Ծննդեան ութօրեկիցի:

Թ. 38ա.—Ծար. Դձ. (ողոս.) ծննդ. Յովհ. ու Մկրտչի (ի պէտս Գշ. աւոր մեծ պահոց միջինքի):

Թ. 63ա.—Կանոն Գ-րդ կիրակէի մեծ պահոց, օրհ. Գկ.:

Թ. 101ա.—Աագ հինգշաբթի շարականք ապաշխարողաց, ողորմեա Դկ.:

Թ. 106բ.—Կանոն Ծննդեան և Աստուածայայտ-նութեան ճրագալոյցին, օրհ. քձ.:

Թ. 121բ.—Մանկունք և համբարձի քձ. Սրբոց Սուքիասեանց:

Թ. 122բ.—Մանկունք և համբարձի Դկ. Սրբոց Վարդանանց:

Թ. 124ա.—Մանկունք Դկ. Նիկողայոսի Զմիտ-նիոյ հայրապետին:

Թ. 126ա.—Մանկունք Դկ. Սրբոյն Բարս(ե)ղի հայրապետին:

Թ. 127բ.—Մանկունք Դկ. Յովհաննու Ոսկերե-րանին:

- թ. 129ա.—Մանկունք Գկ. Մանկանց Բերդեհե-
մի:
թ. 131ա.—Կանոն Ս. Գրիգոր Լուսաորչին, լի-
շ(ատակ) եղանկում ի վերապէն, օրթ. Բձ.:
թ. 163ա.—Տէր լերկնից Դձ. (Պէնտէկոստի
Գ-րդ ատր):
թ. 168թ.—Տաղ Անտեսաց:
թ. 169ա.—Տաղ Խաչի:
թ. 169թ.—Տաղ Մարտիրոսաց:
թ. 170ա.—Տաղ Հայրապետաց:
թ. 170թ.—Տաղ Ս. Կուսին (Աղբ Մեմայի):
թ. 197ա.—Մեղեղի Յարութեան (Սֆախան):
թ. 198թ.—Մեղեղի Յարութեան և Ծաղկազարդի
(Էվին):
թ. 216թ.—Տաղ Ծննդեան և Յարութեան:
թ. 226թ.—Մեղեղի խնկարկութեան (Սապա):
թ. 228թ.—Մեղեղի Համբարձման, Հոգեզատեան
և Վարդավառի:
թ. 228թ.—Թափօրի շարական Ս. Զատիկի և Յի-
նանց կիրակէից:
թ. 238ա.—Շարական Գկ. ի պէտս հանդիսատր
ատրց:
թ. 301թ.—Սրբասացութիւն Ծննդեան, Անտեսաց,
Վարդավառի և Աստուածածնաց:
թ. 310թ.—Եռանգլն երգ, զկնի Խղաքերից Ան-
տարանի:
թ. 434ա.—Յանկ գրութեանց:

ՀԻՇՆԱԿԱԿԱՐԱՆ

(Կազմի վրայի սպիտակ պիտակի վրա գրված է)
Տեսոր եկեղեցական երգեցողութեանց
վերաբերի Յակոբ քնյ. Միանանի:

ՀԻՇՆԱԿԱԿԱՐՈՒԹՅՈՒՆՆԵՐ

(Կազմի ներսի կողմը կա քանանա գրչի փոքրիկ
լուսանկարը, 5,7×3,7 սմ. չափերով, որի կողքը
սպիտակ թղթի վրա մեքենագրված է հետևյալը.)
Համառօտ կենսագրականը Տէր Յակոբ քնյ.
Միանանի

Բնիկ Ատաբազարցի, ծնած է 1889ին, անունն է
Գրիգոր: Իր ծննդավայրին Արման Վարժարանը
աւարտելէն յետոյ 1906ին կը դրկուի Արմաշի Դըպ-
րեվանը. ուր աշխարհականաց դասընթացը լրաց-
նելէն վերջ կը վերադառնայ Ատաբազար: Ան կը
ծառայէ իր ազգին որպէս ուսուցիչ և երաժշտագետ:
1919ին Պոլսոյ Պէշկիթաշ թաղին եկեղեցիին
դպրասենտորինը կը վարէ:

1929ին Մարսէլի մէջ Ս. Թարգմանչաց Մայր Ե-
կեղեցւոյ դպրասպետ կը պաշտօնավարէ ապա կը
ձեռնադրուի քանանաց:

1932ին կը մեկնի Ռատր, Միացեալ Նահանգներ:
Կը ծառայէ քսան և երկու տարիներ Ս. Փրկիչ եկե-
ղեցւոյ մէջ: Նաև տարի մըն ալ անոր նորակարոյց
եկեղեցւոյ մէջ կը պաշտօնավարէ: Ան շատ սիրուած
և յարգուած հոգի մըն էր իր հոտին:

Ստացած էր լանջախաչ կրկու և Ասագ քանա-

նայութեան աստիճանը: Տէր Հայրը անխուճ, անձ-
նուէր և նուիրուած հոգևորական մըն էր: Ինքը ար-
դէն շատ քաջ շարականագէտ մըն էր ըստ լուս-
անդեակ մասնագետներու դատումով:

1908ին Ատաբազարի մէջ հրատարակած է **Երգե-
ցողութիւնը Սուրբ Պատարագի** անուն գրքով մը,
նաև երգարան մը: 1930ին Մարսէլի մէջ դասա-
ւարած և հրատարակած է **Եկեղեցական երգեցողու-
թիւնը** անուն ընթացակ գիրքը: Հայկական և Եւ-
րոպական ձայնագրութեանց մօտէն տեղեակ ըլլա-
լուն: Ռատրի մէջ տարիներու տրմաջան աշխա-
տանքով մեր եկեղեցական բոլոր տաղերը, մեղեղի-
ները, շարականները երոպական ձայնագրերով և
տատերով 1944ին լաւողած է գրի առնել 265 մեծա-
ծառաւ էջերէ բաղկացեալ շարականագիրք մը, որը
արտօնուած է Հայաստանեաց եկեղեցիներուն մէջ
Երգել համաձայի և ներդաշնակ երգեցողութեան սա-
տար հանդիսանալով, և մատչելի ըլլալով անգլիա-
խօս հայ նոր սերունդին:

1948ին ալ 180 էջերէ բաղկացեալ մեծագիր ձայ-
նագրեալ երգարան մը, որուն մէջ ամփոփուած են
Խօթանաւան երկու հատընտիր երգեր: Ինչպէս նաև
վաթսուն և չորս արևելեան սիրերգներ հայերէնի
թարգմանած է: Այս ևս անգլիախօս նոր սերունդին
օգտակար ըլլալու համար:

Արժանաւորոյ Տէր Յակոբ Ասագ Բանանայ Մրի-
նան վախճանած է ապրիլ 26, 1954, Ռատր քա-
ղաքին մէջ. Միացեալ Նահանգներ:

Վերոյիշեալ հակիրճ կենսագրականը քաղուած է
Տէր Հօր ինքնակենսագրութենէն:

Երեցկին Տիգրանուհի Միանան:

(Պահպանակի կոնակում)

Գրելիքներս են՝

Սապանի ամեն և ընդ հոգւոյդ քում.

Համեմատ քիչ ...

Վահանայ Գողթնացւոյն զարմանալի է ինձ:

Թ. 2թ.—Երկնատր հող...ը տե՛ս Գաբրիէլի և Մի-
քայէլի կամոնին մէջ (էջ 21):

Թ. 121ա.—Շաշու Աձ. (դարձուածք) Անակիզը
Աստուած: Տես էջ 334:

Թ. 200թ.—Զատէնի գրած ևմ (նույնը էջ 202ա և
207ա):

№ 416

ՀՄԱՅԻՆ

Թերթերը՝ 1:— Մեծությունը՝ 130,2×10,8 սմ.:—
Նյութը՝ դեղնած բարակ թուղթ:— **Կազմ՝** չունի:—
Պահպանակներ՝ չունի:— **Վիճակը՝** բավարար, սա-
կայն տեղ-տեղ ներկի ազդեցության տակ թղթի որոշ
մասերը մաշվել և ծակվել են:— **Գրությունը՝** միա-
պուն:— **Տողերը՝ 88:—Գծումները՝** առանց ճնշումի:—
Գիրը՝ նոսրգիր:— **Ջարդագրություն՝** հմայիլի երկու
լուսանկարներ երեք գույնի երիզ է ներկված: Կար-
միր և դեղին երիզները քարակ են, իսկ կապույտը
ալվելի հաստ: Զեռագիրն ունի բավականի գեղեցիկ
երեք նկար, որոնք ներկայացնում են Հիսուսը,
Աստվածածինն և Սուրբ Գևորգը: Կա նաև երեք

թոշնագիր և չորս ծաղիկ: Այս բոլորն էլ ջրաներկ են: **Գրիշը՝** ներքնծա Ավետ Տեր Ղազար:— **Պատվիրատուն՝** Գրիգոր Աբգարյան:— **Ծաղկողը՝** անհայտ:— **Ժամանակը՝** 1830 թ.:— **Վայրը՝** Սրբո Աստվածածնա եկեղեցի (սակայն տեղավայրը անհայտ է):— **Ծանոթություն՝** վեհափառ Հայրապետը սույն հմայիլը հանձնել է Ջուղայից 1974 թ. նոյեմբերի 16-ին:

ԲՈՎԱՆԴԱԿՈՒԹՅՈՒՆԸ

Մեջբերում Ղուկասու Ավետարանից և մի քանի աղոթքներ ու մաղթանքներ:

ՀԻՇԱՏԱԿԱՆՈՒՄՆԵՐ

Եւ եղիցի բժշկութիւն ծառայիս Պրն. Գրիգորին, իր Խաթունին և որդոցն:

Աստուած բարեխօս լեր ի փորձան(ա)ց զմեզ փրկեալ և մանաւանդ զծառայս Պրն. Գրիգորին, իր Խաթունին և որդոցն:

... պահեա տըր զծառայս Պրն. Գրիգորին, իր Խաթունին և որդոցն:

... փրկեալ և ազատեա զծառայս և Պրն. Գրիգորին, իր Խաթունին և որդոցն:

Գրեցաւ Հմայիլս ի Դրան Սրբոյ Աստուածածնայ եկեղեցւոյն ձեռամբ նորընծայ Աւետ Տէր Ղազարին վասն պահպանութեան:

Յամի Տեսան 1830 տամս 25:

(Հմայիլի կոնակի վերևի մասում գրված է)

Ազնիւ Պրն. Գրիգոր Աբգարեան

№ 417

ԿՈՆԴԱԿ

Թերթերը՝ 1:— **Մեծությունը՝** 71,5×51,6 սմ.:— **Նյութը՝** դիմացկուն հաստ թուղթ:— **Կազմ՝** չունի:— **Պահպանակներ՝** չունի:— **Վիճակը՝** լավ:— **Գրությունը՝** երկայուն:— **Տողերը՝** 33:— **Գծումները՝** մատիտով:— **Գիրը՝** շղագիր:— **Զարդագրություն՝** կոնդակի վերևի կենտրոնական մասում նկարված է երկինքը, որտեղ ամպերի մեջ գտնվում են երկու աղջիկներ, հրեշտակների թևերով, մեկ ձեռքով բռնած են մեկական կանաչ ճյուղ, իսկ մյուս ձեռքով միասին պահում են մի մեծ ծաղկեպսակ, կարմիր ծաղիկներով, կանաչ տերևներով և կարմիր երկայն երիզով: Այս ծաղկեպսակի մեջ կա Գեորգ Ե-ի կաթողիկոսական կարմիր մեծ կնիքը, 5,6 սմ. տրամագծով, որի շուրջ բոլորը երկու տողով գրված է հետևյալը. «Գեորգ կաթողիկոս ամ(ենայն) հայոց և Ծայրագոյն պորթք. Մայր Աթոռոյ Սրբոյ Էջմիածնի: Էջմիածինն ի Հօրէ և լոյս փառաց ընդ մեա—ՌԵԿԱ» (1812 թ.—Ն. Մ.): Կնիքի կենտրոնում նկարված է մի կաթողիկոս, ձախին՝ Էջմիածնի Մայր Տաճարը, աջին՝ Արարատ լեռը և գագաթին Նոյան տապանը, իսկ վերևում՝ երկնքում՝ երկու հրեշտակներ: Կոնդակի վերևի երեք տողը տպված

է երկաթագրով, որը կարդացվում է «Գեորգ ծառայ Կրիստոսի և անհասանելի կամօքն Աստուծոյ, Եպիսկոպոսապետ և կաթողիկոս Ամենայն հայոց, Ծայրագոյն պատրիարք համազգական նախամեծար Աթոռոյ Արարատեան առաքելական Մայր եկեղեցւոյ Սրբոյ կաթողիկէ Էջմիածնի»: Առաջին տողը ոսկեգրով է տպված, իսկ 2-րդ և 3-րդ տողերը՝ կարմիր թանաքով: Սկզբի «Գ» տառը գեղեցիկ մի մեծ (9,5×7,5 սմ. չափերով) զարդագիր է, որի հետևում մի հրեշտակ է կանգնած: Սա գտնվում է կոնդակի ձախակողմյան մասում, իսկ աջակողմում նկարված է Էջմիածնի Մայր տաճարը, մանկահասակ երկու հրեշտակներ, որոնց մեկ ձեռքին կա եկեղեցական գավազան, իսկ մյուս ձեռքով բռնած են մի ծապալեն, որի վրա գրված է «կաթողիկոս» բառը:— **Գրիշը՝** անհայտ:— **Պատվիրատուն՝** Գեորգ Ե. Սուրենյանց, կաթողիկոս ամենայն հայոց (1811—1830 թթ.):— **Ծաղկողը՝** անհայտ: Սույն կոնդակը մի գեղեցիկ նմուշ է, որ տպված է Տփլիսի Հ. Ծախրազյանցի Գեղարվեստ փմագրատան մեջ:— **Ժամանակը՝** 1822 թ.:— **Վայրը՝** Մայր Աթոռ Ս. Էջմիածնի վանք:— **Ծանոթություն՝** վեհափառ Հայրապետը սույն կոնդակը հանձնել է Ջուղայից 1974 թ. մայիսի 18-ին:

ԲՈՎԱՆԴԱԿՈՒԹՅՈՒՆ

Հոգեզգոն Միաբանից Ս. Ուխտին հոշակաւոր Մեմատանին Սևանայ, բարեկրօն քահանայից, պատուարժան Ծխական հոգաբարձութեանց, քրտնաջան երկրագործաց և շինականաց շրջակայ գիւղօրէից Սևանայ, հարազատ որդւոց Մայր Աթոռոյն նուիրեմք զՀայրապետական օրհնութիւն և զԳրեկ-չաւանդ սէր առ ի կալ և մնալ Ձեզ՝ անարատ ի վարս, անբիծ ի հաւատս, անփորձ ի կեանս լցեալ բարեպաշտութեամբ և պտղովք արդարութեան ըստ հաճոյից կամացն Աստուծոյ, Ամէն:

Եւ ընդ Հայրական ողջունին և Հայրապետական օրհնութեանս յայտ առնեմք սիրեցելոյդ առ ի Մէջ որդւոց, զի համաձայն խնդրանաց Միաբանութեան Մեմատանին Սևանայ և տեսանել զնորոգ ընտրեալ և հաստատեալ ի Մէջ զվանահայր Մեմատանիդ զՏ. Գիւտ Ծ. վարդապետ յԱռաքելական աստիճան Եպիսկոպոսութեան վասն օգտաւտ ծառայութեան իւրոյ և ի խրախոյս առ յապսն գործունէութիւն, Մեք, ի 16 յուլիս ամսոյ, ի սօցի Գիւտի Ս. Նշխարաց Ս. Հօրն Մերոյ Գրիգորի Լուսաւորչի, շնորհեցաք մեա զբարձր կոչումն Եպիսկոպոսութեան, ձեռն եղեալ ի վերայ նորա և օծեալ Ս. Միտոնի ի Զրիստոսաէջ Մայր Տաճարիս: Ահաւասիկ առաքեցաք զմա առ Ձեզ ի միախարել զՁեզ և զբարեպաշտ Ուխտոյ և զքրտնաջան երկրագործս շրջակայ գիւղօրէից ի շարունակել զպաշտօն իւր, ի պայծառացուցանել զեկեղեցի Աստուծոյ, հաւատացեալ տեսչութեան իւրում, ի կրթել և վարժել զամենեսեանդ. յԱստուածային օրէնս և Աւետարանական պատուէրս:

(Ծարումակելի)



ԲՈՎԱՆ ԴԱԿՈՒԹՅՈՒՆ

Վեհափառ Հայրապետի քարոզը Փրկչի հրաշափառ և սուրբ Հարության տոնի առթիվ Մայր տաճարում	3
Փրկչի հրաշափառ և սուրբ Հարության տոնի առթիվ Ամենայն Հայոց Մայրազույց Պատրիարք և կաթողիկոս, Նորին Սուրբ Օծույթուն Ս. Տ. Վազգեն Ա Հայրապետի և քույր եկեղեցիների հոգևոր պետերի միջև փոխանակված ողջույնի հեռագրերն ու գրությունները	6
Ամենայն Հայոց Վեհափառ Հայրապետի շնորհավորական գիրը Փրկչի հրաշափառ և սուրբ Հարության տոնի առթիվ՝ ուղղված Հայաստանյայց եկեղեցու նվիրապետական երեք Աթոռներին, թեմակալ բոլոր առաջնորդներին և եկեղեցական համայնքներին	9
Փրկչի հրաշափառ Հարության տոնի առթիվ հանդիսավոր սուրբ պատարագ և հայրապետական քարոզ Մայր տաճարում	11
Հանգիստ ումին օրթողոքս եկեղեցու Պատրիարք Նորին Սրբություն ժուստինիանին	13
Ապրիլի 24-ը Մայր Աթոռում	19
ՄԱՅՐ ԱԹՈՒՌՈՒՄ—Եկեղեցական թեմ. լուրեր	21
ՄԻՒՎԱ ԿԱԳՈՒՏԻԿՅԱՆ—Ապրիլի 24. Երևան	24
ՄԱՐԿ ՌԻՓԿՈՎ—Հայ մարդու հոգում, հիշողության մեջ	27
ԾՆՈՐՀՀ ԱՐՔԵՊԻՍԿՈՊՈՍ ԳԱՆՈՒՍՏՅԱՆ—Ավագ հիմնադրաբի	28
Ա. Հ.—Սուրբ Կյուրեղ Հայրապետ Ալեքսանդրացի	34
Միոնի... (շարական, մշակումը՝ Գրիգոր Փետենյանի)	40
ԽԱՉԱՏՈՒՐ ԿԱՆԱՅԱՆ—Էջմիածնի նվիրականությունը ԺԸ դարում	44
Ա. Ն. ՇԱՀԻՆՅԱՆ—Միջնադարյան հորանալու հուշարձաններ	49
ԱՆԱՍՏԱՍ ՍԱՐԿՎԱԿԳ. ՄՈՒՍԻՍՅԱՆ—Գրախոսություն—Վաչև վրդ. Իզմատիության, «Աստվածամայրը», Վենետիկ, ս. Ղազար, 1977 թ., 36 էջ	56
Խորհրդակցություն ԵՀԽ-ի և Արևելյան Եվրոպայի երկրների անդամ եկեղեցիների ներկայացուցիչների միջև	57
Յուզակ Մայր Աթոռ ս. Էջմիածնի հոր տապանած ձեռագրերի	59



ԽՄԲԱԳՐՈՒԹՅԱՆ ՀԱՍՑԵՆ

ՀԱՅԿԱԿԱՆ ՍՍՀ, ԷՋՄԻԱԾԻՆ «ԷՋՄԻԱԾԻՆ» ԱՄՍԱԳՐԻ ԽՄԲԱԳՐՈՒԹՅՈՒՆ

Армянская ССР, Эчмиадзин, Редакция журнала «Эчмиадзин».
Rédaction de la revue «Etchmiadzine», Etchmiadzine. Arménie, URSS

Հանձնված է արտադրության 15.4.1977 թ.: Ստորագրված է տպագրության 17.5.1977 թ.:
Տպագրական 4 մամուլ + 3 ներդիր, թուղթ 60×84¹/₈, պատվեր 287:

Մայր Աթոռ ս. Էջմիածնի տպարան, 1977 թ.